

საქართველო

საქართველოს სახალხო ფრონტის ყოველთვიური საზოგადოებრივ-პოლიტიკური გაზეთი
შუალედებში გამოდის მხოლოდ სპეციალური (თემატური) ნომრები. №4 (2030) 30.11.2007 • ფასი 30 თეთრი

მსოფლიო (თუ მხოლოდ საქართველოს?) შეთქმულა საქართველოს წინააღმდეგ

რატომ „მსოფლიო“? იმიტომ, რომ ჩვენ, ქართველი ხალხი, დამკვიდრებას ვეძებთ მსოფლიოში, რომელშიც ჯერ არ ვართ. გვინდა მოვიპოვოთ მასში სტაბილური ადგილი და მდგომარეობა. იმისათვის, რომ ეს შევძლოთ, ყველამ უნდა „ჩაიჩოჩოს“ ცოტა მაინც: ზოგმა ერთი მილიმეტრით, ზოგმა ერთი სანტიმეტრით და ზოგმა კილომეტრით. საკუთარი ნებითა და ინიციატივით იმ მილიმეტრს არავინ დათმობს. თუ, მაგალითად, საქართველომ კარგი წიწმატი მოიყვანა და წიწმატის მსოფლიო ბაზარზე ადგილის მოპოვება მოიწადინა, გამოჩნდებიან დაინტერესებულნი, მას წიწმატის თესვაზე ხელი ააღებინონ, როგორც დღეს ცდილობენ გლეხს ვაზი აჩეხინონ. ეს არც საწყენია, არც შეურაცხყოფელი. მსოფლიოში ყველა ყველას ებრძვის, გარდა მოკავშირეებისა. ჩვენც ბრძოლის წესები უნდა ვისწავლოთ და ჩვენი გავიტანოთ.

რატომ მხოლოდ „საერთაშორისო“? იმიტომ, რომ მსოფლიოს დიდ ნაწილს ის მილიმეტრი დიდ არაფრად უღირს და ჩვენთან საბრძოლველად არ სცხვლა. სამაგიეროდ საერთაშორისო მოქმედება, ანუ ჯგუფური მოქმედება ჩვენი ქვეყნისა და ერის წინააღმდეგ გარანტირებული გვაქვს. უფრო ზუსტი იქნება, თუ ვიტყვით მხოლოდ „ერის წინააღმდეგ“. რადგან ქვეყანა „საქართველოს“ აღმოფხვრა გეოგრაფიული ნომენკლატურიდან არავის სჭირდება. ბრძოლა მიმდინარეობს ერის მოსასპობად, როგორც ერისა, და მის ნამოსახლარზე უქართველებო - ან თითქმის უქართველებო, - საქართველოს შესაქმნელად. მოკლედ, სცენარი ასეთია. საქართველოში მიმდინარეობს ორი ურთიერთდამოუკიდებელი პროცესი. პირველი. ეკონომიკა ინგრევა (ხელოვნურად), მოსახლეობა

საქართველოდან გადის. მეორე. ძირითადი ეკონომიკური სიმძლავრეები (ჰესები, საბადოები, პორტები, რკინიგზა, სანაოსნო, აეროდრომები, რაც მთავარია - მიწა) გადადის უცხოელთა საკუთრებაში. როცა ორივე ამ პროცესის შედეგები მიაღწევს (ურთიერთდამოუკიდებლად) რაღაცა წინასწარ განსაზღვრულ ნიშნულს (ვთქვათ, საქართველოში დარჩება ერთი მილიონი ქართველი და უცხოელთა ხელში გადავა ძირითად ეკონომიკურ სიმძლავრეთა 60%), მაშინ მიიციება სიგნალი და საქართველოში შემოვარდება უცხო მოსახლეობის მასა. იგი დასაქმდება ეკონომიკურ სიმძლავრეთა ამ 60 პროცენტში (რადგან ახალ მესაკუთრეს უფლება ექნება ის დაასაქმოს, ვისაც მოისურვებს) და მაშინ აიშვება მუხრუჭი: დაიწყება საქართველოში ეკონომიკური აყვავება. საქართველო სულ მოკლე დროში გახდება მდიდარი, კეთილდღიანი ტერიტორია, რომელსაც ან ისევ „საქართველო“ ერქმევა, ან რაღაც სხვა, ან დღევანდელი საქართველოს ტერიტორია ექნება, ან მისი ნახევარი, მაგრამ ქართული ადარ იქნება. შესრულდება ის, რასაც მრავალნი ნატრობდნენ და ნატრობენ (მათ შორის - ანდრეი სახაროვი) - შეიქმნება უქართველებო საქართველო. ეს სცენარის არამეცნიერული, ასე ვთქვათ - მდაბიური ენით გადმოცემაა. მეცნიერულთან ცოტა მიახლოებული ენით რომ გადმოვცეთ, დაგვემილი ოპერაციის დელაბარღვი შეგვიძლია ასე დავახასიათოთ. საქართველოში უნდა შეიქმნას ასეთი კომბინაცია: მსოფლიოში კონკურენტუნარიანი წარმოებისათვის საკმარისი ბუნებრივი ბაზა შეთქმულთა საკუთრებაში პლუს შრომისუნარიანი კვალიფიციური არაქართველი მოსახლეობა, რომელიც ამ ბაზას რაციონალურად გამოიყენებს. ეს იქნება

სიცოცხლისუნარიანი, უფრო მეტიც - ექსპანსიისუნარიანი კომბინაცია, რომელსაც ახალი ხელშეწყობა არ სჭირდება არც არსებობისათვის, არც ზრდისათვის, არც ადგილზე გაბატონებისათვის. ამგვარად, პროცესის დანარჩენი ნაწილი უკვე გარედან ჩარევის გარეშე, ბუნებრივად მოხდება. რაკი ეს კომბინაცია - ეს ჯანსაღი და უძლეველი ძალა - შეიქმნება, მის არსებობასა და განვითარებას ვეღარ დაემუქრება ვერც ხელისუფლების შეცვლა, ვერც ახალი კანონმდებლობა, ვერც რაგინდარა ენერგიული ზომები სახელმწიფოს მხრიდან. ამგვარად, ამით მოიხსნება საქართველოში მარიონეტულ ხელისუფლებათა კულტივაციის საჭიროებაც: საქართველოში შესაძლებელი იქნება, ეკონომიკურ ბუმთან ერთად, ჭეშმარიტი დემოკრატიის დაწყებაც. ვინ იქნება ის ახალი მოსახლეობა, რომელმაც, გვემის თანახმად, ემიგრირებული ქართველების ადგილი უნდა დაიკავოს? მათი ნაწილი შედგენილი იქნება, უეჭველია, იმ მეზობელი ერებისაგან, რომლებიც საქართველოს დემოგრაფიულ დაპყრობას დღევანდელ პირობებშიც ცდილობენ და დღემდისაც ცდილობდნენ. ნაწილი იქნება, უეჭველად, იმ დემოგრაფიულად აგრესიული არაევროპული მასების პროცენტის პროცენტის პროცენტი, რომლებიც დღეს ევროპას ტბორავენ. მაგრამ რთულია არა ამათი, არამედ მესაკუთრედ ნაგულისხმევი კონტინენტის ვინაობის პროგნოზირება. ზოგი რამ უკვე ვიცით. სახელდობრ, ვიცით ის, რომ ენერგეტიკული ობიექტების ყველაზე აქტიური მყიდველია რუსეთი. მან იყიდა მადნეულიც (ინგლისელი პარტნერების ზურგს უკან ამოფარებით), კინაღამ იყიდა (ისევ სხვის ზურგს უკან) ბათუმის პორტი, ყიდვას უპირებს რკინიგზას. ჩუბაისის კომპა-

ნიამ თუ ხუდონჰესის მშენებლობა დაიწყო, ის მუშებად და, რაც უარესია, სპეციალისტებად, რა თქმა უნდა, რუსებს შემოიყვანს. მაგრამ მესაკუთრეებად ძირითადად იქნებიან სხვანი, ვისაც, ტრადიციულად, თვითიდენტიფიკაცია ნაკლებად აქვთ შეზღუდული პასპორტით, ვიდრე გენეტიკითა და რელიგიით, და რომელთაც მსოფლიოში დღეს უძლიერესი ფინანსური და პოლიტიკური პოზიციები აქვთ. კითხვა დგას, ბუნებრივია, როგორ უყურებენ რუსეთის ზემოხსენებულ ახალ დამკვიდრებას რუსეთის მთავარი მოპირისპირენი - ამერიკელები? ცხადია, უარყოფითად, მაგრამ დასმული კითხვა ერთგვარად შერბილებულია იმით, რომ იმ ზემოხსენებულ პოტენციურ მესაკუთრეებს ამერიკაში დიდი გავლენა აქვთ (უფრო ზუსტად - აშშ ერთი იმ ქვეყანათაგანია, რუსეთთან ერთად, სადაც მათ ყველაზე დიდი გავლენა აქვთ). მაგამ ჩვენი ქვეყნისათვის მომსვლელთა კონკრეტული ვინაობა ნაკლებ არსებითია. მთავარია, რომ უცხოელნი იქნებიან და ერთიანი გვემის ელემენტები იქნებიან. საქართველოს ნგრევის სხვა მიმართულებები, სახელდობრ, ა) მისი დაქუცმაცების კურსი, რომელიც შედეგადად არაქართული სეპარატისტული მოძრაობების ორგანიზაციისაგან და საქართველოს ფედერალიზაციის მხარდაჭერისაგან, ბ) მასში განათლების და მეცნიერების ჩაკვლის კურსი და გ) მისი მოსახლეობის ზოგადი მენტალური დეგრადაციის ორგანიზების კურსი (რასაც ძირითადად ანგაჟირებული მედია ემსახურება) ამ ძირითადი სცენარის შემავსებელი, დამატებითი ზომებია. საქართველო დღეს თავისი ისტორიის ერთ-ერთ ყველაზე სახიფათო

მსოფლიო (თუ მხოლოდ საქართველოს წინააღმდეგ) შეთქმულება საქართველოს წინააღმდეგ

პირველი გვერდიდან

თო ჯვარედინზე დგას. მის გადარჩენას ხანგრძლივი და ორგანიზებული საერთო-ეროვნული ძალისხმევა სჭირდება.

საქართველოს სახალხო ფრონტის ეროვნული კომიტეტი

საერთო-ეროვნული ძალისხმევა, რომელიც საქართველოს გადარჩენას სჭირდება, დღეისათვის ორი ნაწილისაგან შედგება. ერთია ელიტარული მოქმედება, ანუ მცირერიცხოვანი (ან შედარებით მცირერიცხოვანი) მოქალაქეების შრომა და ბრძოლა საქართველოს სახელმწიფოებრიობის ბირთვის შესაქმნელად. სახელმწიფოებრიობის ბირთვი არის, პირველ ყოვლისა, მდგომარეობის ცოდნა და არსებული კრიტიკული მდგომარეობიდან ქვეყნის გამოსვლის შესაძლებელ გზათა ხედვა, რაც რეალური ფაქტების რაც შეიძლება სრულ გათვალისწინებას (აღრიცხვას) და ანალიზს მოითხოვს. მეორეც, ეს არის მტკიცე და სათანადოდ კვალიფიცირებულ ადამიანთა (მოქალაქეთა) ჯგუფი (ჯგუფები), რომელნიც დარგობრივად არიან დასპეციალებულნი და კონკრეტულად იციან, რომელ სფეროში (დარგში) (ტერიტორიის აღდგენაში, წესრიგის დაცვაში, საგარეო პოლიტიკაში, ეკონომიკაში, ეკოლოგიაში, განათლებაში, ჯანდაცვაში, სოციალურ და ა.შ.) რა ნაბიჯები უნდა გადადგას საქართველომ (და რა თანამდევრობით), რომ გადაარჩეს და წინ წავიდეს. ანუ: უნდა შეიქმნას ხელი, რომელიც მზად იქნება, რომ სახელმწიფო საჭე დაიჭიროს. დღეს საქართველოში ასეთი ხელი არ არსებობს. საქართველოს არსებული ხელისუფლება არა მხოლოდ ორგულია ამ ქვეყნისა, არამედ უსუსურიც (მოკლებული მდგომარეობის რეალურ ხედვას, სამომავლო გეგმას და მოქმედების უნარს). ასევე უსუსურია (და როგორც შემოსენებულ ცოდნას, ასევე შემოსენებულ ქმედითობას მოკლებულია), სამწუხაროდ და ნაწილობრივ, ის „ოპოზიციური“ ნაწილიც ხელისუფლებისა, რომელიც ჩანს. სახელმწიფოებრიობის ეს ბირთვი უნდა ჩამოყალიბდეს მოქმედების (ბრძოლის) პროცესში: მან ყველა ცალკეულ ვითარებაში უნდა იცოდეს, რა სჭირდება (რა ნაბიჯის გადადგმა ჰქმარებდეს) საქართველოს და, ქვეყნისა და ხალხის ინტერესთა სახელით, ეკონტაქტებოდეს საქართველოს პარტნერი ქვეყნების წარმომადგენლებსა და საერთაშორისო ორგანიზაციებს (ეპაექრებოდეს ან, პირიქით, მხარს უჭერდეს მათს კურსს) საქართველოსთვის სასიცოცხლო ყველა საკითხზე. საქართველოს ეროვნულად აქტიური პოლიტიკური ძალები – მისი ნამდ-

ვილი (და არა მოჩვენებითი) პოლიტიკური ელიტა – უნდა აკეთებდეს იმ საქმეს, რომელსაც ხელისუფლება უნდა აკეთებდეს, მაგრამ ვერ აკეთებს. ამას ეს ელიტა უნდა აკეთებდეს ხელისუფლების გვერდის ავლით და ხელისუფლებას მხოლოდ იმ შემთხვევაში უნდა დაუპირისპირდეს კონფლიქტურად ამ კონკრეტულ საკითხზე, როცა ამას თვით საკითხის საჭიროება მოითხოვს.

მეორე მხარე საერთო-ეროვნული ძალისხმევისა არის მასობრივი მოქმედება ქვეყნის სასიცოცხლო ინტერესების დასაცავად და გასატანად. ასეთი გამოსვლებისათვის დღეს (სხვა ამოცანათა გარდა, რომელთაც მომენტის საჭიროება მოითხოვს) თვალსაჩინოა ორი ამოცანა: „ქუჩის“ აქციებით მიღწეული უნდა იქნას რეალური საარჩევნო კანონის მიღება (რადგან არსებული კანონმდებლობით არჩევნები შეუძლებელია) და ყველა ქალაქის მერების არჩევითობა. ამ ორი მიზნისათვის მასობრივი გამოსვლა, საგარეოდ, აუცილებელი იქნება, რადგან დღევანდელი ხელისუფლება უფლებო თანამონაწილეა იმ საერთაშორისო შეთქმულებისა ქართველი ერის წინააღმდეგ, რომელზეც ლაპარაკობს საქართველოს სახალხო ფრონტის გამგეობის (ეროვნული დარბაზის) განცხადება (იხ. აქვე შემოთ) და მისი მმართველობის გაგრძელება (მით უმეტეს – განახლება კიდევ ერთხელ გაყალბებული არჩევნების გზით) შეუთავსებელია საქართველოს სასიცოცხლო ინტერესებთან.

* * *

გაზეთი „საქართველო“ სიღრმისეულად განიხილავს საქართველოს სასიცოცხლო ინტერესებთან დაკავშირებულ ყველა პრობლემებს. ამჯერად ჩვენი თემაა აფხაზეთის პრობლემის ერთი მხარე.

აფხაზეთის „სუვერენიტეტი“ მიზანმიმართულად ანტიქართული გაგება

ე.წ. ბოდენის დოკუმენტი, რომელიც გაეროში დევს, როგორც „ქართულ-აფხაზეთი კონფლიქტის“ დარეგულირების გეგმა, შეიცავს ორ ისეთ მომენტს, რომლებიც, – თითოეული ცალცალკე, – ნიშნავს აფხაზეთის გასვლას საქართველოს შემადგენლობიდან უახლოეს მომავალში. ერთია ის, რომ „აფხაზეთისა“ და „საქართველოს“ ერთობლივი სახელმწიფო, ამ დოკუმენტის მიხედვით, იქმნება ამ ორი ერთეულის ხელშეკრულების („ფედერალური შეთანხმების“) საფუძველზე, ანუ იმგვარ საფუძველზე,

რომლის დარღვევა ყოველთვის შეიძლება იმ შემთხვევაშიც კი, თუ ხელშეკრულებაში იქნება დათქმა, რომ მისი დარღვევა არ შეიძლება (ხელშეკრულების დარღვევა, რაც ყველა სუბიექტის შეუვალი უფლებაა, ეხება ხელშეკრულებას მისი „დათქმებითურთ“. ხელშეკრულების დარღვევა შეიძლება ისჯებოდეს, მაგრამ არავის აქვს უფლება მხარეს მისი დარღვევა აღუკვეთოს). ამგვარად, ბოდენის გეგმით, აფსუა („აფხაზ“) სეპარატისტულ ძალებს ეძლევათ ხელთ იურიდიული მექანიზმი საქართველოდან აფხაზეთის სეცესიისთვის (გამოყოფისთვის), რომელიც დღესდღეობით არ არსებობს. მეორე ასეთი მომენტი ის, რომ აფხაზეთს, ბოდენის პროექტის მიხედვით, აქვს „სუვერენობის“ სტატუსი: იგი არის „სუვერენული სახელმწიფო წარმონაქმნი საქართველოს შემადგენლობაში“. სიტყვა „სუვერენული“ ნიშნავს მხოლოდ „გარეთკენ დამოუკიდებელს და შიგნითკენ უზენაესს“, ანუ გარეგანი ძალებისაგან დამოუკიდებელს და შიგნით (თავის ტერიტორიაზე) თავისი ნების განხორციელების უფლებამოსილს ყველა სხვა ამ ტერიტორიაზე არსებულ სუბიექტთა უზენაესად. ამ ტერმინის ხმარება აფხაზეთის მიმართ ნიშნავს აფხაზეთის დამოუკიდებლობის ცნობას და, ამდენად, მისი ხმარება აფხაზეთის სტატუსის განსაზღვრისას, როგორც საქართველოსთან ხელშეკრულებით ერთ სახელმწიფოდ გაერთიანებული ერთეულისას, ცალსახად ნიშნავს იმას, რომ ეს სახელმწიფო არის კონფედერაცია – ურთიერთდამოუკიდებელთა შეთანხმება გაერთიანების შესახებ, რომელიც ნებისმიერ დროს შეიძლება კვლავ გაყოფილ (დაშლილ) იქნას.

ბოდენის ამ გეგმის უარყოფა, – მისი მიუღებლად გამოცხადება ოფიციალური წესით, – საქართველოს პრეზიდენტის მხრიდან არ მოხდა, თუმცა ეს უკანასკნელი თავს იურისტად თვლის და ვაღდებულისა, ამ სიტყვის მნიშვნელობა ესმოდეს, ისევე, როგორც სახელმწიფოებო კავშირის დარღვევადი ხასიათი. უფრო მეტიც: ბოდენის გეგმის მხარდასაჭერად თვითმარქვია „ექსპერტის“ პ. ზაქარეიშვილის და ძალიან უხვად დაფინანსებული რამდენიმე ამდენადვე შემთხვევითი ქართველი მოხალისის შემადგენლობით შექმნილია ჯგუფმა შექმნა და ნაწილობრივ გამოაქვეყნა აფხაზეთის კონფლიქტის დარეგულირების გეგმა, რომელიც მოიცავს „აფხაზეთისა“ და „საქართველოს“ შორის „ფედერალურ შეთანხმებას“ ერთობლივი სახელმწიფოს შექმნის შესახებ, რომელშიც აფხაზეთი იქნე-

ბა „სუვერენული სახელმწიფო წარმონაქმნის“ სტატუსით. ეს ტექსტი რადიკალურად იქნა გაკრიტიკებული ქართულ პრესაში და ეს კრიტიკა უპასუხოდაა დღესაც. მაგრამ პროექტის პოპულარიზაცია მასმედიაში გრძელდება და მისდამი ხელისუფლების სიმპათიის არაპირდაპირი გამოვლენაა ის ფაქტიც, რომ მისი ერთ-ერთი ავტორი კ. კუბლაშვილი, არაფრით არ გამორჩეული ახალგაზრდა იურისტი, რომელმაც შემოსენებულ კრიტიკას ვერ უპასუხა, საქართველოს უზენაესი სასამართლოს თავმჯდომარედ დაინიშნა.

ამჯერად ჩვენ გვინტერესებს ბოდენის გეგმის მხოლოდ ერთი შემოსენებულ ორ მომენტთაგანი – ტერმინი „სუვერენული“. ჩვენი ინტერესის მიზეზი ისაა, რომ კულუარულად, – პუბლიკაციის გარეშე და, მით უმეტეს, დასაბუთების ან ილუსტრაციის გარეშე – ვრცელდება დეზინფორმაცია, თითქოს სახელმწიფოთა (მათ შორის – სუპერსახელმწიფოთა) სუვერენიტეტის ფაქტობრივი კვეცის მსოფლიო პოლიტიკური პროცესი (პროცესები), რის მოწმენიც ვართ (იგულისხმება: მისი კვეცა მათი საერთაშორისო სამართლებრივი მოვალეობების ზრდის მიმართულებით მსოფლიო საზოგადოებრიობის წინაშე, რაც ეხება მხოლოდ ადამიანური უფლებებისა და ეკოლოგიის საკითხებს, მაგრამ არა სხვას), ცვლის ტერმინ „სუვერენული“ შინაარსს და, ამგვარად, აუქმებს – ან ნაწილობრივ აუქმებს, – ბოდენის დოკუმენტში ამ სიტყვის ხმარებიდან იმ დასკვნის გამოტანის აუცილებლობას, რომ აფხაზეთის დამოუკიდებლობის ცნობა ხდება. ეს დებულება ყალბია. სიტყვა „სუვერენული“ დღესაც, ისევე როგორც ტრადიციულად, ნიშნავს მხოლოდ „გარეთკენ დამოუკიდებელს და შიგნითკენ უზენაესს“ და, ამდენად, ბოდენის დოკუმენტის შემოთავაზებით საქართველოს ეძლევა წინადადება, თავისი ტერიტორიის ერთი ნაწილის – აფხაზეთის – დამოუკიდებლობა ცნოს. საბუთად იძულებულნი ვართ მოვიყვანოთ ორი კომპეტენტური და საყოველთაოდ აღიარებული პოზიცია ამ საკითხზე – ერთი ამერიკული, როგორც ყველაზე მნიშვნელოვანი სახელმწიფოდან მომდინარე, მეორე გერმანული, როგორც ყველაზე დიდი ფილოსოფიური კულტურის ქვეყნიდან მომდინარე. პუბლიკაციებს მივართმევთ საქართველოს პრეზიდენტის კანცელარიას და პარლამენტს, რათა შეუძლებელი გახდეს მათ მიერ სიტყვის „სუვერენული“ დღევანდელი შინაარსის არცოდნის და, აქედან გამომდინარე, ბოდენის დოკუმენტში მისი გამოყენებიდან გამომდინარე შედეგების ვერხედვის სიმულაცია.

აფხაზეთში საქართველოს სენატორი ხელისუფლებას იურიდიულის გარანტირებული აღდგენის კონსეფსია

წინასიტყვა

წინამდებარე ტექსტს „გარანტირებული აღდგენის“ კონცეფსია ეწოდება იმიტომ, რომ მასში ჩამოთვლილია საქართველოს ხელისუფლების ის ნაბიჯები (და მათი თანმიმდევრობა), რომლებიც საკმარისია, რათა შედგეს აფხაზეთის მთელ ტერიტორიაზე საქართველოს ცენტრალური ხელისუფლების იურიდიქციის აღდგენა განურჩევლად იმისა, ჰყავს თუ არა საქართველოს მსოფლიოს წამყვან ძალთა შორის „მეგობრები“, ანუ საქართველოს დიპლომატიური, ეკონომიკური, პოლიტიკური ან რაიმე სხვა სახის დახმარებისათვის განწყობილი ქვეყნები. საქართველოს მიერ აფხაზეთის მთელ ტერიტორიაზე თავისი იურიდიქციის სრულფასოვანი აღდგენისთვის მას სჭირდება ერთადერთი პირობა მსოფლიოს პოლიტიკურ, იურიდიულ და სტრატეგიულ ურთიერთობათა სისტემაში: მსოფლიო თანამეგობრობა უნდა კრძალავდეს ერთი სუვერენული სახელმწიფოს მიერ მეორე სუვერენული სახელმწიფოს წინააღმდეგ ომის დაწყებას, თუ ეს ომი არ არის მოტივირებული და ეს მოტივაცია არ არის საკმარისად დასაბუთებული საერთაშორისო სამართლის ნორმებზე დამყარებით. ეს პირობა დღეს შესრულებულია: საერთაშორისო სამართლით არადასაბუთებული ან არასაკმარისად დასაბუთებული ომის დაწყება საქართველოს წინააღმდეგ რუსეთს არ შეუძლია. ამგვარად, თუ საქართველოს ხელისუფლება საქართველოს დღევანდელი და სამომავლო სახელმწიფო ინტერესების ერთგულია, ანუ თუ მას კეთილი ნება აქვს, მაშინ იგი აფხაზეთში თავის იურიდიქციას აღადგენს ყველა შესაძლო შემთხვევაში. თუ საქართველოს ეყოლება მსოფლიოში მეგობარი ძალები, ამით, ცხადია, გასავლელი მიმე გზა შემოკლდება ანუ ამოცანის გადაჭრა გაადვილდება. ჩვენ, რა თქმა უნდა, ამოცანის ასეთ გაადვილებას სიხარულით შევხვდებით. მაგრამ ჩვენ უნდა გავითვალისწინოთ – და გარანტირებულად გავთვალთ – აფხაზეთში საქართველოს ცენტრალური ხელისუფლების იურიდიქციის აღდგენის მთელი გზა იმ შემთხვევისთვისაც, თუ ასეთი დამხმარე (დამხმარებელი) არ აღმოგვაჩნდება. ჩვენი თეზისი მხოლოდ ის განსვლავთ, რომ საქართველოს შეუძლია ამოცანის გადაჭრა ასეთი გაადვილების გარეშე და ეს გარემოება უნდა იყოს გათვალისწინებული ყველა მოლაპარაკებათა და შეთანხმებათა პროცესში, რომლებიც აფხაზეთის საკითხებს ეხება.

განყოფილება პირველი. პრინციპები

1. არსებული ფონი (მოლაპარაკებათა ფორმატი და მათზე წინამძღვრებად მიღებული შეხედულებები).

დღემდე შევარდნაძის ხელისუფლების ინიციატივით ტარდება მოლაპარაკებები „აფხაზეთის კონფლიქტის შესახებ“ გაეროს უშიშროების საბჭოს ეგიდით ნიუ-იორკში და ჟენევაში. მოლაპარაკებებში „მხარეებად“ არიან „შეიარაღებული კონფლიქტის მხარეები“, სახელდობრ, არძინბას (ბაღაფის) ჯგუფი, როგორც კონფლიქტის „აფხაზური მხარე“, ერთის მხრივ, და საქართველოს ხელისუფლება, როგორც „ქართული მხარე“, მეორეს მხრივ. აფხაზეთის უზენაესი საბჭოს ქართული ნაწილი თ. ნადარეიშვილის მეთაურობით მოლაპარაკებათა პროცესში ჩართული იქნა, მაგრამ არა „მხარის“ სტატუსით, მხოლოდ მოგვიანებით. რუსეთს მინიჭებული აქვს „მხარეთა“ შორის შეთანხმების მიღწევის „ხელშეწყობის“ („ფაცილიტატორის“, გამაადვილებლის) სტატუსი. მოლაპარაკებებში ამოსავალ წანამძღვრებად მდუმარედ ნაგულისხმევია შემდეგი დებულებები:

1. აფხაზეთში 1992-1993 წლებში მომხდარი ომი იყო ქართულ-აფხაზური ომი (ან: საქართველოსა და აფხაზეთის ომი) და იგი აფხაზეთმა მოიგეს (ან: აფხაზეთმა მოიგო)

2. აფხაზეთი არის აფხაზეთის ქვეყანა. აფხაზები არიან ის ხალხი, რომელიც თავის თავს „აფსუა“-ს უწოდებს. მართალია, აფხაზეთში იყო ქართული მოსახლეობა (46%) და ეს იყო მოსახლეობის უმრავლესობა, მაგრამ ეს იყო გვიან მოსული მოსახლეობა, უმთავრესად სტალინისა და ბერიაის მიერ ჩასახლებული 1930-იან წლებში. საომარი მოქმედების დაწყების შემდეგ ამ მოსახლეობამ არჩია აფხაზეთიდან აყრა და საქართველოში გადასახლება. აფხაზური მოსახლეობა, მართალია, ომამდე შეადგენდა მთელი მოსახლეობის მხოლოდ 17%-ს, მაგრამ ეს სიტუაცია განსაზღვრა იმან, რომ მეფის რუსეთმა XIX საუკუნეში ჩაატარა აფხაზი მოსახლეობის დიდი დეპორტაცია (გასახლება) თურქეთში.

3. აფხაზეთი და საქართველო ორი სხვადასხვა ქვეყანაა. აფხაზეთის ყოფნა საქართველოს შემადგენლობაში ისტორიულად მხოლოდ სხვადასხვა პოლიტიკურ ფაქტორთა შედეგია. ეს არის ერთერთი შემთხვევა, როცა ერთი ქვეყანა თავისი ხალხითურთ ინკორპორირებულია უფრო დიდ ქვეყანაში. ამიტომ ერთა (ხალხთა) თვითგანსაზღვრის (როგორც ქართულად თარგმნიან ხოლმე: თვითგამორკვევის) პრინციპი, რომელიც დღეს მსოფლიოს მიერ აღიარებულია და რეალიზებულიცაა დეკლარაციის პროცესის სახით, იმას მეტყველებს, რომ აფხაზებსაც თავისი ქვეყნაზად, ანუ აფხაზეთიანად, თავისუფლება უნდა ჰქონდეთ. ამგვარად, თუცა მსოფლიოში მუშაობს სხვა

პრინციპიც, სახელდობრ, სუვერენულ და გაეროს წევრ სახელმწიფოთა საზღვრების დაურღვევლობის პრინციპი, საქართველო სწორედ ასეთი სახელმწიფოა, რის გამოც აუცილებელია, რომ ამ ეტაპზე აფხაზეთი საქართველოს შემადგენლობაში დარჩეს, მაინც მსოფლიო თანამეგობრობის ამოცანაა ხელი შეუწყოს საქართველოს შემადგენლობაში აფხაზეთისათვის ისეთი სტატუსის განსაზღვრას, რომელიც მაქსიმალურად მიახლოებული იქნება დამოუკიდებლობასთან და რომლის პირობებშიც აფხაზი ხალხი თავისი ეროვნული ტერიტორიის – აფხაზეთის – მაქსიმალურად უფლებამოსილი მფლობელი და განმკარგველი იქნება.

მას შემდეგ, რაც აფხაზეთში არსებული სიტუაცია ოფიციალურად განსაზღვრის საერთაშორისო ორგანიზაციათა განხილვის საგანი, ანუ 1993 წლიდან დღემდე, საქართველოს ხელისუფლებას (არც შევარდნაძისა და არც დღევანდელს) არ განუცხადებია პროტესტი არც ერთი ზემოთყვანილი დებულების წინააღმდეგ, თუ არ ჩავთვლით იმას, რომ ქართული მხარე მოლაპარაკებათა პროცესში ხმარობს გამომთქმებს „დევიდი და ლტოლვილი მოსახლეობა“ და ამ მოსახლეობის საკუთარ სახლებში დაბრუნებას ითხოვს. მაგრამ ნათელია, რომ, თუ ზემოთყვანილი წანამძღვრები გაზიარებული იქნება, მაშინ, პრაქტიკულად და ლოგიკურად, გაზიარებული ვერ იქნება საქართველოს მოთხოვნა, რომ აფხაზეთი განიხილებოდეს, როგორც საქართველოს ორგანიზებული ნაწილი. ამიტომ ზემოხსენებული სამი წანამძღვრის მხილება მსოფლიო საზოგადოებრიობის თვალში, როგორც ყალბი დებულებებისა, – ანუ იდეოლოგიური ომის (და, შესაბამისად, საპროპაგანდო ომის) მოგება – არის აფხაზეთში საქართველოს იურიდიქციის აღდგენის ყოველი რეალისტური გეგმის ნაწილი.

II. აფხაზეთის პრობლემის გადაჭრის იდეოლოგიური (სახელდობრ, ისტორიოგრაფიული, მორალური და პოლიტიკური) საფუძვლები მსოფლიოს უნდა მოჰხსნდეს და აეხსნას, რათა შეუძლებელი გახდეს მის მიერ (და პირველ ყოვლისა რუსეთის მიერ) აფხაზეთის დამოუკიდებლობის ცნობა კოსოვოს დამოუკიდებლობის ცნობის „პასუხად“. ეს საფუძვლები, სახელდობრ, შემდეგია:

1. აფხაზეთში 1992-1993 წლებში წარმოებული ომი იყო ქართულ-რუსული და არა ქართულ-აფსუური („აფხაზური“) ომი). ქართველი მოსახლეობის გენოციდი, რომელიც ახლაც გრძელდება (მხოლოდ გალის რაიონში, სადაც დგანან რუსეთის „სამშვიდობო ძალები“ გაეროს მანდატით, 1993 წლიდან

2000 წლამდე მოკლულია 1800 მშვიდობიანი მოსახლე ქართველი ეროვნებისა, ანუ მთელი დღეს იქ მყოფი მოსახლეობის 3,6%), ორგანიზებულია და ჩატარებულია ძირითადად რუსეთის მიერ.

სახელდობრ, რუსეთის მხრიდან უშუალოდ ბრძოლაში მონაწილეობდნენ

– რუსეთის სამხედრო მოსამსახურეები, რომლებიც ტექნიკას მართავდნენ

– რუსეთის დათხოვნილი სამხედრო მოსამსახურეები, რომლებიც „დაქირავებულად“ იყვნენ გამოცხადებულნი.

– რუსეთის სამხედრო ნაწილები (345-ე ავიასადესანტო პოლკი და სოხუმის ბატალიონი),

– რუსეთის მოქალაქეები, რომლებიც მზადდებოდნენ და იარაღდებოდნენ რუსეთში და იგზავნებოდნენ საქართველოში, როგორც „მოხალისენი“ (კაზაკები, სხვა რუსები ან არარუსი მოხალისენი, ადიღელები, ყაბარდოელები, ოსები, მცირე რაოდენობით – ჩეჩნები)

– სამხედრო „კონსულტანტებად“ და „ინსტრუქტორებად“ წარმოდგენილი (არაოფიციალურად) რუსეთის სამხედრო მოსამსახურეები.

გარდა ამისა, რუსეთის ფედერაცია

– ამარაგებდა არძინბას ჯგუფის შეიარაღებულ ძალებს შეიარაღებით, საჭურველით, ტყვია-წამლით, სხვა სამხედრო მასალებით, საწვავით,

– აძლევდა სადაზვერვო ინფორმაციას

– თავის საპროპაგანდო აპარატის საშუალებით აწარმოებდა „საპროპაგანდო ომს“ მათ მხარეზე.

ამგვარად, მოლაპარაკებებზე გაზიარებული პირველი წანამძღვარი ყალბია.

2. ქართველი ხალხი აფხაზეთის დღევანდელი ტერიტორიის ერთადერთი ავტონომიური ხალხია, ანუ ის ხალხი, რომელმაც ეს ტერიტორია ხელუხლებელი ტყვეების მდგომარეობიდან გადაიყვანა განვითარებული ფეოდალური ცივილიზაციის მდგომარეობაში, ხოლო ქართული ენა ის ერთადერთი ენაა გარდა ბერძნულია ყოფილი საპორტო ბერძნული კოლონიების ტერიტორიაზე, რომელზედაც აქ შუა საუკუნეთა ეპიგრაფიკა (ქვაზე წარწერები) არსებობს. ეთნონიმს „აფსუა“ არა აქვს ლინგვისტური კავშირი ეთნონიმთან „აფხაზი“ (იხ. Т. Гамкрелидзе) და ტოპონიმთან „აფხაზეთი“, რომელიც ცნობილია VIII საუკუნიდან, როგორც ხან დღევანდელი აფხაზეთის, ხან მისი ერთი ნაწილის, ხან მთლიანად დასავლეთ საქართველოს აღმნიშვნელი. ხალხი აფსუა, ადიღური მოდგმისა, ჩრდილოეთ კავკასიიდან გადმოსახლდა კავკასიონის ქედის სამხრეთით ჯერ სპორადულად, XIII საუკუნიდან, ხოლო შემდეგ მასობრივად, XVII-

XVIII საუკუნეებში, როცა ადგილობრივი მკვიდრი ქართული მოსახლეობა მკვეთრად შემცირდა თურქული ლაშქრობების შედეგად. სახელი „აფხაზი“ იმ იმიგრანტ ადიღურ ტომებს დაერქვათ (ქართველების მიერ) იმიტომ, რომ პროვინციას, რომელშიც ისინი დასახლდნენ, „აფხაზეთი“ ერქვა.

ამრიგად, აფხაზეთი არ არის აფსუების („აფხაზების“) ქვეყანა. იგი ჯერ ქართველების, შემდეგ კი აფსუების („აფხაზების“) ქვეყანაა. ამ ტერიტორიის ბედის გადაწყვეტაში ერთი აფსუა („აფხაზის“) ხმას არ შეიძლება ენიჭებოდეს მეტი წონა, ვიდრე ერთი ქართველის ხმას, შესაბამისად – მთელი აფსუა („აფხაზი“) მოსახლეობის ხმას (90 ათასი სული) – მეტი წონა, ვიდრე მთელი ქართველი მოსახლეობის (300-მდე ათასი სული) ხმას.

დღეს აფსუა („აფხაზი“) ხალხს საკუთარი, ადიღური მოდგმის სხვა ხალხთაგან განსხვავებული ეთნიკური თვითცნობიერება აქვს და, ამდენად, საქართველოს გარეთ სხვა სამშობლო აღარ აქვს. მაგრამ დღეს არის მკაფიო ტენდენცია აფსუა („აფხაზი“) ხალხის ეთნიკური თვითცნობიერების რეინტეგრაციისადიღური მოდგმის სხვა ხალხებთან. თუ ეს მოხდება, მაშინ აფსუა („აფხაზი“) ხალხი დიასპორის მდგომარეობაში აღმოჩნდება.

თქმულიდან გამომდინარეობს – და საერთაშორისო ორგანიზაციებმა, რომელნიც აფხაზეთით ინტერესდებიან, ეს უნდა იცოდნენ საქართველოს ხელისუფლებისაგან – რომ აფხაზეთში რუსების მიერ დანერგილი და აფსუა („აფხაზი“) მოსახლეობის საკმაოდ ფართო წრის მიერ ატაცებული ლოზუნგები – „სმერტ გრუზინამ“ და „გრუზინი ვონ იზ აფხაზი“, რომლებიც განხორციელდა კიდევ იმავე რუსეთის ინიციატივითა და დახმარებით 1992-1993 წლებში – ზემოხსენებულ ყალბ ისტორიულ წანამძღვარს ემყარება, სახელდობრ, იმ თეზისს, რომ ქართველები აფხაზეთში მოსული და აფხაზეთის დამკავებელი ხალხია, თუმცა ამ დაკავების ფორმასა და თარიღს, თუნდ ათასწლეულის სიზუსტით, ვერავინ უთითებს.

არ არის მართალი არა მხოლოდ ის, რომ აფხაზეთში ქართველი მოსახლეობა მოსული ეთნიკური ელემენტია, არამედ არც ის, რომ აფხაზეთში საბჭოთა წლების მანძილზე მომხდარი იმიგრაციაში ქართველების პროცენტი ჭარბობდა. ძირითადი იმიგრაცია, რომელსაც ხელს უწყობდნენ საბჭოთა სახელმწიფოებრივი სტრუქტურები (განსაკუთრებით 50-იანი წლებიდან), ხდებოდა რუსებისა და სომხების სახით. შედარებით მცირე მასშტაბით ეს ხდებოდა რევოლუციამდეც. საბჭოთა წლებში კი ამ მიგრაციამ (სომხებისა და



რუსებისამ) წამლეკავი ხასიათი მიიღო. მის შედეგად აფხაზეთის მოსახლეობის 30% (16% სომხები, 14% რუსები) შეადგინა რუსული იმპერიული ადმინისტრაციის მიერ 100 წლის (ძირითადად კი - ბოლო 40 წლის) მანძილზე შესახლებულმა პირწმინდად უცხო ეთნიკურმა ელემენტებმა.

ამგვარად, მოლაპარაკებებზე გაზიარებული მეორე წინამძღვარი იც ყალბია.

3. არ არის მართალი, რომ აფხაზეთი არის ან ოდესმე ყოფილა საქართველოში ინკორპორირებული, მაშასადამე, ძალდატანებით შეყვანილი არაქართული ტერიტორია. აფხაზეთი მისი დღევანდელი ტერიტორიის სახით ან დაახლოებით ამ ტერიტორიის სახით იყო აფხაზეთის სამთავრო - სხვა ანალოგიურ ნაწილთან განუსხვავებელი ელემენტი ქართული ფეოდალური მონარქიისა - და ასეთად დარჩა მას შემდეგაც, რაც მოსახლეობა აფხაზეთი ელემენტებით შეივსო. საქართველოს დემოკრატიული რესპუბლიკის კონსტიტუციაში (1921წ.) აფხაზეთი ფიგურირებს, როგორც „სოხუმის ოლქი“, რომელსაც „ადგილობრივ საქმეებში“ ავტონომია აქვს. 1935 წლის აფხაზეთის კონსტიტუცია, რომელიც შედგენილი იყო საბჭოთა ადმინისტრაციის მიერ და რომელსაც აფხაზეთი („აფხაზი“) სეპარატისტები იმეორებენ, როგორც აფხაზეთის საქართველოსაგან ცალკე ყოფნის ორიდოულ საფუძველს, კონსტიტუცია კი არ იყო, არამედ პროექტი, რომელიც არც ერთი, რაგინდარა მარიონეტული საკანონმდებლო ორგანოს მიერ არ მიღებულა.

ამგვარად, მოლაპარაკებებზე მიღებული მესამე წინამძღვარიც ყალბია.

მოყვანილი სამი ყალბი დებულება არის იდეოლოგიური საფუძველი იმისა, რომ დღეს აფხაზეთი („აფხაზი“) სეპარატისტები, რუსეთის მიერ იმედშიცმულნი და ძალადმეორენი, თავისი ორი ამბიციის რეალიზაციას ფიქრობენ.

1. მათ სურთ, რომ აფხაზეთი, როგორც მთელი, გამოეყოს საქართველოს და ცალკე სახელმწიფო გახდეს.

2. მათ სურთ, რომ აფხაზეთი, როგორც მთელი (იმ ტერიტორიათა ჩათვლით, სადაც არასოდეს არცერთ აფხაზეთს „აფხაზს“) არ უცხოვრია. ასეთი ტერიტორიები აფხაზეთის ნახევარზე მეტს შეადგენს), მიიჩნიონ და მთელ მსოფლიოს მიანჩენიონ მხოლოდ თავის ქვეყნად და, აქედან გამომდინარე, მთელ მის ტერიტორიაზე, პრინციპში, აფხაური („აფხაზური“) ეთნოკრატია დაამყარონ, ხოლო აფხაზეთის, როგორც მთელის, ნება გააივიონ - და მსოფლიოს გააივიებინონ - აფხაზეთი („აფხაზი“) მოსახლეობის (90 ათასი სული) ნებასთან. საქართველოს სახელმწიფო ვერც ერთი ამ ორი ამბიციითაგანის რეალიზაციას ვერ დაუშვებს: პირველისას იმიტომ, რომ საქართველოს მთელი დღევანდელი ტერიტორია ქართველი ხალხის ეთნიკური ტერიტორია

აა ისტორიულად და ქართული სახელმწიფოს შემადგენელი ნაწილია ორი ათასწლეულის მანძილზე, იმ თითქმის ორი საუკუნის ჩათვლით (1801-1918, 1921-1991), როცა ქართული სახელმწიფო ანექსირებული იყო რუსეთის მიერ. ამ ტერიტორიაზე აფხაზეთი („აფხაზი“) ხალხს მკვიდრი მოსახლეობის ყველა უფლება აქვს, ისევე როგორც შეუზღუდველი განვითარებისთვის ყველა აუცილებელი პირობების ქონისა და მოპოვების უფლება, მაგრამ არა სახელმწიფოს ტერიტორიული ხელყოფის ან მისი მართვის მექანიზმთა ეფექტიანობის ხელყოფის უფლება. მეორე ამბიციის დაკმაყოფილებას კი საქართველოს სახელმწიფო ვერ დაუშვებს იმიტომ, რომ აფხაზეთის, როგორც მთელის, ნება არ არის მხოლოდ მისი აფხაზეთი („აფხაზი“) მოსახლეობის ნება, არამედ ტოლქმედია აფხაზეთში არსებული (და აფხაზეთის ტერიტორიის მოწყობისა და მომავალი ბედის განსაზღვრაში გასათვალისწინებელი) არა ერთი, არამედ სამი ნებისა.

სახელმწიფო,

- აფხაზეთი (როგორც ხალხი თვითონ უწოდებს თავის თავს), ანუ აფხაზი (როგორც სხვანი უწოდებენ ქართული ეთნონიმის მიხედვით) ხალხის ნება, რომ აფხაზეთის ტერიტორიას განიხილავდეს როგორც თავისი ეროვნული თვითრეალიზაციის ასპარეზს აწ და მარადის, თავისი ეროვნული ბუნებრივი და კულტურული მახასიათებლების, თავისი წეს-ჩვეულებებისა და ტრადიციების გათვალისწინებით აგებული საზოგადოების მოწყობისა და განვითარების ასპარეზს. აფხაზეთი („აფხაზი“) ხალხის უფლება, რომ ეს ნება განახორციელოს, აგრეთვე ვერ დადგება კითხვის ქვეშ, ვინაიდან, მიუხედავად იმისა, რომ აფხაზეთი („აფხაზი“) ეთნოსი არ არის ავტონომონური, არამედ XIII-XVIII საუკუნეთა მანძილზე კავკასიონის ქედის ჩრდილოეთი კალთებიდან გადმოსული ადიღური ტომების ჩამომავალია, იგი დღეს კულტურულად და ეროვნულად დიდდადა და შორებული ადიღელებს და, როგორც აღნიშნეთ, საკუთარი ეროვნული იდენტობის ცნობიერება აქვს.

- ქართველი ერის და მის რიცხვში - აფხაზეთის ქართველი მოსახლეობის ნებისა, რომ აფხაზეთის ტერიტორიას განიხილავდეს, როგორც თავისი ეროვნული თვითრეალიზაციის ასპარეზს აწ და მარადის, თავისი ეროვნული ბუნებრივი კულტურული მახასიათებლების, თავისი წეს-ჩვეულებების და ტრადიციების გათვალისწინებით აგებული საზოგადოებრივი მოწყობისა და განვითარების ასპარეზს (ქართველი ერის და კერძოდ, აფხაზეთის ქართული მოსახლეობის უფლება, რომ ეს ნება განახორციელოს, როგორც უკვე ითქვა, კითხვის ქვეშ ვერ დადგება, ვინაიდან, როგორც ვთქვით, ქართველი მოსახლეობა ამ ტერიტორიის ავტონომონური მოსახლეობაა, მასზე არსებული შუასაუკუნოვანი და მანამდელი მატერიალური და სულიერი კულტურისა და

სახელმწიფოებრიობის ერთადერთი შემქმნელი).

- აფხაზეთის ყველა კანონიერი მაცხოვრებლის ნებისა, რომ ჰქონდეს უსაფრთხოება, კეთილდღეობა, თანამედროვე ცივილიზაციისა და დემოკრატიის შესაბამისი პირობები (ამ ნების დამთხვევა არძინბასა (ბაღაფისა) და მისი ჯგუფის პოლიტიკურ კურსთან და, კერძოდ, საქართველოსაგან აფხაზეთის სეცესიის (გამოყოფის) ან საქართველოს ცენტრალური ხელისუფლებისაგან აფხაზეთის მაქსიმალური დამოუკიდებლობის კურსთან ჯერჯერობით არსად, არც რომელსამე დემოკრატიულად ჩატარებულ არჩევნებში ან რეფერენდუმში, არც სხვა რამ ფორმით - არ დადასტურებულა).

ეს სამი ნება ურთიერთდენტური არ არის, მაგრამ მათ შორის შეურთებელი წინააღმდეგობაც არ არის. შესაძლებელია, რომ ყოველთვის პირველს და მეორეს სხვადასხვა პოზიცია ჰქონდეთ აფხაზეთის სტატუსის რეგვირების, აფხაზეთის ხელისუფლებასა და საქართველოს ცენტრალურ ხელისუფლებას შორის უფლებამოსილებათა და კომპეტენციათა გამიჯვნის შესახებ, მით უმეტეს, აფხაზეთის შიგნით განხორციელებული პოლიტიკური და გეოგრაფიული მოწყობის, ოპტიმალური დარაიონების, სოხუმისა და რაიონების უფლებათა გამიჯვნის შესახებ, მაგრამ ამ სხვაობათა პარამონიზაცია შესაძლებელია (პირდაპირ მოლაპარაკებათა შედეგად). დაუშვებელია მხოლოდ დისკრიმინაცია, სახელმწიფო, ერთი აფხაზეთის („აფხაზისთვის“) მეტი უფლებამოსილების მინიჭება აფხაზეთის, როგორც მთელის, ბედის განსაზღვრაში, ვიდრე ერთი ქართველი მოსახლისათვის.

აფხაზეთში სამართლიანი და სრული დარეგულირებისა და სტაბილობის მიღწევის ობიექტური პირობები არსებობს, სახელმწიფო, აფხაზეთის ტერიტორია და რესურსები საკმარისია ზემოდასახლებული სამი ნების სრული რეალიზაციისთვის დღეს და მომავალში.

ამგვარად, წარმოდგენილი გვემის იდეოლოგია არის

- აფხაზეთი („აფხაზი“) ხალხის ყოველმხრივი თვითრეალიზაციისა და განვითარების დაცვა (რადგან, მიუხედავად აფხაზეთის („აფხაზი“) მოსახლეობის ძალიან მნიშვნელოვანი ნაწილის მიერ ქართველთა გენოციდისადმი თანაგრძობისა და მასში მონაწილეობისა, არ გვაქვს უფლება დავაზარალოთ აფხაზეთი („აფხაზი“) მოსახლეობის დანარჩენი ნაწილის, მათ შორის ახალი და მომავალი თაობის ინტერესები) - დევნილი და ლტოლვილი მოსახლეობის ინტერესთა უკომპრომისო სამართლიანი დაცვა, მისი მატერიალური და მორალური ზარალის სრული ანაზღაურების ჩათვლით - დამნაშავეთა დასჯა (ყველა მხრიდან)

- სიცოცხლისუნარიანი პირობების შექმნა აფხაზეთში ქართველი და აფხაზეთი („აფხაზი“) მოსახლეობის მომავალი მშვი-

დობიანი და ნაყოფიერი თანაცხოვრებისათვის.

განყოფილება მეორე. პრაქტიკული ნაბიჯები

აფხაზეთის მთელ ტერიტორიაზე ქართული იურისდიქციის სრული აღდგენისა და აფხაზეთის პრობლემის გადაჭრის ღონისძიებები და შესაბამისი ნაბიჯთა თანმიმდევრობა შესაძლებელია იყოს

ა) საქართველოს ხელისუფლების ოფიციალური განცხადება მსოფლიოს წინაშე, რომ აფხაზეთის ომი იყო და არის რუსეთის აგრესია (დღეს - მისი მიწის ოკუპაცია) რუსეთის მხრიდან; აფხაზეთის პრობლემის ყოველგვარი ინტერნაციონალიზაციის მოხსნა (მისი საქართველოს შინაურ პრობლემად მიჩნევა) ყოველმხრივ, გარდა ორადორი ასპექტისა: მისი განხილვისა, როგორც რუსეთის აგრესიისა საქართველოს წინააღმდეგ (და მისი განხილვისა ადამიანის უფლებათა დაცვის თვალსაზრისით

ბ) (პარალელურად) რუსეთის შეიარაღებული ძალებისთვის „სამშვიდობო“ მანდატის გაუქმება და მათი გაყვანა (რითაც რუსს ერთმევა ცეცხლის გახსნის უფლება),

გ) (პარალელურად) საქართველოს პირველ ამოცანად ოფიციალურად გამოცხადება ტერიტორიული მთლიანობის აღდგენისა და სახელმწიფოს მთელი ძალისხმევის მიმართვა ამ მიზანზე.

დ) (პარალელურად) შეიარაღებული ძალების განუხრელი გაზრდა, გაწვრთნა, საბრძოლო იარაღისა და ტყვეაწამლის სამართლიანი წარმოების აწყობა.

ე) (პარალელურად) საქართველოში აფხაზეთის გადარჩენისთვის წარმოებული პარტიზანული მოძრაობის რეაბილიტაცია, როგორც სამშობლოს დასაცავად მიმართული ბრძოლისა.

ვ) (პარალელურად) შევარდნაძის მიერ დაღებულ კაპიტულანტურ ხელშეკრულებათა დენონსაცია.

ზ) (პარალელურად) პროკურატურის მიერ საქმის აღძვრა ქართველების გენოციდისა, ეთნიკურ წმენდასა და სხვა მასობრივ დანაშაულებში მონაწილე და ორგანიზატორი პირების მიმართ.

თ) (პარალელურად) რუსეთის მიერ საქართველოსთვის აფხაზეთში მიყენებული მორალური და მატერიალური ზარალის განსაზღვრა და მისი ანაზღაურების ოფიციალური მოთხოვნა შესაბამისი პროცედურებით.

ი) (პარალელურად) დევნილ ქართველ მოსახლეობასთან, ლტოლვილ ქართველ და აფხაზეთ („აფხაზი“) მოსახლეობასთან, აგრეთვე აფხაზეთში მყოფ ქართველ, აფხაზეთ („აფხაზი“) და სხვა მოსახლეობასთან, მსოფლიოს მეცნიერულ და პოლიტიკურ წრეებთან შეძლებისდაგვარად ვრცელი კონსულტაციით იდეალურად სამართლიანი და მაქსიმალურად პერსპექტიული (სიცოცხლისუნარიანი) ფორმის გან-

საზღვრა აფხაზეთის სტატუსისთვის საქართველოს სახელმწიფოში და ამ განსაზღვრის მიღება საქართველოს პარლამენტის მიერ, როგორც საქართველოს კონსტიტუციის ნაწილისა. სტატუსის ეს განსაზღვრა შედეგადა ორი ელემენტისგან:

- აფხაზეთის, როგორც მთელისა და როგორც საქართველოს ნაწილის, უფლებრივი მიმართება საქართველოსთან, როგორც მთლიანთან, ანუ უფლებამოსილებათა გამიჯვნა თბილისის ნებასა და სოხუმის ნებას შორის

- აფხაზეთის შინაგანი პოლიტიკური და ადმინისტრაციული მოწყობის განსაზღვრა, ანუ იმ მექანიზმების (იმ უფლებრივი მიმართებების) განსაზღვრა, რომლითაც ფორმირდება სოხუმის ნება


საქართველოს სახელმწიფოს ყველა შემდგომი პრაქტიკული მოქმედება აფხაზეთში საქართველოს ცენტრალური ხელისუფლების იურისდიქციის აღსადგენად განიხილება, როგორც ხსენებული კონსტიტუციური ნორმის რეალიზაცია.

შენიშვნა. აფხაზეთის სიტუაციის დარეგულირებას იდეალურად სამართლიანი და რეალისტური გზის განსაზღვრა საქართველოს ძალუძს, ხოლო სეპარატისტებს არ ძალუძთ, რადგან მათ არ შეუძლიათ ხელის აღება ისეთ ანტიდემოკრატიულსა და ანტიპუმანურ ზრახვებზე, როგორცაა ლტოლვილთა არდაბრუნება და აფხაზეთში ეთნოკრატის დამყარება. ამ უპირატესობის ქმედითი გამოყენება საქართველოს ხელისუფლების მოვალეობაა.

კ) (პარალელურად) საქართველოს ხელისუფლებათა თავის უფლებად და თავის შეუვალ მოვალეობად უპირობოდ აცხადებს აფხაზეთში საქართველოს ცენტრალური ხელისუფლების იურისდიქციის სრულ აღდგენას, - ან ერთიანად აფხაზეთის მთელ ტერიტორიაზე, ან ნაწილ-ნაწილ, - ხოლო იმას, ეს აღდგენა მოხდება მშვიდობიანი მოლაპარაკების გზით საქართველოს ცენტრალურ ხელისუფლებასა და აფხაზეთ („აფხაზი“) ხალხის წარმომადგენლებს შორის თუ ძალის გამოყენებით, დამოკიდებულია თვლის მოვლენათა რეალურ განვითარებაზე. საქართველოს ხელისუფლებას მყარი ორიენტაცია აქვს აღებული პრობლემის გადაჭრაზე მშვიდობიანი გზით.

საქართველოს ხელისუფლების უფლებათა და შეუვალი მოვალეობა აფხაზეთში ყველა დევნილისა და ლტოლვილის უპირობოდ დაბრუნება და მათი მორალური და მატერიალური ზარალის სრული კომპენსაცია. საქართველოს ხელისუფლებათა არ ცნობს არც ერთ ნაყიდობის დოკუმენტს და დასახლების ნებართვის მიცემის არც ერთ დოკუმენტს, რომელიც აფხაზეთის დღევანდელი დამნაშავე ხელისუფლების მიერ იქნა გაცემული აფხაზეთის ტერიტორიაზე.

ლ) იმ შემთხვევაში, თუ აფხაზეთის მთელ ტერიტორიაზე ან მის რომელსამე ცალკე ნაწილ-



ში საქართველოს ცენტრალური ხელისუფლების იურისდიქციის აღდგენა ხდება ძალის გამოყენებით, შესაბამის ტერიტორიაზე მდგომარეობის შემდგომი ნორმალისაცა ხდება ნაბიჯთა შემდეგი თანმიმდევრობით:

– ინიშნება სამხედრო დროებითი ადმინისტრაცია

– ხდება ადგილობრივი კანონიერი მოსახლეობის მიერ ადგილობრივი თვითმმართველობის (ყველა დონის) არჩევა

– (პარალელურად) სამხედრო დროებითი ადმინისტრაციის დაცვით ბრუნდებიან დევნილი და ლტოლვილი და უპირობოდ იბრუნებენ თავის სახლებს და ქონებას

– დევნილთა და ლტოლვილთა ყოველი მნიშვნელოვანი ნაწილის დაბრუნების შემდეგ ხდება ადგილობრივი თვითმმართველობის ხელახლა არჩევა (გარდა იმ შემთხვევისა, თუ დაბრუნებულთა უმრავლესობა თანახმა არსებული თვითმმართველობის დარჩენისა)

– აფხაზეთის მთელ ტერიტორიაზე ან მის დიდ ნაწილში საქართველოს ცენტრალური ხელისუფლების იურისდიქციის აღდგენისა და დევნილთა და ლტოლვილთა დიდი ნაწილის დაბრუნების შემდეგ ხდება საქართველოს კონსტიტუციის და საარჩევნო კანონის შესაბამისად აფხაზეთის ხელისუფლების ფორმირება არჩევნებისა და კანონით გათვალისწინებული შემდგომი პროცედურების გზით. აფხაზეთის არჩევითი წარმომადგენლობითი ორგანო იღებს აფხაზეთის კონსტიტუციას და სხვა კანონებს საარჩევნო ჩათვლით, რის შემდეგაც ტარდება აფხაზეთის წარმომადგენლობითი ხელისუფლების ყველა დონის არჩევნები ამ კონსტიტუციისა და კანონების შესაბამისად.

როგორც საარჩევნო პროცესებში, ისე ლტოლვილთა და დევნილთა დაბრუნების პროცესში სასურველია საერთაშორისო ორგანიზაციათა და ქვეყანათა (მაგრამ არა მხოლოდ ქვეყანათა) მიერ ქმედითი მონიტორინგის ჩატარება.

ბანყოფილება მისამ.

საქართველოს სახელმწიფოში აფხაზეთის სტატუსის იდეალურად სამართლიანი და სრულყოფილად პერსპექტიული განსაზღვრის პრინციპები

საქართველოს სახელმწიფოში აფხაზეთის სტატუსის იდეალურად სამართლიანი და პერსპექტიული (ანუ მთელი განუყოფელი მომავლისთვის გამოსადევი) განსაზღვრა, რომელიც მიიღება საქართველოს პარლამენტის მიერ, როგორც საქართველოს კონსტიტუციის ნაწილი, მიზნად ისახავს

– საქართველოს სახელმწიფოს დაცვის, გაძლიერების, მისი მართვის მაქსიმალური ეფექტიანობის უზრუნველყოფას

– საქართველოს ყველა მოქალაქისთვის მისი ყველა ფუნდამენტური ადამიანური ინტერესის, მათ შორის – მისი ეროვნული (ეთნიკური) ინტერესის დაკმაყოფილების თანასწორი პირობების შექმნას, ანუ ისეთი

პირობებისა, რომელშიც ყველა ინდივიდს თანასწორი შესაძლებლობა ექნება, თავისი უნარი და ძალისხმევა მოახმაროს თავისი ერის სამარადისოდ დაცვისა და განვითარების საქმეს, და ყველას თანასწორად ექნება შესაძლებლობა, ისარგებლოს თავის წინაპართა მიერ შექმნილი ეროვნული სპეციფიკური კულტურით. ამ მიზანში შედის ქართული და აფსუური („აფხაზური“) ეროვნების მოქალაქეებისთვის სახელმწიფოს მიერ დაფინანსებული დამატებითი სპეციფიკური პოლიტიკური ინსტიტუტების შექმნაც და კანონმდებლობაში სპეციფიკური ნორმების არსებობაც, იქიდან გამომდინარე, რომ ქართული და აფსუური („აფხაზური“) ეროვნების პირთათვის მათი ერის მარადიულყოფისა და სრული მთლიანეროვნული თვითრეალიზაციის ერთადერთი ასპარეზი დედაქალაქი საქართველოს საზღვრებშია.

საქართველოს სახელმწიფოში აფხაზეთის სტატუსის იდეალურად სამართლიანი და პერსპექტიული განსაზღვრა შედეგადაა ორი ელემენტისაგან:

– აფხაზეთის, როგორც მთელის, იმ ადგილის, როლისა და უფლებამოსილების განსაზღვრა, რომელიც მას მოუდის, როგორც საქართველოს ნაწილს.

– აფხაზეთის, როგორც მთელის, შინაგანი მოწყობის ფორმის განსაზღვრა იმგვარად, რომ სამართლიანად და ქმედითად იყოს დაცული როგორც საქართველოს სახელმწიფოს ინტერესი, ისე მისი მოსახლეობის ყველა ეროვნული ჯგუფის ყველა ინტერესი, მათ შორის – აფსუა („აფხაზი“) ხალხის ინტერესიც, რომ თავისი დღევანდელი სახლობის სივრცეში და მის გარეთ შექმნას და შეინარჩუნოს ობიექტური სამართლებრივი და ფაქტობრივი პირობები თავისი მარადიულყოფისა და შეუზღუდველი განვითარებისთვის.

1. აფხაზეთის სტატუსი საქართველოს სახელმწიფოში

აფხაზეთი არ არის საქართველოს მიერ (ისტორიულად – აღმოსავლეთ საქართველოს მიერ ან დასავლეთ საქართველოს, კოლხეთის მიერ) ოდესმე მართებული ან დაკავებული ტერიტორია. იგი დღეისთვის ცნობილი მთელი ისტორიის მანძილზე საქართველოს ნაწილია. აფხაზეთის, როგორც პოლიტიკური ერთეულის („სოხუმის ოლქის“ სახელწოდებით) სტატუსი საქართველოს 1921 წლის კონსტიტუციაში განსაზღვრულია, როგორც ავტონომია.

საქართველოს სახელმწიფოში აფხაზეთის სტატუსის სწორი (ანუ სამართლიანი და პერსპექტივაში სიცოცხლისუნარიანი) განსაზღვრა მიზნად გულისხმობს

– საქართველოს სახელმწიფოებრივი ინტერესების დაცვას

– აფხაზეთის ყველა კანონიერი მაცხოვრებლის კანონიერი ინტერესების დაცვას, მათ ეროვნულ (ეთნიკურ) ინტერესთა ჩათვლით

– აფსუა („აფხაზი“) ხალხისთვის, რომელსაც საქართველოს

გარეთ სხვა სამშობლო და სხვა კომპაქტური დასახლების ტერიტორია არ მოეპოვება, იბიექტური პირობების უზრუნველყოფასა და დაცვას შეუზღუდველი ყოველმხრივი თვითრეალიზაციისა და განვითარებისთვის.

დღეს აფსუა („აფხაზი“) ხალხის შეუზღუდველი და ყოველმხრივი თვითრეალიზაციის ობიექტური პირობების შექმნა და შენარჩუნება საქართველოს სახელმწიფოს და აფხაზეთის ქართველი მოსახლეობის ინტერესთა და უზარალებლად შესაძლებელია ორი გზით:

პირველი. აფხაზეთი თავის დღევანდელ საზღვრებში (ანუ როგორც აფსუური („აფხაზური“), ისე ქართული დასახლების ტერიტორიათა მოცუთ) ინარჩუნებს ავტონომიის სტატუსს („აფხაზეთის ავტონომიური რესპუბლიკის“ სახელწოდებით), რაც ლოგიკურად გულისხმობს, რომ ამ ერთობლივ პოლიტიკურ ერთეულში არ იმოქმედებს მხოლოდ აფსუა („აფხაზი“) მოსახლეობის ნება, არამედ იმოქმედებს სხვა ნებაც (იხ. ზემოთ).

მეორე. ავტონომია, მაგრამ რადიკალურად გაძლიერებული ავტონომია ექნება აფხაზეთის, პრინციპში, მხოლოდ იმ ტერიტორიას, რომელზეც არის კომპაქტური აფსუური („აფხაზური“) მოსახლეობა. ასეთ შემთხვევაში მას ვეღარ ერქმევა „აფხაზეთის ავტონომიური რესპუბლიკა“ (რადგან ეს გეოგრაფიულად და ეთნონომურად არასწორი იქნება), არამედ ერქმევა „აფსუური ავტონომიური რესპუბლიკა“ ან სხვა რამ მსგავსი სახელი.

სავარაუდოა, რომ აფსუა („აფხაზი“) ხალხის სრული თვითრეალიზაციის ინტერესებისთვის პირველი, ტრადიციული ვარიანტი უმჯობესია.

აფხაზეთის აფსუური („აფხაზური“) მოსახლეობას ვერ ექნება იმის ამბიცია, რომ ერთპიროვნულად განსაზღვროს აფხაზეთის მთელი ტერიტორიის ბედი, მისი პოლიტიკურადმინისტრაციული მოწყობა, მისი მართვა, მასზე მოქმედი კანონების რეგულირება და ა.შ., ამ რიცხვში – იმ ტერიტორიებისაც, სადაც აფსუა („აფხაზი“) ხალხს არასოდეს უცხოვრია და სადაც ავტონომიური ქართველი მოსახლეობა ყოველთვის ცხოვრობდა და ცხოვრობს (გალის რაიონი მთლიანად, დალის ხეობა) (ამ ტერიტორიების მოწყობისა და მართვის რეგულირებაზე აფსუა („აფხაზი“) მოსახლეობა ზემოქმედებას მოახდენს იმავე წესით, რასაც ყველა სხვა ამომრჩეველი, სახელმწიფო, აფხაზეთის უზენაეს საკანონმდებლო ორგანოს არჩევნებში მონაწილეობით).

აფსუა („აფხაზი“) მოსახლეობის სპეციფიკური სამართლიანი ამბიცია აფხაზეთის შინაგანი მოწყობის რეგულირებასთან დაკავშირებით ვრცელდება (და შეიძლება ვრცელდებოდეს) მხოლოდ შემდეგზე:

– დასახლების იმ სივრცის უპრობლემოდ (ანუ მისი შეზღუდვის შიშის გარეშე) შე-

ნარჩუნებაზე აწ და მარადის, სადაც იგი რეალურად ცხოვრობს (სახელმწიფო, კომპაქტურად ცხოვრობს, როგორც ზემოთ უკვე ვთქვით, საუკუნეთა მანძილზე. ესაა გუდაუთის რაიონის და ოჩამჩირის რაიონის დიდი ნაწილი და ამ ტერიტორიის მიმდებარე ტერიტორიები ზემოთ, კავკასიონისკენ). აფსუური („აფხაზური“) მოსახლეობას უნდა ჰქონდეს უშიშარი პერსპექტივა ამ ტერიტორიის გამოყენებით შეუზღუდველი გამრავლებისა და თავის რჩენის მატერიალური ბაზის ქონისა

– ყოველმხრივი, მათ შორის – ეროვნული თვითრეალიზაციის პრაქტიკულ შესაძლებლობებზე ყველაფერ აფხაზეთში და დანარჩენ საქართველოში და სათანადო პირობების გარანტიანე. ესაა სახელმწიფოს მიერ დაფინანსებადი ყველა დონე განათლების აფსუური („აფხაზური“) ენაზე, ყველა სახის კულტურული დაწესებულებები, სამართალწარმოებაში აფსუური („აფხაზური“) ენის გამოყენება და ა.შ.

– ეროვნული – არა მხოლოდ კულტურული, არამედ აგრეთვე სოციალური და პოლიტიკური განვითარების (ანუ საკუთარი ეროვნული მენტალიტეტის შესაბამისი თანამედროვე საზოგადოების შენების) ობიექტური პირობების ქონაზე. სახელმწიფო, აფხაზეთის უზენაეს საკანონმდებლო ორგანოს და მთავრობას უნდა ჰქონდეთ უფლება, რომ ადამიანთა ყოველდღიური ურთიერთობების რეგულირების სფეროში (ოჯახი, ქორწინება, გაცრა, ღირსება, შეურაცხყოფა და ა.შ.) მიიღონ აფსუური („აფხაზური“) კომპაქტური დასახლების რაიონებისთვის ან მთლიანად აფხაზეთისთვის იმგვარი კანონები და კანონქვემდებარე აქტები, რომლებშიც გათვალისწინებული იქნება აფსუური („აფხაზური“) ტრადიციული მენტალიტეტის სპეციფიკა.

აფხაზეთის, როგორც მთელის, სტატუსს საქართველოს სახელმწიფოში ენება ერთის მხრივ, თითქოს, შედარებით წვირლმანი, მაგრამ რეალურად პრინციპული და ფსიქოლოგიურად უმნიშვნელოვანელი სფერო – სიმბოლური ინტერესების სფერო. აქ პრინციპული საკითხია: რატომ არის საჭირო (ან: მიზანშეწონილი, აუცილებელი, დასაშვები, „სამწუხაროდ აუცილებელი“ და ა.შ.) აფხაზეთში, რომელშიც ე.წ. „სტატუსლო“ მოსახლეობას ქართველები და აფსუები წარმოადგენენ, ქართული კულტურულ-პოლიტიკური ინვენტარის (მაგ. წარწერების ენა, ქართული სკოლა და ბიბლიოთეკა...) არსებობა, ერთის მხრივ, და აფსუურისა („აფხაზურისა“) – მეორეს მხრივ. ამ კითხვისთვის შესაძლებელია ორი პასუხი, ერთიმეორესთან საკვებით შეთავსებადი. **პირველი:** „იმიტომ, რომ აფსუა („აფხაზი“) ბერეკაცმა და ბავშვმა გენწვისში (სადაც ქართველების გარდა არაფერცხოვრობს) ან ქართველმა ბერეკაცმა და ბავშვმა ღიხში (სადაც აფსუების (აფხაზების“) გარდა არაფერცხოვრობს)

დამოუკიდებლად წაიკითხოს წარწერა „შესვლა აჭრტალეული ქართულ (ან: აფსუური („აფხაზური“) ენაზე ემსახურება შესაბამისი მოსახლეობის კომფორტს“. მეორე: „იმიტომ, რომ ქართველმა (ან: აფსუამ („აფხაზმა“) თვალნათლივ დაინახოს, რომ მისი ხალხი ამ ტერიტორიის (ლიხნი, გენწვისი და ა.შ.) უფლებამოსილ ბატონ-პატრონად (არა ერთადერთ ბატონ-პატრონად, მაგრამ მაინც ბატონ-პატრონად) აღიარებულა მთელ აფხაზეთში, ამ კონკრეტული გეოგრაფიული პუნქტის ჩათვლით. ანუ: წარწერები ჩემს ენაზე სიმბოლოა, ნიშანია, აღიარება იმისა, რომ ამ ტერიტორიაზე ჩემი ხალხიც უფლებამოსილია, თავისი პოლიტიკური ნება იქონიოს და თავისი თავის ეროვნული, ეთნიკური, კულტურული, პოლიტიკური და სხვა ყველაფერი თვითდამკვიდრება მოახდინოს, როგორც თავის სამშობლოში“. პირველი მოტივი უფრო თვალსაჩინოა, მეორე – უფრო ღრმა და პოლიტიკური ქმედებისთვის უფრო მასტიმულირებელი. თუ მეორე მოტივი მხედველობაში არ მიიღება, მაშინ აფხაზეთში კომპაქტური ქართული დასახლების ტერიტორიების მოწყობის მიმართ აფხაზეთის სხვა ნაწილთა აფსუა („აფხაზი“) მოსახლეობას ვერანაირი სამართლიანი პრეტენზია ვერ ექნება (და პირიქით): ეს არის მიწა-წყალი, რომელზეც აფსუა („აფხაზი“) ხალხს არასოდეს უცხოვრია და რომელზეც დღეს არანაირი ბაზა არ გააჩნია. თუ აფსუა („აფხაზი“) ხალხს ჰსურს, რომ ამ ტერიტორიაზე მისი რეალური და სიმბოლური სპეციფიკურად ეროვნული ინტერესების ანგარიშგაწევა ხდებოდეს (რაც სავსებით ბუნებრივი სურვილია), მაგალითად, სავალდებულო იყოს რკინიგზის სადგურის წარწერები ან სკოლის ბუფეტის წარწერები აფსუური („აფხაზური“) ენაზე იქაც, სადაც მხოლოდ ქართველი მოსახლეობაა, მაშინ მას თავისი სურვილისთვის აუცილებლად ეს მოტივაცია უნდა მიწა: „მე უნდა ვუხედავდე, რომ მიწა, სადაც აფსუები ვლგავარ, ჩემი და შენი, ქართველი, ერთობლივი ტერიტორიულ-პოლიტიკური ერთეულის, აფხაზეთის ნაწილია, და არა მხოლოდ შენის“, რაზეც ქართველი უპასუხებს: „დაიხ, ასეა. და სწორედ იმიტომ, რომ ეს ასეა, აფხაზეთი ვერ იქნება ერთპიროვნულად აფსუური („აფხაზური“) სახელმწიფო; სწორედ იმიტომ, რომ ამ მიწა-წყლის ბედის განსაზღვრაში მე და შენ აბსოლუტურად თანასწორი ხმის უფლება გვაქვს“. აფსუა („აფხაზი“) ეროვნების ადამიანთა დიდი ნაწილის ზემოხსენებული სურვილი, რომ აფხაზეთის მთელ ტერიტორიაზე, ამა თუ იმ ზომით და ამა თუ იმ ფორმით, ხორციელდებოდეს, ამა თუ იმ კომბინაციაში საქართველოს ცენტრალური ხელისუფლების ნებასთან და აფხაზეთის ქართველი მოსახლეობის ნებასთან, მისი სპეციფიკური ნებაც, შესაძლებელია მხოლოდ იმ შემთხვევაში, თუ მხარეები

შეთანხმებულნი არიან იმაზე, რომ აფხაზეთი მთლიანობაში, როგორც ტერიტორიულ-პოლიტიკური ერთეული, ქართველი და აფსუა („აფხაზი“) მოსახლეობის ერთობლივი ტერიტორიულ-პოლიტიკური ერთეულია, რომელშიც ერთი ქართველი მაცხოვრებლის და ერთი აფსუა („აფხაზი“) მაცხოვრებლის აზრს (ხმას) ერთი და იგივე გავლენისუნარიანობა აქვს.

2. აფხაზეთის შინაგანი მოწყობის პრინციპები

გამოთქმულ კითხვას „ვისია აფხაზეთი?“ აფხაზეთში არსებული პრობლემის ვერც ერთი სერიოზული ცდა ვერ გაექცევა. აფსუა („აფხაზი“) სეპარატისტებს ამ კითხვის ცალსახა პასუხი აქვთ: „რა თქმა უნდა, აფხაზების (იგულისხმება: აფსუების)“. ეს პასუხი მიუღებელია, ვინაიდან აფხაზეთის ჰყავს სხვა ე.წ. სატიტულო მოსახლეობაც, სახელდობრ, ქართველი მოსახლეობა და ეს მოსახლეობა თავისი ეროვნული კუთვნილობით ავტონომიურია (ამაზე ლაპარაკი გვქონდა ზემოთ). ერთი აფსუა („აფხაზი“) მაცხოვრებლის ხმას, როგორც ვთქვით, ვერ ექნება მეტი წონა აფხაზეთის მართვაში და მისი ბედის გადაწყვეტაში, ვიდრე ერთი ქართველის ხმას (საწინააღმდეგოს მტკიცება აბსურდია). ამგვარად, მივდივართ ფორმულირებამდე, რომ აფხაზეთი აფსუებისა („აფხაზებისა“) და აფხაზეთელი ქართველებისა ან: აფხაზეთელი ქართველების და აფსუებისა („აფხაზებისა“). მაგრამ, გარდა ამ ორისა, აფხაზეთი ეკუთვნის ქართველ ერსაც მის ერთიანობაში, იგი ქართველი ერის ეთნიკური ტერიტორიაა (მისი კუთვნილია ყოველგვარი მიგრაციის გარეშე), მისი ყოფნა თუ არყოფნა საქართველოს შემადგენლობაში ღრმა გავლენას ახდენს ყველა ქართველის ცნობიერებაზეც და პრაქტიკულ ინტერესებზეც. ამგვარად, მივდივართ ფორმულირებამდე: „აფხაზეთი არის აფსუების („აფხაზებისა“), აფხაზეთელი ქართველებისა და ქართველი ხალხისა მის მთლიანობაში“. ამ სამი პრეტენდენტთან, რომ აფხაზეთი „მისი“ იყოს, მესამეს – ქართველ ერს მის მთლიანობაში – ასახიერებს საქართველოს სახელმწიფო თავისი ცენტრალური ხელისუფლებითურთ, რომელსაც (ამ ხელისუფლებას) ეკუთვნის გარკვეული უფლებამოსილებები აფხაზეთის მართვაში. მაგრამ როგორ – რა იურიდიული ფორმით – ხორციელდება ის, რომ აფხაზეთი აფსუებისა („აფხაზებისა“) და აფხაზეთელი ქართველებისა? საამისოდ საყოველთაოდ მიღებული იურიდიული ფორმა არის ის, რომ აფსუა („აფხაზი“) მოსახლეობაც და ქართველი მოსახლეობაც ერთობლივად ირჩევენ აფხაზეთის უზენაეს საკანონმდებლო ორგანოს, ანუ მას ანდობენ ყველა არსებითი საკითხის გადაჭრას. მაგრამ აფხაზეთში დღევანდელ პირობებში და განჭვრეტად მომავალში ეს იურიდიული მექანიზმი საკმარისი არ არის: მხოლოდ ამ მექანიზმის მოქმედება

სხვა მექანიზმთა დაუნმარებლად გამოიწვევს მუდმივ შინაგან ძაბვას ქართველ და აფსუა („აფხაზი“) ამომრჩევლებს შორისაც და დეპუტატებს შორისაც. სახელდობრ, ბრძოლა იქნება რიცხობრივი უპირატესობისათვის იმ ორგანოში, რომელიც ყველაფერს წყვეტს, ხოლო იმ საკანონმდებლო ორგანოს შიგნით დეპუტატთა ხმები დანაწილდება ეროვნული ჯგუფობრიობის მიხედვით და არა განსახილველი კონკრეტული საკითხებისადმი არგუმენტირებული დამოკიდებულების მიხედვით (ქართული მოსახლეობის დეპუტატებს მოვლენათა ბუნებრივი მიმდინარეობის შემთხვევაში ექნებათ რიცხობრივი უპირატესობა აფსუა („აფხაზი“) დეპუტატებთან, ხოლო ამ უკანასკნელთ არაქართველ და არააფსუა („არააფხაზი“) დეპუტატებთან ერთად არჩევნების მცირედი მანძილირების შემთხვევაში – ქართველ დეპუტატებთან). ამიტომ აფხაზეთის შინაგან მოწყობაში ზემოხსენებულ ზოგადდემოკრატიულ მექანიზმთან ერთად გამოყენებულ უნდა იქნას სხვა მექანიზმიც, სახელდობრ, ისეთი, რომელიც ქმედითს განდის (დადებითი მიმართულებით) თემური სოლიდარობის ფაქტორს. აფხაზეთის ცენტრალური ხელისუფლება არ უნდა იყოს ყოველისშემძლე თავის ურთიერთობაში აფხაზეთის კონკრეტულ თემებთან (რაიონებთან), არამედ მათი უფლება-მოვალეობები ერთმანეთის მიმართ რაც შეიძლება დეტალურად უნდა იყოს განსაზღვრული აფხაზეთის კონსტიტუციით. თემთა (რაიონთა) უფლებები აფხაზეთის ცენტრალურ ხელისუფლებასთან მიმართებაში უნდა იყოს საკმარისად ფართო, რათა მათ შეძლონ ისეთი ღონისძიებების არღმვეტა თავის ტერიტორიაზეც და ზოგადად, მთელ აფხაზეთშიც, რომლებიც მათს თემურ ინტერესებს ან მათი მოსახლეობის მენტალიტეტს ეწინააღმდეგება. დასაშვებია და მიზანშეწონილია, რომ კანონი (კონსტიტუცია) მათი საკუთარი ნების უფლებრივ მიმართებას აფხაზეთის ცენტრალური ხელისუფლების ნებასთან განსაზღვრავდეს იმის მიხედვით, რა კონკრეტული მიზნები და ამოცანები დგას ამ თემის წინაშე. მაგალითად, არც ერთი თემის (რაიონის) მოსახლეობას, გარდა აფსუურის („აფხაზური“) კომპაქტური დასახლებების თემების (გუდაუთისა და ოჩამჩირისა), არა აქვს პრობლემა, რომ შეზღუდოს თავის ტერიტორიაზე იმიგრაცია სხვა რაიონებიდან, შესაბამისად, ამ ორი თემის ადმინისტრაციას კანონი უფრო ფართო უფლებებს უნდა აძლევდეს ამ კონტროლის განსახორციელებლად, ვიდრე სხვა თემებში (ამაზე უფრო ვრცლად – ქვემოთ).

რაიონის ადგილობრივი თვითმმართველობის ნებართვის გარეშე რაიონის ტერიტორიის გამოყენების უფლება მშენებლობისთვის, მინერალური ნედლეულის მოპოვებისთვის, სათავდაცვო, ეკოლოგიური, ეკონომიკური, დემოგრაფიული ან სხვა ნებისმიერი მიზნებისათვის აქვს მხ-

ოლოდ საქართველოს მთავრობას და საქართველოს პრეზიდენტს, ისიც – მხოლოდ საყოველთაოდ ცნობილი გამჭვირვალე მოტივაციის შემთხვევაში. ამგვარად, თუ საქართველოს სახელმწიფოს განუყოფელი ნაწილის – აფხაზეთის – შინაგანი მოწყობის რეალისტურად განსაზღვრა გვინდა, ეს მოწყობა უნდა დაეაყაროს მოსახლეობის მორალური, სოციალური და პოლიტიკური ჯგუფური თვითიდენტიფიკაციის ძირითად რეალურ ერთეულზე – თემზე (community, Община). აფხაზეთის მოსახლეობა თავის მორალურსა და პოლიტიკურ აზროვნებაში თავისთავს ყოფს ეთნიკურ თემებად, იგი თავის პრაქტიკულ ინტერესებსაც და მორალურ ვალდებულებებსაც ამ თემების მიხედვით საზღვრავს. ყველაზე მკაფიოდ გამოხატულია (და, სამწუხაროდ, ერთიმეორისადმი დაპირისპირებულია) ქართული და აფსუური („აფხაზური“) თემი, რომლებიც გეოგრაფიულად გაყოფილნი არიან: ერთი შედგება (ძირითადად) გალისა, დალის ხეობისა და ვაგარის ზონებისაგან (გაგრაში, უფრო, შერეულ დემოგრაფიული სიტუაცია). ეს ქართული თემებია. მეორე შედგება (ძირითადად) გუდაუთისა და ოჩამჩირის ზონებისაგან. ეს აფსუური („აფხაზური“) თემია. პირდაპირსა და უშუალო კონტაქტში ეს თემები არიან სოხუმში და რამდენსამე სხვა ადგილას. დასახლებული ადგილები საყრდენია, „ციხესიმაგრეა“ აფხაზეთში ქართველი მოსახლეობის მდგომარეობისათვის, ერთის მხრივ, და აფსუური („აფხაზური“) მოსახლეობის მდგომარეობისთვის – მეორეს მხრივ. თუ გვინდა, რომ ორივე ეს მოსახლეობა მშვიდად (უშიშრად) იყოს, ეს საყრდენები უნდა მყარი იყოს, ანუ აფხაზეთის ცენტრალურ ხელისუფლებას, რაგინდარა ბოროტი ნების შემთხვევაში, არ უნდა შეეძლოს მათი ხელყოფა – ვთქვათ, გალისა და დალის ხეობისა იმ შემთხვევაშიც კი, თუ ეს მოინდომა უზენაესი საბჭოს არაქართულმა უმრავლესობამ, და გუდაუთისა და ოჩამჩირისა იმ შემთხვევაშიც კი, თუ ეს მოინდომა უზენაესი საბჭოს ქართველმა უმრავლესობამ. აფხაზეთის რაიონთა (მათი თვითმმართველობისა და მოსახლეობის) უფლებები აფხაზეთის ცენტრალური ხელისუფლების წინაშე მკაფიოდ უნდა იყოს განსაზღვრული აფხაზეთის კონსტიტუციაშიც და საქართველოს კონსტიტუციის იმ მუხლებშიც, რომლებიც აფხაზეთს ეხება.

რაიონების უფლებები აფხაზეთის ცენტრალური ხელისუფლების წინაშე ეხება ამ უკანასკნელის უფლებამოსილებათა საზღვრებს მათი ბუნებრივი რესურსების გამოყენებასა და რეგულირებაში (ტყე, მჟავე წყლები, საკურორტო შესაძლებლობანი და სხვა), მათი მრეწველობის მართვაში, მათ ტერიტორიაზე მშენებლობაში და ა.შ. რაიონისა და აფხაზეთის ცენტრალური ხელისუფლების დავას ხსენებული კომპეტენციებ-

ის შესახებ იხილავს საქართველოს საკონსტიტუციო სასამართლო. ამგვარად, აფხაზეთის შინაგან მოწყობას ერთგვარი ფედერალურობის სახე აქვს. აფხაზეთის ძირითადი ეთნიკური თემები – ქართველი მოსახლეობა და აფსუა („აფხაზი“) მოსახლეობა – წინასწარი ურთიერთშეთანხმებით (და, იგულისხმება, აფხაზეთში მოსახლე სხვა მოქალაქეთა ნების გათვალისწინებით) წყვეტენ, თავისთვის მნიშვნელოვანი რომელი და რომელი პრობლემების რეგულირების (გაძლიერების) უფლებამოსილებას დაუტოვონ (მიანდონ) აფხაზეთის ცენტრალურ ხელისუფლებას, რა ფორმით, რა ზომით და კონტროლის რა გარანტიებით. ეს შეთანხმება ფიქსირდება აფხაზეთის კონსტიტუციის შესაბამის მუხლთა ტექსტის სახით. ეს პუნქტი – აფხაზეთში ცენტრალური ხელისუფლებისა და რაიონების უფლებამოსილებათა განსაზღვრა და ურთიერთგამიჯვნა – ერთი იმ პუნქტთაგანია, რომელიც, – თუ გვინდა, რომ მომავალმა აფხაზეთის კონსტიტუციამ იმუშაოს, – ყველაზე უფრო მკაცრი აუცილებლობით მოითხოვს წინასწარ კონსულტაციასა და შეთანხმებას აფხაზეთის ქართველი მოსახლეობის (ამჟამად დევნილის) და აფსუა („აფხაზი“) მოსახლეობის ავტორიტეტულ წარმომადგენლობებს შორის. იმისათვის, რომ აფხაზეთის ესოდენ ელასტიური და ამავე დროს ქმედითი შინაგანი ორგანიზაცია არ შეიცავდეს რაიმე საშიშროებას საქართველოს ცენტრალური ხელისუფლების ქმედუნარიანობისთვის აფხაზეთში, აუცილებელია და საკმარისი ორი პირობა: პირველი: რაიონსა და ცენტრს („სოხუმს“) შორის წამოჭრილ დავათა საბოლოო განხილვა უნდა ხდებოდეს საქართველოს საკონსტიტუციო სასამართლოში ან საქართველოს უზენაეს სასამართლოში. მეორე: საქართველოს კონსტიტუციაში უნდა იყოს ნათქვამი, რომ რაიონის ნებართვის გარეშე მისი ტერიტორიის გამოყენების უფლება მშენებლობისთვის, მინერალური ნედლეულის მოპოვებისთვის, სათავდაცვო, ეკოლოგიური, ეკონომიკური, დემოგრაფიული ან სხვა ნებისმიერი მიზნისათვის აქვს მხოლოდ საქართველოს პარლამენტს და საქართველოს პრეზიდენტს – ისიც სრული და ამომწურავი, ოფიციალურად გამოქვეყნებული მოტივაციით (სათავდაცვოს გარდა).

3. უფლებამოსილებათა განაწილების პრინციპები უფლებრივი მიმართებები, რომლებიც უნდა განისაზღვროს საქართველოს სახელმწიფოში აფხაზეთის სტატუსის დამდგენ იდეალურად სამართლიანსა და პერსპექტიულ დოკუმენტში, მდგომარეობს ფუნქციათა და უფლებამოსილებათა იდენტიფიკაციასა და გამოჯვანაში ერთის მხრივ საქართველოს ცენტრალურ ხელისუფლებასა („თბილისს“) და აფხაზეთის ცენტრალურ ხელისუფლებას („სოხუმს“) შორის,

მეორეს მხრივ აფხაზეთის ცენტრალურ ხელისუფლებას („სოხუმს“) და აფხაზეთისავე რამელიმე ადმინისტრაციულად გამოყოფილ ერთეულს (რაიონს) – „გალს“, „დალის ხეობას“, „გუდაუთას“, „ოჩამჩირს“ და ა.შ. – შორის. ამ უფლებამოსილებათა სასურველი სრული რუკის წინასწარ (ურთიერთმოლაპარაკებამდე) შედგენა შეუძლებელია, რადგან ამ სფეროში არის მრავალი კონკრეტული საკითხი, მათ შორის – მსხვილი საკითხიც, რომლის გადაჭრას (ხაზს ვუსვამთ: გადაჭრას და არა არგუმენტირებას და კონტრატგუმენტირებას ჩამოთვლას) სჭირდება წინასწარ შეთანხმება მხარეებს შორის და რომლის გადაჭრასაც ფასი (ანუ მხარეთა მიერ რეალურად აღიარების პერსპექტივა) მხოლოდ ასეთი წინასწარი შეთანხმების შემთხვევაში აქვს. მაგრამ ზოგადი პრინციპების მოხაზვა და მათი გარკვეულ ზომამდე დაკონკრეტებაც შესაძლებელია. ქვემოთ წარმოვადგენთ (ერთერთი შესაძლო ვარიანტის სახით) ამ პრინციპებს, როგორც „თბილისის“ და „სოხუმის“, ისე „სოხუმისა“ და „რაიონის“ უფლებამოსილებათა გამიჯვნისათვის. საქართველოს ცენტრალური ხელისუფლების („თბილისის“) და აფხაზეთის ცენტრალური ხელისუფლების („სოხუმის“) უფლებამოსილებათა გამიჯვნა გამიჯვნის პრინციპი სხვა ვერა იქნება რა, თუ არა შემდეგი: ყველა მმართველობითი ფუნქცია და, შესაბამისად, ყველა უფლებამოსილება, რომელიც სახელმწიფოს უსაფრთხოების თვალსაზრისით მოითხოვს ერთ ხელში თავმოყრას, უნდა იყოს მხოლოდ და მხოლოდ საქართველოს ცენტრალური ხელისუფლების ხელში. ასეთ ფუნქციათა და შესაბამის უფლებამოსილებათა ჩამონათვალი არის და ყოველთვის დარჩება ღია, ვინაიდან ყოველთვის შესაძლებელია და მოსალოდნელია მოვლენათა რეალურმა განვითარებამ (პოლიტიკურმა, ტექნოლოგიურმა, სტრატეგიულმა და სხვამ) შექმნას ან გამოავლინოს ახალი მმართველობითი ფუნქცია, რომელიც მმართველობით ფუნქციათა ამ კლასს ეკუთვნის. ასეთი ფუნქცია, ბუნებრივია, მოექცევა საქართველოს ცენტრალური ხელისუფლების ექსკლუზიური (ერთპიროვნული) უფლებამოსილებების რიცხვში. დავასახელებთ ასეთ, საქართველოს ცენტრალური ხელისუფლების ერთპიროვნულ კომპეტენციაში მყოფ ფუნქციათა და უფლებამოსილებათა მაგალითებს. 1. საერთაშორისო სამართლის სუბიექტად ყოფნა და საერთაშორისო სახელმწიფოებრივი ხელშეკრულებებისა და შეთანხმებების დადების, საქართველოს სახელით ვალდებულებების აღებისა და განცხადებების გაკეთების უფლება 2. საქართველოს საზღვრის დადგენა და დაცვა, ტერიტორიული წყლების, საჰაერო სივრცის, კონტინენტური შეღვის დაცვა



და კონტროლი.

3. თავდაცვა და უშიშროება, შეიარაღებული ძალების, უშიშროების ძალების, შინაგანი ჯარისა და ნებისმიერი სახის შეიარაღებული ფორმირებების შექმნა წესრიგის დაცვის პოლიციის გარდა; შეიარაღების წარმოება და იარაღით ვაჭრობა.

4. მოქალაქეობის ინსტიტუტის ქონა; მოქალაქეობის მიცემა და ჩამორთმევა

5. ომის გამოცხადება და ზავის დადება; საომარი და საგანგებო მდგომარეობის შემოღება და გაუქმება

6. სახელმწიფო ფინანსები, ფულის ნიშნების ემისია, საგარეო ვალის აღება და მისი მომსახურება

7. ბუნებრივი რესურსების დაცვის, გამოყენებისა და განკარგვის სტრატეგიის განსაზღვრა

8. სახელმწიფო უსაფრთხოებისათვის და ენერგეტიკული უსაფრთხოებისათვის აუცილებელი ობიექტების ფუნქციონირების, განკარგვის, მშენებლობისა და განვითარების სტრატეგიის, აგრეთვე უცხო ინვესტიციათა დაშვების სტრატეგიის განსაზღვრა

9. სახელმწიფო უსაფრთხოებისათვის აუცილებელ ნავსადგურთა, აეროდრომთა, რკინიგზათა, საავტომობილო გზათა ფლობა, მართვა და განკარგვა. მათი შექმნისა და განვითარების სტრატეგიის, აგრეთვე უცხო ინვესტიციათა მიღების სტრატეგიის განსაზღვრა

10. სანიტარული კორდონის, სავიზო რეჟიმის, იმიგრაციის კონტროლი

11. შეწყობა და ამნისტირება და სხვა.

ფუნქციონირება და უფლებამოსილებათა ამ კლასის გარდა, რომლებიც ცენტრალური ხელისუფლების („თბილისის“) ერთპიროვნულ კომპეტენციაში უნდა იყოს, განსაზღვრული უნდა იყოს მათი ის კლასიც, რომელიც საქართველოს ცენტრალური ხელისუფლებისა და აფხაზეთის ხელისუფლების („თბილისისა“ და „სოხუმის“) ერთობლივ კომპეტენციაში უნდა იყოს, მაგრამ კანონმდებელი უნდა ეცადოს, რომ ეს კლასი შეძლებისდაგვარად მცირე იყოს, რადგან ორი სხვადასხვა ნების გადაკვეთა ერთსა და იმავე სფეროში („თბილისის“ ნებისა და „სოხუმის“ ნების) იწვევს დროის მანძილზე გარდამავად კონფლიქტს მათ შორის და, შესაბამისად, ადგილობრივი მოსახლეობის და „ცენტრის“ ფსიქოლოგიურ ურთიერთგამიჯვნას და ურთიერთდაპირისპირებას. მაგალითად, იმის თქმას, რომ საავტომობილო გზათა მშენებლობა ორივეს ერთობლივ კომპეტენციაშია – ცენტრი ზრუნავს საერთო „სახელმწიფოებრივი მნიშვნელობის“ გზებზე, აფხაზეთის ხელისუფლებამ კი „ადგილობრივი მნიშვნელობისაზე“ – ბევრად ჯობია იმის თქმა, რომ ცენტრი აშენებს იმ გზებს, რომელსაც თვითონ საჭიროდ თვლის, და ასევე იქცევა აფხაზეთის ხელისუფლებაც, მაგრამ ცენტრი კონტროლს უწევს აფხაზეთის ხელისუფლების მიერ გზათა მშენებლობას ზოგადსახელმწიფო

ფორმირების სტრატეგიის თვალსაზრისით, მაგალითად, არ იძლევა უფლებას გზატკეცილის გასაყვანად კავკასიონის ამა თუ იმ უღელტეხილამდე, რომლის გადაღმა მხარესაც საქართველოზე დარტყმისათვის მომზადებული რუსული გზატკეცილი ამოღის.

ამგვარ „ერთობლივ კომპეტენციას“ მიუთვინებულ ფუნქციონირებას და უფლებამოსილებათა რაოდენობა დიდია. სასურველია, რომ ყველა ამ უფლებამოსილებისათვის კანონში მითითებული იყოს, რომელ მხარეს ეკუთვნის ინიციატივა და რომელს – კონტროლი. მაგალითად, ახალი ტოპონიმების შემოღება არ შეიძლება არ კონტროლდებოდეს ცენტრალური ხელისუფლების მიერ, მაგრამ არც ის შეიძლება, რომ აფხაზეთში ტოპონიმების დარტყმის ინიციატივა მოდიოდეს მხოლოდ ცენტრიდან, ადგილობრივ საზოგადოებას კი არ ჰქონდეს უფლება დაარქვას ამა და ამ გეოგრაფიულ პუნქტს ნებისმიერი სახელი, რომელიც არ ქმნის კონფლიქტს სახელმწიფოს ზოგად კურსსა და იდეოლოგიასთან.

„თბილისისა“ და „სოხუმის“ ერთობლივ კომპეტენციაში შესაყვანი ფუნქციებისა და უფლებამოსილებების მაგალითად (მხოლოდ მაგალითად და არა სრულ ჩამონათვალად) შეგვიძლია დავასახელოთ შემდეგი:

– განათლება
განათლების სისტემის მმართველთა შორის აფხაზეთში უნდა იყოს ისეთი პირები, რომელნიც კომპეტენტურნი იქნებიან აფხაზეთი ენისა (სალიტერატურო ენისა) და კულტურის რეალურ მდგომარეობაში და მისგან გამომდინარე ამოცანებში, აფსუა („აფხაზი“) საზოგადოების მენტალიტეტის რეალურ სადღესო მდგომარეობაში, მის მიერ ისტორიისა და საკუთარი ეროვნული ამოცანების ხედვაში და მათ უნდა ჰქონდეთ სასწავლო პროგრამების, სახელმძღვანელოებისა და დამხმარე სახელმძღვანელოების შექმნასა და შემოღებაში ინიციატივის კომპეტენცია. მაგრამ ამ ინიციატივას ესაჭიროება კონტროლი ცენტრალური ხელისუფლების მხრიდან, რათა არ წარმოიშვას შეურეგულირებელი მინარსობრივი წინააღმდეგობა ერთის მხრივ აფხაზეთში მიღებულ პროგრამებსა და სახელმძღვანელოებსა და მეორეს მხრივ დანარჩენ საქართველოში მიღებულ პროგრამებსა და სახელმძღვანელოებს შორის.

– სიმბოლიკა (დროშა, ალაში, ჰიმნი); აფხაზეთის ტერიტორიის ადმინისტრაციული საზღვრები; აფხაზეთის ოფიციალური სახელი (ეს ინსტიტუციური საკითხებია). ეს სფერო პირდაპირ კავშირშია საქართველოს სახელმწიფოში აფხაზეთის სტატუსის რაგვარობასთან, ამიტომ აღნიშნულ საკითხებზე პოზიტიური გადაწყვეტილებების მიღება (ანუ ისეთებისა, რომელიც ეხება რაღაცა ნაბიჯის გადადგმას და არა აღკვეთას, რაღაცა ახალი ინსტიტუტის შექმნას და არა გაუქმებას), უნდა ხდებოდეს აფხაზეთის ხელისუფლების ინიცია-

ტივით, მაგრამ საქართველოს ცენტრალური ხელისუფლების დასტურით.

– ჯანდაცვა
ნორმალურ პირობებში, ანუ როცა ცენტრი არ მოელის ავტონომიისგან პირდაპირ მტრულ ქმედებას და საქმის დივერსიას, ან პირუკუ, ბუნებრივია ამ დარგში ორგანულად შეწყობილი თანამშრომლობა მათ შორის. მაგრამ თუ პირობები განსაკუთრებულია, – მაგალითად, ცენტრი მოელის მიზანმიმართულ დივერსიას, ვთქვათ, ვიდაცისათვის მედღანძრების არმიწოდებას, მაშინ ცენტრს უნდა ჰქონდეს უფლება, ეს მომსახურება თვითონ გაწიოს ან პირუკუ. მან დროებით უნდა ჩამოართვას ავტონომიის ჯანდაცვის ორგანოებს მოცემული საქმე და იგი თავის ხელში უნდა აიღოს. იგივე ითქმის წესრიგის დაცვის სამსახურებზე (კრიმინალური პოლიცია, როგორც ვთქვით, საქართველოს ცენტრალური ხელისუფლების კომპეტენციაში უნდა შედიოდეს).

ერთობლივი კომპეტენციის მომთხოვნე ფუნქციონირება და უფლებამოსილებათა მაგალითების დასახელებას აღარ გვაგონდება, რადგან ეს ჩამონათვალიც, ისევე როგორც ცენტრის ერთპიროვნულ კომპეტენციაში მყოფი ფუნქციებისა, დიახ: ყოველთვის შეიძლება აღმოჩნდეს, რომ აფხაზეთის ხელისუფლების („სოხუმის“) კომპეტენციაში შემაგალი ესა თუ ის ფუნქცია მოითხოვს ერთობლივთა რიცხვში გადაყვანას ან პირიქით, იმისა და მიხედვით, თუ საით წავა დროის მოცემულ მონაკვეთში პოლიტიკური და ფსიქოლოგიური ამინდის ევოლუცია.

აფხაზეთის ხელისუფლების („სოხუმის“) ერთპიროვნულ კომპეტენციაში ბუნებრივია შედიოდეს ყველა ისეთი ფუნქციები, რომლებიც ეხება შინაგან რეგულირებას და რომელთა შესრულების ხარისხი და მიმართულება არ ახდენს და ვერ მოახდენს მნიშვნელოვან სახიფათო ზეგავლენას საქართველოს სახელმწიფოს უსაფრთხოებაზე (ვთქვათ, ქალაქმშენებლობა, საკურორტო მრეწველობის განვითარება, სპორტის განვითარება და ა. შ.) (იგულისხმება, კაცობრიობის მდიდარი გამოცდილებით, რომ ამგვარი ფუნქციები უკეთ სრულდება ცენტრის მონაწილეობის გარეშე, ვიდრე მასთან ერთობლივად). ასეთ სფეროში აფხაზეთის ხელისუფლების თანამშრომლობას საქართველოს ცენტრალურ ხელისუფლებასთან ვერ ექნება სავალდებულო ხასიათი, არამედ იგი იქნება მხოლოდ ნებაყოფლობითი. მეორე პრინციპად უნდა აღებულ იქნას ის, რომ რომელიმე სახის ეკონომიკური აქტივობისაგან მიღებული და მისაღები შემოსავლების არაპროპორციულად დიდი მრეწველობა (ვთქვათ, ტურიზმისა) ვერ გახდება და ვერ უნდა გახდეს იმის საფუძველი, რომ ეკონომიკის ეს დარგი აფხაზეთის ერთპიროვნული კომპეტენციიდან გადაყვანილ იქნას საქართველოს ცენტრალური ხელისუფლებისა

და აფხაზეთის ხელისუფლების ერთობლივ კომპეტენციაში, ან საქართველოს ცენტრალური ხელისუფლების ერთპიროვნულ კომპეტენციაში (სხვა სიტყვით რომ ვთქვათ; აფხაზეთის ავტონომიური რესპუბლიკის გამდიდრების შეზღუდვა დაუშვებელია).

აფხაზეთის ცენტრალური ხელისუფლებისა და აფხაზეთის სხვადასხვა თემების (რაიონების) კომპეტენციაზე და მათი არაადეკვატური გამოყენებით განპირობებულ საშიშროებებზე ზემოთ უკვე ვეჭვობდით ლაპარაკი. ცენტრალური ორგანოების (უზენაესი საბჭოს და მთავრობის) ყოველისშემძლეობამ შესაძლებელია (და მოსალოდნელია) არაერთხელ აცდუნოს დღეს, სამწუხაროდ, დაპირისპირებული ეროვნული ჯგუფები, რომ გაათქვამული ენერგიით ეცადონ ამ ცენტრალურ ორგანოებში რიცხობრივი უპირატესობის მოპოვებას, რათა მისი გამოყენებით მოახდინონ მოპირისპირე თემის შეზღუდვა და დათრგუნვა. ეს რომ ვერ მოხდეს, საჭიროა ორგანიზაციული მექანიზმის შემოღება:

პირველი; როგორც უკვე ითქვა ზემოთ, კანონმა უფლება უნდა მისცეს საქართველოს ცენტრალურ ხელისუფლებას, ყველა ცალკეულ შემთხვევაში თავის ხელში აიღოს – დროებით – აფხაზეთში არსებული იმ საქმის რეგულირება (წარმართვა), რომელშიც იგი აფხაზეთის ხელისუფლების მიზანმიმართულ საბოტაჟურ მოქმედებას აღმოაჩენს.


მეორე; აფხაზეთის უზანაეს საბჭოსთან უნდა იყოს კანონის მიერ დიდი უფლებამოსილებით აღჭურვილი რაიონთა საბჭო, რომელიც შემდგარი იქნება რაიონთა აღმასრულებელი ხელისუფლების წარმომადგენლებისაგან. ამის ანალოგია შეგვიძლია დავინახოთ გერმანიის ბუნდესრატში, რომელიც ლანდების („ქვეყნების“) აღმასრულებელ ხელისუფლებათა მაღალი წარმომადგენლებისაგან შედგება.

ეს ორი სამართლებრივი ხერხი საკმარისი იქნება, რათა შესაძლებელი გახდეს აფხაზეთის რეალობაში ეროვნული ჯგუფის ინტერესის დაცვა თემის (რაიონის ან რაიონების) დონეზე.

გამიჯნულ უფლებამოსილებათა მოქმედება აფხაზეთის სხვადასხვაგვარ (ქართველი მოსახლეობის, აფსუა („აფხაზი“) მოსახლეობის, სხვა და შერეული მოსახლეობის მყოფ) ტერიტორიებზე რამდენსამე პრინციპულ (და ამასთანავე, იდეოლოგიურ) საკითხს ბადებს. სახელდობრ, შემდეგს:

ის, თუ რატომ არის საჭირო, რომ აფსუების („აფხაზების“) კომპაქტური სახლების სივრცეში სიჯაჯარო წარწერები იყოს ქართული და აფსუური („აფხაზური“) ენაზე, გასაგებია: ქართული უნდა იყოს იმიტომ, რომ ეს სახელმწიფო საქართველოა, აფსუური („აფხაზური“) კი იმიტომ, რომ ეს სწორედ ის ტერიტორიაა, აფხაზეთისა და მთლიანად საქართველოს სწორედ ის ნაწილია, რომელიც აფსუა („აფხ-

აზი“) ხალხის მარადიული ცხოვრებისა და ყოველმხრივი განვითარებისათვის საჭიროა და ყოველმხრივად იფულისხმება. ისიც ნათელია, რომ იქ, სადაც შერეული ქართული და აფსუური („აფხაზური“) მოსახლეობაა, წარწერები ასევე უნდა იყოს მითავსებელი. მაგრამ უნდა იყოს თუ არა აფსუური წარწერები ვალში ან გენწვისში (დალის ხეობა), სადაც არც ერთი აფსუა („აფხაზი“) არ ცხოვრობს, არ უცხოვრია და სადაც არც ერთის მოსვლა, თუ არ იშვიათ შემთხვევაში, არ იგულისხმება? პასუხია ან „არა“, ან „დიახ“, რომელსაც აუცილებლად თავისი მოტივაცია ახლავს: დიახ იმიტომ, რომ აფსუა („აფხაზი“) ხალხის ყოველმხრივი თვითრეალიზაციის ასპარეზი მთელი აფხაზეთია. მაგრამ ამ პასუხს მოსდევს ახალი კითხვა: „რატომ, რა საფუძველზე თვლით ვალს ან დალის ხეობას აფსუა („აფხაზი“) ხალხის თვითრეალიზაციის ასპარეზად?“ ეს კითხვა უპასუხოა, თუ არ ვინმართ სიტყვას „შეთანხმება“. მაშინ პასუხი ასეთი იქნება: იმიტომ, რომ ქართველები და აფსუები, სურთ ინტეგრაციის გამოძინარე, ასე შევთანხმდით“. არსებობს ამ საკითხზე უფრო ყოფითი შეთანხმების შესაძლებლობაც. მაგალითად, ასეთი: „გენწვისში, რა თქმა უნდა, კინოფილმის აფიშას აფსუურად („აფხაზურად“) არავენ თარგმნის, მაგრამ ვალის რკინიგზის სადგურში, იმიტომ რომ ეს მნიშვნელოვანი ობიექტია, აფსუური („აფხაზური“) წარწერაც უნდა მოვათავსოთ“. უფრო რთული კითხვაა: რა ენაზე იყოს წარწერები აფხაზეთის სომხურ და ესტონურ სოფლებში, სადაც აფსუური არავენ იცის? ქართულს რაც შეეხება, პასუხი უკვე ვიცით, რაც აფსურს („აფხაზურს“) შეეხება, აქ ისევ იმ სიძნელის წინაშე ვდგებით: მივითვალთ თუ არა ეს სომხური დასახლება აფსუა („აფხაზი“) ხალხის ზემოხსენებული მარადიული და ყოველმხრივი თვითრეალიზაციის ასპარეზს? პრინციპულად პასუხია მხოლოდ „პო“, თუმცა პრაქტიკულად შეიძლება კვლავ ამოცანებს წავაწყდეთ. ანალოგიური კითხვაა: აფსუური („აფხაზური“) ენა ასევე ჩავთვალოთ თუ არა ყველა-სათვის სავალდებულო სახელმწიფო ენად (აფხაზეთის) ტერიტორიაზე, როგორც ქართულს ვთვლით. პრინციპულ დონეზე ამ კითხვის პასუხი უკვე გავიცით: „დიახ, ჩავთვალოთ, რადგან შევთანხმდით“. აქ უკვე რეალიზმის საზღვრების პრობლემას ვაწყდებით. ეწ. „წარწერების ომი“ მსოფლიოში ცნობილი და ძალიან მნიშვნელოვანი მოვლენაა. მასთან დაკავშირებული ბევრი ულოგიკობაც. ამ პრობლემის გარდუვალი სიმწვავე აფხაზეთში ჩვენ იმის ერთერთ მაგალითად უნდა გავთვლოთ, რომ აუარებელ შემთხვევაში ჩვენ, გვინდა თუ არა, არაფორმალური მოლაპარაკების, ადამიანური შეთანხმების საჭიროების წინაშე დავდგებით, რომელიც კომპრომის შობს და ამ კომპრომის ნებაყოფლობითი შეთანხმების მყარ ბე-



ჭედს ასვამს ფსიქოლოგიურად. მეორე მაგალითად, რომელსაც ნაკლებ სიმბოლური ხასიათი აქვს და ამავე დროს პრაქტიკულად არანაკლებ მწვავე, სასამართლოს ენის საკითხი დავასახელოთ. ქართულ ენაზე, ანუ სახელმწიფო ენაზე რომ ყველა სასამართლო პროცესის ჩატარება შესაძლებელი უნდა იყოს, ეს ცხადია. მაგრამ რომელ ენაზე გავსამართლოთ აფსუური („აფხაზური“) ენის სრულებით არმცოდნე გავრედი ჩაიძინა, რომელმაც დაწამაული ჩაიძინა გუდაუთაში? რა ენაზე ჩავატაროთ სიხუმრი სამოქალაქო პროცესი ადგილობრივ ქართველსა (რომელმაც აფსუური („აფხაზური“) ენა არ იცის და ადგილობრივ აფსუას („აფხაზს“) შორის, რომელმაც ქართული ენა იცის, მაგრამ მის ცოდნას შეგნებულად მალავს? (პრინციპული პასუხი ნათელია: ან აფსუურად („აფხაზურად“), ან ქართულად. ამავე დროს გასათვალისწინებელია შემდეგი: აფხაზეთში მნიშვნელოვანი რაოდენობით არსებობს ტერიტორიები, სადაც რუსეთის შემოსვლის დროისთვის (XIX ს. I ნახევარი) მოსახლეობა აფსუური („აფხაზური“) იყო, ამჟამად კი სხვაა – ძირითადად სომხური და რუსული. ისეთი ტერიტორია, სადაც იმ დროს აფსუები („აფხაზები“) სახლობდნენ, 1992-93 წლების გენოციდამდე კი ქართველები, თითქმის არ არსებობს. მიზეზი შემდეგია: რუსეთის ხელისუფლებამ XIX საუკუნის II ნახევარში აფსუა („აფხაზი“) მოსახლეობის მუსლიმანურ ნაწილში, ისევე როგორც ჩრდილო კავკასიის ხალხებში, აქტიურად გაწია მუჰაჯირობის პროპაგანდა და შეძლო (ზეწოლის პირობებში) ამ მოსახლეობის თითქმის ნახევრის ამ გზით გადასახლება თურქეთში. მათ ნახსენებებზე რუსეთმა მოიყვანა ყველაზე დიდი რაოდენობით სომეხი დიო ახალქვანები თურქეთიდან, მათზე ნაკლებად – რუსეთი და ესტონელებიც კი, მაგრამ ქართველების დასახლება ამ ადგილებში მას არ დაუშვია. სომხების და რუსების შემოსახლების სტიმულირება გაგრძელდა საბჭოთა ეპოქამაც, რის შედეგადაც საბჭოთა კავშირის დროინდელი სომეხი და რუსი იმიგრანტების რიცხვმა აფხაზეთში ჯამში დიდად გადააჭარბა საქართველოს სხვა ადგილებიდან შემოსული ქართველებისას. ამ პროცესის მორალური მხარე და ამ უკანასკნელისაგან გამომდინარე შედეგი დღევანდელ სიტუაციაში ორიენტირებისათვის ასე შეიძლება ჩამოვყალიბოთ: იმაში, რომ რუსულმა ადმინისტრაციამ ზეწოლის ქვეშ დაითანხმა მუსლიმანი აფსუების („აფხაზების“) თითქმის ნახევარი თურქეთში მუჰაჯირად წასვლაზე და ეს ნაწილი მოსახლეობისა მას დაეთანხმა, იმ დროის ქართველ მოსახლეობას, ქართველ საზოგადოებრიობას ბრალი არ უდევს (და საქართველო ამ ტრაგედიაზე პასუხისმგებელი არ არის), პირიქით: ადგილობრივი ქართვე-

ლი მოსახლეობა ცდილობდა მუსლიმი აფსუებისათვის („აფხაზებისათვის“) გადაეთქმევივნინა სამშობლოს მიტოვება და ამაში გარკვეულ წარმატებასაც მიაღწია მათი ნაწილის გადარჩენის სახით. საყურადღებოა, რომ რუსული ადმინისტრაციის მცდელობა ქართველთა და აფსუთა („აფხაზთა“) შორის მტრობის ჩამოგდებისა სწორედ ამის შემდეგ დაიწყო, პირველ ყოვლისა – სადგომო წერილის აფსუური („აფხაზური“) ენაზე თარგმნის მცდელობის სახით, რათა მოეწვივებინათ ეს ქრისტიანები ქართულ ღვთისმსახურებისაკენ. ამ წამოწყების ჩაგურდნის ერთადერთ მიზეზად სახელდება ის, რომ აფხაზური ენა, არ არის მომზადებული „ქართული წერილის ტექსტის გადმოსაცემად.“

ეს გარემოება – აფსუა („აფხაზი“) მოსახლეობის ნაწილის ესოდენ ვერაგული განდევნა მისი საცხოვრებელიდან, – საკმარის საფუძველს წარმოადგენს იმისათვის, რომ აფსუა („აფხაზი“) ხალხის სამართლიანად კუთვნილი თვითრეალიზაციის ასპარეზი უფრო ფართო სივრცედ ჩავთვალოთ, ვიდრე აფსუა („აფხაზი“) მოსახლეობის დღევანდელი კომპაქტური ცხოვრების არეალის საზღვრებია. მაგრამ ცხადია, ამ საზღვრებში ვერ მოექცევა აფხაზეთის ყველა ტერიტორიები, რომლებშიც მოსახლეობა არც ქართულია და არც აფსუური („აფხაზური“), რადგან ანგარიშგაუწვევლი ვერ დარჩება ის ფაქტი, რომ, როგორც ავღნიშნეთ ზემოთ, ქართველი ხალხი ავტონომიურად აფხაზეთის მთელ ტერიტორიაზე ხსენებული ტერიტორიების განაწილება ასეთი გადაწყვეტილების შემთხვევაში ერთი იმ საკითხთაგანია, რომლის გადაჭრისათვის ერთადერთი გონივრული მეთოდი არსებობს: ქართველებისა და აფსუების („აფხაზების“) პირდაპირი მოლაპარაკება არაფორმალურ პირობებში.

უფლებამოსილებათა განაწილების რამდენიმე კონკრეტული საკვანძო საკითხი

როგორც აღინიშნა ზემოთ, საქართველოს ცენტრალური ხელისუფლების კომპეტენციათა, აფხაზეთის ხელისუფლების კომპეტენციათა და ერთობლივ კომპეტენციათა იდეალურად სამართლიანი და სიცოცხლისუნარიანი (პერსპექტიული) ფორმულირება შეუძლებელია აქტიურ საზოგადოებასთან (როგორც ქართულთან, ისე აფსუურთან („აფხაზურთან“)) წინასწარი კონსულტაციის გარეშე. მაგრამ ზოგი საკვანძო პრობლემა უკვე სრულად ჩანს და მასზე პრინციპული პასუხის გაცემა შესაძლებელია.

ა) წილის და ბუნების სხვა სიმდიდრეების გამოყენება

ის, თუ ვინ არის ბუნებრივ სიმდიდრეთა მესაკუთრე და, შესაბამისად, ვის აქვს მათგან შემოსავალი, არ არის, – თუკი ეს

სიმდიდრეები სტრატეგიული არ არის, – დაკავშირებული სახელმწიფოს უშიშროების ამოცანასთან. ასეთ შემთხვევაში საქართველოს სახელმწიფოს ერთპიროვნულ კომპეტენციაში უნდა იყოს ამ სიმდიდრის გამოყენებისა და განკარგვის ზოგადი სტრატეგია, მაგრამ არა მისი კომერციული გამოყენების მართვა. იმ შემთხვევაში, თუ იმ ბუნებრივი სიმდიდრის კომერციული ექსპლოატაცია ნებადართულია საქართველოს სახელმწიფოს მიერ, ეს უკანასკნელი არ ერევა მის მართვაში. იგი იღებს კანონით დადგენილ პროცენტს იმ თანხიდან, რომელიც ეკუთვნის იმ ბუნებრივი სიმდიდრის მესაკუთრეს, და კანონით დადგენილ გადასახადს ამ წარმოებაზე.

ბ) საგარეო ვაჭრობა.

საგარეო ვაჭრობის კონტროლი სტრატეგიული მასალების და ნაწარმის გატანის თვალსაზრისით საქართველოს სახელმწიფოს ერთპიროვნულ კომპეტენციაშია, რათა არ შექმნას საქართველოს რომელიმე სტრატეგიული მასალის ან ნაწარმის გარეშე დატოვების მექანიზმი ექსპორტის ფორმით.

გ) ტოპონიმია.

ტოპონიმის თემას უკვე შეეხებოდა ზემოთ. აფხაზეთის ხელისუფლებას და საქართველოს ცენტრალურ ხელისუფლებას აქვს ინიციატივის უფლება აფხაზეთის ტერიტორიაზე ტოპონიმთა შეცვლაში ან ახალთა შექმნაში. გადაწყვეტილებებს ტოპონიმის შეცვლის ან ახლის შექმნის შესახებ იღებს აფხაზეთის ხელისუფლება და ამტკიცებს საქართველოს ცენტრალური ხელისუფლება. საქართველოს ცენტრალური ხელისუფლების ეს უკანასკნელი უფლებამოსილება აუცილებელია იმისათვის, რომ ბოროტი ნების არსებობის შემთხვევაში არ მოხდეს პოლიტიკური დივიდენდი და ტოპონიმებიც ისევე აღიარდეს სახელმწიფოებრივად, რომლებიც მიუღებელი არიან საქართველოს ზოგადი მენტალიტეტისათვის.

დ) სასაზღვრო საზღვრების სისტემა.

სასაზღვრო საზღვრების სისტემა საქართველოს ცენტრალური ხელისუფლების კომპეტენციაშია. აფხაზეთის ტერიტორიაზე დანაშაულის ჩადენის ფაქტი ვერ იქნება სასაზღვრო აფხაზეთში მოხდის საფუძველი. თუ აფხაზეთში მაცხოვრებელ პატიმარს – აფხაზეთში გასამართლებულს ან სხვაგან – ჰსურს სასაზღვრო საზღვრის დასაბრუნებელი აფხაზეთში არსებობს მისი სურვილი უნდა შესრულდეს.

ე) საკონსტიტუციო სასამართლო

იხილავს ყველა საკანონმდებლო ან კანონქვემდებარე ყველა აქტს საქართველოს კონსტიტუციასთან შესაბამისობის თვალსაზრისით. აფხაზეთის უზენაესი სასამართლო იხილავს აფხაზეთის კონსტიტუციასთან მი-

მართების თვალსაზრისით.

ვ) სამხედრო სამსახური.

აფხაზეთის მაცხოვრებელი სამხედრო ვალდებულია ისევე, როგორც საქართველოს ყოველი სხვა მოქალაქე. მას უფლება აქვს სამხედროვალდებულება მოიხადოს საერთო წესით (თუ ეს ჰსურს), აგრეთვე უფლება აქვს იგი მოიხადოს აფხაზეთში ან მის მახლობლად დისლოცირებულ ნაწილში, აგრეთვე უფლება აქვს აირჩიოს ალტერნატიული სამსახური კანონის თანახმად. აფხაზეთის მაცხოვრებლისათვის (კანონით დადგენილ თარიღამდე) საქართველოში ჯარში სამსახურის არსურობის საკმარისი საფუძველია ალტერნატიული სამსახურის არჩევნისათვის.

ზ) სიმბოლიკა

აფხაზეთის ოფიციალური სიმბოლიკა (დროშა, გერბი, ალა-მი) და სახელწოდება განისაზღვრება იმავე წესით, რაც აფხაზეთის კონსტიტუციის სხვა მუხლები.

თ) მიგრაციის რეგულირება

საქართველოს სახელმწიფო, ისევე როგორც ყველა სხვა, ვერ დაუშვებს უკონტროლო მიგრაციას. ამიტომ ყოველი ახალი ადამიანის შემოსახლება საქართველოს რომელსაღმე წერტილში, აფხაზეთის ჩათვლით, დასაშვებია მხოლოდ საქართველოს ცენტრალური ხელისუფლების დასტურით. ამავე დროს ფაქტია, რომ აფსუა („აფხაზი“) მოსახლეობისათვის ყველაზე დიდი სოციალური შიშის წყარო არის ამ მოსახლეობის პროცენტული წილის სიმცირე აფხაზეთის შიში არ კმარა იმის საფუძველად, რომ აფხაზეთში შიდა მიგრაციული პროცესები და მთლიანად საქართველოს შიდა მიგრაციული პროცესები, აფხაზეთში საქართველოს სხვა აგილებიდან ამა თუ იმ მიზეზით ახალ მოქალაქეთა შემოსახლების ჩათვლით, შეწყდეს, მაგრამ ამ შიშის მოხსნა შეიძლება იმით, რომ იმ რაიონებში, სადაც აფსუა („აფხაზი“) მოსახლეობა კომპაქტურად და სადაც, ამგვარად, არის ძირითადი ბაზა აფსუა („აფხაზი“) ხალხის ყოველმხრივი ეთნიკური, კულტურული, სოციალური და პოლიტიკური წინსვლისათვის, ადგილობრივ არჩევით თვითმმართველობის ორგანოებს კანონითა და კონსტიტუციით მიეცეთ დამატებითი უფლებამოსილება, რათა დართონ ან არ დართონ მუდმივი დასახლების (სახლის შექმნის ან აშენების ჩათვლით) უფლება ნებისმიერი სხვა ადგილიდან, მათ შორის საქართველოს რომელიმე სხვა ადგილიდან მოსულ მოქალაქეს.

დამატება

მოლაპარაკებათა ფორმატისა და პროცედურისათვის

ქართული და აფსუური („აფხაზური“) საზოგადოებრიობის ურთიერთმოლაპარაკება უნდა წარმოებდეს ერთი ერთზე. მასში მესამე მხარის ჩაბმა არბიტრის სახით გარდუვალად დაარღვევს როგორც გულწრფელი მიდგო-

მის, ისე რეალისტური მიდგომის ატმოსფეროს. **საქართველოს არქივბაზა** (ბალაფშის) ჯგუფთან მოლაპარაკება უახროა, ვინაიდან მის პოზიციას სავსებით განსაზღვრავს უცხო (რუსული) ნება.

რუსეთთან მოლაპარაკება მისაღება მხოლოდ როგორც მოწინააღმდეგესთან.

მსოფლიოსთან (მსოფლიოს თანამეგობრობასთან) მოლაპარაკება, როგორც არბიტრთან, საკითხის განვითარების გარკვეულ ეტაპზე შესაძლებელია გარდუვალი აღმოჩნდეს. ამ არბიტრისათვის წარსადგენი გეგმა დარეგულირებისა საქართველოს, როგორც დაინახეთ, აქვს (იხ. აქვე ზემოთ). მაგრამ მოლაპარაკებათა მხარე აფხაზეთში ასეთი სქემით – „მაგიდაზე დევს ქართული გეგმა და იგი განიხილება. შეთანხმება მიღწეულად ჩაითვლება, როცა აფსუური („აფხაზური“) მხარე დაეთანხმება მას!“ – არც სამართლიანი და არც რეალისტური. მაგიდაზე უნდა იდოს ორივე გეგმა – ქართულიც და აფსუურიც („აფხაზურიც“), – რათა ჩანდეს – თუ მას ახასიათებს – ამ უკანასკნელის გარდუვალი შეუთავსებლობა სამართლის, უფლებადაცვის, პოლიტიკისა და მორალის საყოველთაოდ აღიარებულ ნორმებთან და მოლაპარაკების მონაწილეებს შეეძლოთ მისი კრიტიკული ანალიზი.

მოლაპარაკების აყვანა უფრო მაღალ საფეხურზე

წინამდებარე ტექსტი შეიცავს წინადადებას ქართველებისა და აფსუების ურთიერთთანხმობის იმ მინიმუმის მისაღწევად, რომელიც აუცილებელია, რათა შეიძლებოდეს თანაცხოვრება, ანუ ერთიმეორის ხელშეუხებლობა, წესრიგის დაცვა და აუცილებელი მინიმალური თანამშრომლობა. ამ მინიმუმის მიღმა იხსნება შესაძლებლობა სამომავლო მოკავშირეობის განვითარებისა, როცა ქართველი და აფსუა („აფხაზი“) ხალხი – მხოლოდ ერთმანეთთან მოკავშირეობით და სხვა, მესამე და მეოთხე მეწილის ჩაურევლად, – შეთანხმდება და დაგეგმავს უსაზღვრო სამომავლო პერსპექტივას, რომელიც დამყარებულია ხელსაყრელ გეოგრაფიულ მდებარეობაზე (პირველ რიგში) და ხელსაყრელ ბუნებრივ პირობებზე (მეორე რიგში). ეს პერსპექტივა შეეხება

- შეუზღუდველ გამდიდრებას
- შეუზღუდველ წინსვლას, ნახტომს განათლების საქმეში (მიზანმიმართული დაგეგმვით და ზემოხსენებული სიმდიდრის გეგმავიანი გამოყენებით)
- საკუთარი ეროვნული საზოგადოების მაქსიმალურად პერსპექტიული სტრუქტურის, სამომავლო კონკურენტუნარიანი საწარმო (ამ სიტყვის ფართო აზრით) სტრუქტურის და ეროვნული ინფრასტრუქტურის შექმნას
- პერსპექტივის შექმნას გავლენისათვის რეგიონში, პირველ ყოვლისა – ჩრდილო კავკასიაში.

სუვერენიტეტი

თუმცა ამ სიტყვის — „სუვერენიტეტი“ — მნიშვნელობამ ისტორიის მანძილზე ვარიაცია განიცადა, მისი ძირითადი მნიშვნელობა მაინც ერთია — უზენაესი ძალაუფლება მოცემული ტერიტორიის მიმართ, რაც იმასაც ნიშნავს, რომ ეს ტერიტორია დამოუკიდებელია გარე ძალებზე, რადგან წინააღმდეგ შემთხვევაში მისი საკუთარი სუვერენული ხელისუფლება ამ ტერიტორიაზე სუვერენული ვეღარ იქნება. იგი პოლიტიკური ძალაუფლების ხასიათის აღმნიშვნელი ერთერთი თანამედროვე ცნებაა. სუვერენიტეტის, როგორც მოვლენის, ვარიირება სამ განზომილებაში ხდება: ვინ არის სუვერენიტეტის მფლობელი, რამდენად აბსოლუტურია (სრულია) სუვერენიტეტი და რომელია მისი შინაგანი და გარეგანი პარამეტრები. სახელმწიფო ის პოლიტიკური ინსტიტუტია, რომელშიც სუვერენიტეტი სორციელდება. სახელმწიფოთა შენაერთი ქმნის სახელმწიფოთა სუვერენულ სისტემას.

სუვერენიტეტის ისტორიის გაგება შეეძლება ორი ფართო მოძრაობის მაგალითზე, რომლებიც გამოიხატა პრაქტიკული ინსტიტუტების სახითაც და პოლიტიკური აზრის სახითაც. პირველი იმაში მდგომარეობს, რომ განვითარდა სუვერენული სახელმწიფოთა სისტემა, რომელიც დაეკვირვება ვესტფალიის ზავით (1648). იმავდროულად სუვერენიტეტი გახდა პოლიტიკური აზრის წამყვანი თემა მაკიაველის, ლუთერის, ბოდენის და ჰობსის ნაწერთა სახით. მეორე მოძრაობა გახლავთ სუვერენული სახელმწიფოს შემოსაზღვრა (შემოზღვრა), რომელიც პრაქტიკაში დაიწყო II მსოფლიო ომის შემდეგ და მას აქვთ გრძელდება ევროპული ინტეგრაციის სახით, ერთის მხრივ, და ადამიანის უფლებათა დამცველი კანონებისა და შესაბამისი პრაქტიკის გაძლიერების სახით, მეორეს მხრივ.

ყველაზე გამოჩენილი (საყურადღებო) პოლიტიკური აზრი ამ თემაზე გვხვდება სუვერენიტეტის კრიტიკოსთა ნაწერებში, როგორიც არიან, მაგალითად, ბერტრან დე შუვენალი და ჟაკ მარიტენი.

1. სუვერენიტეტის განსაზღვრა

თავის კლასიკურ ნაშრომში „მეფის ორი სხული“ (1957) მედიველისტი (შუა საუკუნეთა სპეციალისტი. რედ.) ერნსტ კანტოროვიცი აღწერს პოლიტიკური ძალაუფლების ცნების ღრმა ტრანსფორმაციას (გარდაქმნას) შუა საუკუნეთა მანძილზე. ეს ცვლილება მაშინ დაიწყო, როცა ქრისტეს სხეულის ცნება თანდათან განვითარდა ორი სხეულის ცნებად. ერთია *corpus naturale* (ბუნებობითი სხული. რედ.), რომელიც წარმოგვიდგება (ლიტურგიაში. რედ.), როგორც კონსაკრირებული (ნაკურთხი. რედ.) პოსტია საკურთხეველში, მეორეა *corpus mysticum* — სოციალური სხული, ეკლესია თავისი თანხლები ადმინისტრაციული სტრუქტურებით. ეს უკანასკნელი ცნება, — კოლექტიური სოციალური ორ-

განიზაცია, რომელსაც აქვს მუდმივი (არაწარმავალი) მისტიკური არსი, — გადატანილ იქნა, შემდეგ, პოლიტიკურ ერთეულებზე, პოლიტიკურ სხეულზე. შემდეგ კანტოროვიცი აღწერს, როგორ გაჩნდა ამ ცნებიდან გვიან შუა საუკუნეებში მეფის ორი სხეულის იდეა, რომელიც გატაცებულია შექსპირის „რიჩარდ III“-ში და შეიძლება ითქვას, რომ იგი წარმოადგენს მისტიკურ სხეულს, რომელიც მისი სიკვდილის შედეგად, მეფეს, ამ წარმოდგენის თანახმად, აქვს წარუვალი, არაბუნებობითი სხეულიც, რომელსაც ვერ განადგურებს მკვლელობაც კი, რადგან იგი წარმოადგენს (ასახიერებს) პოლიტიკური სხეულის მისტიკურ ღრსებას და სამართლიანობას. თანამედროვე პოლიტია (სახელმწიფო. რედ.), რომელიც დომინანტურ (გაბატონებულ) ორგანიზაციულ ფორმად ჩამოყალიბდა თანამედროვე ევროპის ქმნადობის გარკვეულ ეტაპზე, ასახიერებდა კოლექტიურობის იმ მახასიათებლებს, რომლებსაც აღწერს კანტოროვიცი: ერთადერთი, გაერთიანებული, ტერიტორიული საზღვრები მოქცეული, ინტერესთა საერთო სისტემის მქონე და ისეთი ძალაუფლების მიერ მართული, რომელიც ერთ ერთეულადაა შეკრული და უზენაესობა აქვს პოლიტიკის (სახელმწიფოს), როგორც მთელის, ინტერესთა წინ წაწევაში. თუმცა ახალი დროის პირველ ხანებში ასეთი ძალაუფლების მფლობელი მეფეები იყვნენ, შემდგომ პოლიტიკაში ასეთი ძალაუფლებით სხვათა აღჭურვაც მოხდა: მათი, ვინც მართავს კონსტიტუციის ძალით, ერებისა, კომუნისტური პარტიისა, დიქტატორებისა, ხუნტებისა და თეოკრატებისა. თანამედროვე პოლიტია (პოლიტიკური ერთეული) ცნობილია (აღიარებულია) როგორც სახელმწიფო და მისი ფუნდამენტური მახასიათებელია ის, რომ მას მისი მიმართ აქვს უმაღლესი ძალაუფლება — სუვერენიტეტი.

კანტოროვიცის მიერ აღწერილი ეს ევოლუცია ფორმაციულია: იგი თანამედროვე პოლიტიკის შემქმნელი არსებითი შტრინია. ზოგ მეცნიერს ეჭვი ეპარება, არსებობს თუ არა სუვერენიტეტის სტაბილური, არსებითი ცნება. მაგრამ სინამდვილეში არსებობს ამ ცნების იმგვარი დეფინიცია (განსაზღვრება), რომელიც მოიცავს ყოველივე იმას, რაც კი ოდესმე აღუნიშნავს ამ სიტყვას ადრეულ ახალ ევროპაში და რის მიმართაც მას შემდეგ გაჩენილი სხვადასხვა განსაზღვრებები მხოლოდ სხვადასხვა ვარიანტებს წარმოადგენენ. ეს დეფინიციაა: უზენაესი ძალაუფლება მოცემულ ტერიტორიაზე. ეს ის თვისებაა, რომელიც ჰქონდათ ადრეული ახალი დროის სახელმწიფოებს, მაგრამ არ ჰქონდათ პაპებს, იმპერატორებს, მეფეებს, ეპისკოპოსებს და კეთილშობილთა და ვასალთა უმრავლესობას შუა საუკუნეებში. ამ განსაზღვრების ყოველი კომპონენტი ყურადღების ცენტრში გვიყენებს ამ ცნების რომელსავე ასპექტს. პირველი ისაა,

რომ ის, ვისაც სუვერენობა აქვს, ფლობს ძალაუფლებას. ანუ: მოცემულ პირობებში ან ერთეულს აქვს არა მხოლოდ მაძილებელი ძალა, რომ ამას და ამას აიძულოს იმის ქმნა, რასაც ეს უკანასკნელი სხვა შემთხვევაში არ იზამდა. ძალაუფლება უფრო იმას ნიშნავს, რომ, როგორც განსაზღვრავს ფილოსოფოსი ვოლფი, „გჭირდება უფლება ბრძანებისა და, შესაბამისად, უფლება, რომ თქვენს ბრძანებას დაემორჩილონ“. ყველაზე მნიშვნელოვანი აქ ის არის, რომ აქ არის სიტყვა „უფლება“, რომელიც გულისხმობს ლეგიტიმურობას. სუვერენიტეტის მფლობელი თავის ძალაუფლებას იღებს ლეგიტიმურობის რომელიმე სახით, ორივე მხარის მიერ აღიარებული წყაროდან: ბუნებობითი სამართლისგან, ღვთაური მანდატისგან, მემკვიდრეობის კანონიდან, კონსტიტუციისგან, თვით საერთაშორისო სამართლისგანაც კი. თანამედროვეობაში სამართლის მიერ განსაზღვრული რომელიმე კორპუსი (ადამიანთა ერთობლიობა) ყველაზე არის სუვერენიტეტის წყარო.

მაგრამ სუვერენიტეტი უბრალოდ ძალაუფლებას კი არ ნიშნავს, არამედ უზენაეს ძალაუფლებას. უზენაესობა ის არის, რაც აშშ-ის კონსტიტუციას უფრო მაღლა აყენებს პენსილვანიის შტატის მთავრობაზე, ან რაც სუვერენიტეტის რომელსავე მფლობელს ასწავებს პოლიციის უფროსისაგან ან რომელიმე კორპორაციის აღმასრულებელი თანამშრომლისაგან. სუვერენიტეტის მფლობელი უმაღლესია ყველა ხელისუფლებაზე, რომელიც იმყოფება მისი კომპეტენციის საზღვრებში. უზენაესობაც თანამედროვეობის ენდემური თვისებაა. შუა საუკუნეებში მრავალ ხელისუფლებას ჰქონდა ზოლმე ამა თუ იმ სახის კანონისმიერი რწმუნება, როგორც საფუძველი თავისი ძალაუფლებისათვის — ფეოდალური, კანონიკური თუ რამე სხვაგვარი, — მაგრამ ასეთი საფუძველი იშვიათად თუ იძლეოდა უზენაესობას.

დასასრულ, სუვერენიტეტის უმაღლესობა ტერიტორიალობა, რაც აგრეთვე წარმოადგენს პოლიტიკური ძალაუფლების დამახასიათებელ ნიშანს დღევანდლობაში. ტერიტორიალობა არის ის პრინციპი, რომლითაც განისაზღვრება, ვინ ეკუთვნის მოცემულ თემს (საზოგადოებას). იგი განსაზღვრავს, რომ პიროვნებანი თავის წევრობას ამ თემში ფლობენ იმ საფუძველზე, რომ მის საზღვრებში ცხოვრობენ. ეს ძალიან ძლიერი პრინციპია, რადგან იგი წევრობას განსაზღვრავს იდენტობისაგან (ვინაობისაგან) დამოუკიდებლად. რომელიმე სუვერენული სახელმწიფოს საზღვრები სრულებითაც არაა აუცილებელი, რომ მოიცავდნენ რომელსავე „ხალხს“ ან „ერს“, ისინი შეიძლება მოიცავდნენ რამდენიმე იდენტობის (ვინაობის) მატარებლებს, რასაც თვითგამორკვევისაკენ მიმართული და ირიდენტული მოძრაობების ფაქტი თვალსაჩინო ხდის. ადამიანები რომ ამა თუ იმ სახელმწიფოს ეკუთვნიან და მისი მმართველის ძალაუფლებას ემორჩილებიან, ამას განსაზღვრავს

მათი მყოფობა (ლოკაცია) ამ საზღვრებს შიგნით. თანამედროვე სუვერენები თავის უზენაეს ძალაუფლებას ამა თუ იმ გეოგრაფიული ტერიტორიის შიგნით ფლობენ.

ტერიტორიალობა დღესდღეობით საყოველთაოდ აღიარებულია: იგი ხელისუფლების განუყოფელი ელემენტია მთელ მსოფლიოში. თვით სუპრანაციონული და ინტერნაციონალური ინსტიტუტებიც კი, როგორცაა ევროკავშირი ან გაერო, შედგებიან სახელმწიფოებისგან, რომლებშიც წევრობა განსაზღვრულია ტერიტორიულობის მიხედვით. ფორმის ეს უნივერსალობა დამახასიათებელია თანამედროვეობისათვის, იგი ხაზს უსვამს სუვერენობის კავშირს თანამედროვეობასთან. თუმცა ტერიტორიალობა არსებობდა სხვადასხვა ეპოქებში და ადგილებში, იქ მაღალი პრესტიჟი ჰქონდა წევრობის სხვა პრინციპებსაც, როგორცაა ნათესაობა, რელიგია, ტომი თუ ფეოდალური ურთიერთობები. ყველაზე ცოცხალ კონტრასტს ტერიტორიალობის პრინციპისადმი წარმოადგენს მომთაბარე ტომი, რომლის ძალაუფლებითი სტრუქტურა სავსებით დამოუკიდებელია მიწის რომელიმე ნაკვეთისაგან. ტერიტორიალობა განსაზღვრავს იმას, თუ თავისი რა მახასიათებლის ძალით არიან ადამიანები მოცემული ხელისუფლების დაქვემდებარებულნი: ესაა მათი გეოგრაფიული მითავსებულება ამა და ამ საზღვრებში. საერთაშორისო ურთიერთობათა თეორეტიკოსებს შემჩნეული აქვთ სუვერენიტეტის მსგავსება სხვა ინსტიტუტთან, რომლის ხაზებიც აგრეთვე ადგილს ემთხვევიან — ესაა კერძო საკუთრება. ეს ორი განსაკუთრებით ერთობლივად იყო მთავრებული პობსის მიერ.

„უზენაესი ძალაუფლება მოცემული ტერიტორიის შიგნით“ სუვერენიტეტის ზოგადი განსაზღვრებაა. სუვერენიტეტის კონკრეტული მანფესტაციები ისტორიის მანძილზე თითქმის ყოველთვის ამ განსაზღვრების კერძო შემთხვევებია. ფილოსოფოსები და პოლიტიკურად მოტივირებული ადამიანები ყველაზე უფრო ხშირად ამ კერძო შემთხვევებზე ლაპარაკობენ ზოლმე, როცა ამა თუ იმ პიროვნებისათვის ან სამართლებრივი (კანონმდებელი) კორპუსისათვის სუვერენიტეტს ითხოვენ. ამგვარად, იმის გაგებას, თუ რა არის სუვერენიტეტი, განუხრელად ახლავს იმის გაგებაც, რა არის სუვერენიტეტზე პრეტენზიის განცხადებები ან, სულ ცოტა, ყველაზე მნიშვნელოვანი ამ განცხადებებს შორის.


გასული ნახევარი ათასწლეულის მანძილზე ასეთი განცხადებები უაღრესად ურთიერთგანსხვავებული სახისა იყო — ერები ითხოვდნენ დამოუკიდებლობას დედა სახელმწიფოებისაგან, კომუნისტები — კოლონიალისტებისაგან, „ხმა ერისა“ — „მეფი რეჟიმებისაგან“, თეოკრატები — საერო სახელმწიფოებისაგან და აუარებული სხვა. ეს, მართლაც, ნიშანია სუვერენული სახელმწიფოს ელასტიურობისა, რომ მან (ისტორიის მანძილზე) ძალაუფლების ადენი სხვადასხვა სახე-

ბა მოიგრო. თუმცა ამ ძალაუფლებათა სახეებს აქ ვერ ჩამოვთვლით, უნდა აღვნიშნოთ სამი განზომილება, რომელთა მიხედვითაც შეგვიძლია მათი კატეგორიზაცია დაყოფა. ესენია: ვინ არიან სუვერენიტეტის მფლობელები, აბსოლუტური თუ არაბსოლუტური ბუნებისაა სუვერენიტეტი და რა მიმართებაა სუვერენიტეტის საშინაო და საგარეო განზომილებებს შორის.

როგორც ითქვა ზემოთ, სუვერენობა ჰქონდათ სხვადასხვა ხელისუფლებებს — მეფეებს, დიქტატორებს, ხალხს, რომელიც მართავს ახორციელებდა კონსტიტუციის საშუალებით, და ა.შ. ის, თუ როგორია უზენაესი ხელისუფლება მოცემული ტერიტორიის შიგნით, ალბათ, სუვერენიტეტის ყველაზე მნიშვნელოვანი განზომილებაა. ახალი დროის დასაწყისში ფრანგ თეორეტიკოსს ფრანსუა ბოდენს მიაჩნდა, რომ სუვერენიტეტი უნდა სახიერდებოდეს ერთ ინდივიდში. მასაც და ინგლისელ ჰობსსაც წარმოედგინათ, რომ სუვერენი კანონზე მაღლა დგას. შემდგომი მოაზროვნეები სხვადასხვაგვარად უდგებოდნენ ამ თემას — ისინი სუვერენიტეტის ადგილს სხვადასხვაგვარად ხედავდნენ, მაგრამ ამავე პრინციპის ერთგულნი რჩებოდნენ.

სუვერენიტეტი ამავე დროს შეიძლება აბსოლუტურიც იყოს და არაბსოლუტურიც. როგორაა შესაძლებელი, რომ სუვერენიტეტი იყოს არაბსოლუტური, თუკი იგი უზენაესია? ბოლოსდაბოლოს, ზოგი მეცნიერი, აღწევი იდეით, ზომ ასახუტებს, რომ სუვერენიტეტი ან არის, ან არ არის, იგი ვერ იქნება ნაწილობრივი. მაგრამ ასეთ შემთხვევაში სიტყვა „აბსოლუტური“ ენება არა სუვერენიტეტის გავრცელებას (ამა და ამ ტერიტორიაზე), არა მის ხასიათს (რაგვარობას), რომელიც ყველა შემთხვევაში უზენაესია, არამედ, უფრო, იმ საკითხთა მოცულობას, რომლებშიც სუვერენიტეტის მპყრობელი სუვერენულია. ბოდენი და ჰობსი სუვერენიტეტს ხედავდნენ, როგორც აბსოლუტურს, უპირობოდ გავრცელებულს ყველა საკითხზე მოცემული ტერიტორიის შიგნით. მაგრამ შესაძლებელია, სუვერენიტეტი ვრცელდებოდეს მხოლოდ ზოგ საკითხებზე მოცემული ტერიტორიის შიგნით, და არა ყველაზე. (მაგალითად) დღეს ევროკავშირის წევრი სახელმწიფოები სუვერენული არიან თავდაცვის მართვაში, მაგრამ არა ვალუტისაში ან ვაჭრობის საკითხებისაში და სოციალური კეთილდღეობის პოლიტიკის არაერთი მიმართულებისაში, რასაც ისინი ახორციელებენ ევროკავშირში, მისი კანონის თანახმად, ევროკავშირის ხელისუფლებასთან კოოპერაციაში. აბსოლუტური სუვერენიტეტი თანამედროვე სუვერენიტეტის კვიტესენციაა. მაგრამ ბოლო ათწლეულებში მიმდინარეობს მისი შემოზღუდვა ისეთი ინსტიტუტებით, როგორცაა ევროკავშირი, გაეროს პრაქტიკა სანქცირებული ჩარევისა და საერთაშორისო სისხლის სამართლის სასამართლო.

დაბოლოს, უკანასკნელი წყვილი



ზედსართავებისა, რომელიც განსაზღვრავს სუვერენიტეტს, არის „საშინაო“ და „საგარეო“. ამ შემთხვევაში ეს სიტყვები აღწერენ არა სუვერენიტეტის ექსკლუზიურ სახეებს, არამედ მის სხვადასხვა ასპექტებს, რომლებიც თანაარსებულა და ყველაზე მყოფი. სუვერენული ძალაუფლება ხორციელდება საზღვრების შენით, მაგრამ, თავისი განსაზღვრებით, უცხოეთთან მიმართებითაც, რომელიც ვერ ჩაერევიან სუვერენულ მართვაში. სახელმწიფო საგარეო სუვერენიტეტის მთავარი მპრობელია ვესტფალიის ზავის შემდეგ (1648), რომლის ძალითაც ჩარევა სხვა სახელმწიფოს მმართველობითს პრეროგატივებში გახდა უკანონო. ცნებას „სუვერენიტეტი“ საერთაშორისო სამართალში ხშირად აქვს კონოტაცია (თანმზღები მნიშვნელობა) საგარეო სუვერენიტეტისა. აღენ ვეიშსაც ამგვარადვე ესმის საგარეო სუვერენიტეტი, როგორც კონსტიტუციური დამოუკიდებლობა – სახელმწიფოს თავისუფლება გარეგანი გავლენისაგან მისი ძირეული პრეროგატივებით გათვალისწინებულ სფეროში. დამახასიათებელია, რომ საგარეო სუვერენიტეტი დამოკიდებულია უცხოეთის მიერ ცნობაზე. სახელმწიფოებისათვის ეს იგივეა, რაც ჩაუტრეფლობის (no trespassing) კანონი (სამართალი) კერძო საკუთრებისათვის – ურთიერთ შეთანხმებულობათა (understanding) სისტემა, რომელიც საკუთრებას, ან სახელმწიფოს, ანიჭებს შეუვალობას (იმუნიტეტს) გარედან ჩარევის მიმართ. იგივე საგარეო სუვერენიტეტი ადგენს საგარეო ურთიერთობების ძირითად პირობას – ანარქიას, რომელიც იმას ნიშნავს, რომ არ არსებობს უმაღლესი ხელისუფლება, რომელსაც პრეტენზია ექნება უფრო დაბალი ძალაუფლებების მიმართ. სახელმწიფოების კრებული, რომელიც შინაგანადაც და გარეთაც სუვერენული არიან, ქნის საერთაშორისო სისტემას, რომელშიც სუვერენული ერთეულები კავშირებს კრავენ, ვაჭრობენ, ომს და ზავს აცხადებენ.

2. სუვერენული სახელმწიფოს წარმოშობა. თეორია და პრაქტიკა

„უზენაესი ძალაუფლება მოცემული ტერიტორიის მიხედვით“, – ამ დეფინიციით (განსაზღვრებით) სუვერენიტეტის უფრო დეტალური გაგება შეგვიძლია მისი ისტორიის გათვალისწინებით. ამ ისტორიის გადმოცემაში შეგვიძლია გამოვყვეთ ორ მთავარ მოძრაობას. პირველია მრავალსაუკუნოვანი ევოლუცია ჯერ სუვერენულ სახელმწიფოთა კონტინენტის ჩამოყალიბებისაკენ. მეორეა აბსოლუტური სუვერენიტეტის პრეროგატივების შემოსაზღვრა XX საუკუნის II ნახევარში.

ევროპის ხანგრძლივი გადასვლის პროცესი შუა საუკუნეებიდან სუვერენულ სახელმწიფოთა სამყაროს მდგომარეობაში დაასრულა ვესტფალიის ზავმა (1648). ისტორიკოს სტრეიერის მიხედვით, ბრიტანეთი და საფრანგეთი სუვერენულად გამოცხადდნენ ჯერ კიდევ 1300 წლის მიდამოებში, როცა მათ

მეფეებს ჰქონდათ უზენაესობა მოცემული ტერიტორიის მიხედვით. მაგრამ ევროპა 1517 წლამდე ჯერ კიდევ შორს რჩებოდა ვესტფალიის ზავის მდგომარეობისაგან. დიდი ისტორიული შემობრუნება დაიწყო მაშინ, როცა ესპანეთის მეფემ კარლოს V-მ გააერთიანა კასტილია, არაგონი და ნიდერლანდები და ამავე დროს გახდა რომის საღვთო იმპერატორი, რითაც მოიპოვა პრეროგატივები ცენტრალური ევროპის ქვეყნების მიმართ, ამავე დროს, თავისთავზე აიღო როლი კათოლიკური ეკლესიის ჯერ კიდევ ძლიერი პრეროგატივების განხორციელებისათვის თავისი იმპერიის მიხედვით, მათ შორის საეკლესიო ორთოდოქსიის განხორციელებისაც. მაგრამ თავისი იმპერიის მიხედვით კარლოს V არ იყო სუვერენი, რადგან მასში მთავრები და კეთილშობილი ინარჩუნებდნენ მისი კონტროლის გარეთ მყოფ პრეროგატივებს. 1555 წელს სუვერენულ სახელმწიფოთა სისტემის მყარი ნიადაგი შექმნა აუგსბურგის ზავის სახით, რომლის ფორმულამ „ვისიც ძალაუფლება, იმისივე რელიგია“ საშუალება მისცა გერმანულ მთავრებს თავისი ტერიტორიების მიხედვით თავისი სარწმუნოება დაედგინათ. მაგრამ ეს სისტემა არამყარი აღმოჩნდა. გაჩნდა მრავალი დავა ამ შეთანხმების პუნქტთა გაგებაზე, რასაც მოჰყვა ომები და მათი კულმინაცია ოცდაათწლიანი ომის სახით, რომელიც დაასრულა ვესტფალიის 1648 წლის ზავმა.

ამ ზავის რომელი მახასიათებლები ქმნიან სუვერენულ სახელმწიფოთა სისტემის გაჩენის საფუძველს? (ამ ზავისათვის ასეთი სტატუსის მიცემას ყველა მეცნიერი არ იზარებს). არსად ხელშეკრულებებში არ არის ლაპარაკი სუვერენულ სახელმწიფოთა სისტემის სავალდებულობაზე ან თუნდაც სახელმწიფოსაზე, როგორც მმართველი ლეგიტიმური ერთეულისაზე. ისიც ცხადია, რომ ამ ზავს სუვერენულ სახელმწიფოთა სისტემა არ შეუქმნია არარასგან (ex nihilo): მისი კომპონენტები არსებობდა მანამდე და მათი აკუმულირება ხდებოდა საუკუნეთა მანძილზე. ამ ზავის შემდეგაც ცალკეული შუასაუკუნოებრივი ანომალიები არსებობას განაგრძობდა, მაგრამ ორი ფართო ასპექტით – კანონისმიერი პრეროგატივებისა და პრაქტიკული ძალების ასპექტით – სუვერენულ სახელმწიფოთა სისტემამ გაიმარჯვა. ჯერ ერთი, გაჩნდა სახელმწიფოები, როგორც რეალურად ერთადერთი ფორმა არსებითი კონსტიტუციური ძალაუფლებისა ევროპაში, მათს ძალაუფლებას სერიოზულად ვეღარ აყენებდა კითხვის ქვეშ რომის საღვთო იმპერია. ნიდერლანდებმა და შვეიცარიამ მიიღეს სიტყვაშეუბრუნებელი სუვერენიტეტი, რომის საღვთო იმპერიის გერმანულმა სახელმწიფოებმა მოიპოვეს უფლება მოკავშირეების ყოლისა იმპერიის გარეთ, ამავე დროს დიპლომატიურ ურთიერთობათა სისტემამაც და საგარეო პოლიტიკამაც მიიღო ის სქემა, რომელიც დღეს არსებობს თანამედროვე დიდ ძალთა სახით, რაშიც გამოიხატა საერთო გაგება იმისა, თუ რა არის სუვერენულ სახელმწიფოთა სისტემა. ეკლესიის საერო

ძალაც შეიკვცა იმ ზომამდე, რომ მას აღარ შეეძლო მეტოქეობა გაეწია რომელიმე სახელმწიფოს სუვერენიტეტისათვის. საპასუხოდ, პაპმა ინოკენტი X-მ შეაჩვენა ამ ზავის ხელშეკრულებები, როგორც „არარაული, ცარიელი, უსამართლო, უმართებულობით შემზარავი, უჭკუო, უწმინდური, ყოველსავე აზრს და ნაყოფს მოკლებული სამარადისოდ“. მეორეც, ამ ზავმა ბოლო მოუღო ჩარევას რელიგიურ საქმეებში, რაც მანამდე ხშირი საფუძველი იყო სუვერენულ პრეროგატივათა ხელყოფისათვის. შეიარაღებულ დაპირისპირებათა ათწლეულების შემდეგ აუგსბურგის ზავის სქემა საბოლოოდ გამყარებულ იქნა, არა ზუსტად 1555 წლის ფორმით, მაგრამ ისე, რომ ეფექტიანად დადგინდა მთავრთა ძალაუფლება რელიგიის საკითხებში. სუვერენულ სახელმწიფოთა სისტემა რომ კიდევ განივრცო შემდგომ ათწლეულებში, ვერც ერთი ევროპული სახელმწიფო ვერ ეომებოდა მეორეს მისი რელიგიური კურსის გამო, რაც მკვეთრ კონტრასტში იყო მანამდე 130 წელთან, როცა ევროპას რელიგიური ომები გლვავდა. სუვერენული სახელმწიფოების სისტემა რომ განივრცო შემდგომ წლებში, ჩაუვრდობის ეს სისტემა განზოგადდა და საერთაშორისო სისტემის ერთ-ერთ ფუძემდებელ ნორმად იქცა.

შემდგომ სამ საუკუნეში სუვერენულ სახელმწიფოთა სისტემა მსოფლიოში გავრცელდა და თავის კულმინაციას მიაღწია ევროპელთა კოლონიური იმპერიების დაშლის სახით XX საუკუნის შუაში, როცა სახელმწიფო გახდა პოლიტიკის ერთადერთი ფორმა, რომელსაც ოდესმე დედამიწის ზედაპირის მოკვამ ეწერა. დღეს სუვერენიტეტის ნორმები შესულია გაეროს ქარტიაში, რომლის მუხლი 2(4) კრძალავს სხვისი „პოლიტიკური დამოუკიდებლობისა და ტერიტორიული მთლიანობის“ ხელყოფას და მუხლი 2(7) სასტიკად კრძალავს ჩარევას.

სუვერენული სახელმწიფო რომ ევროპის კონტინენტს ეკავება ნაწილ-ნაწილ, ახალი დროის დამდეგს, რითაც იქმნებოდა ევენტუალურად მთელი მსოფლიოს მომცველი სისტემა, მაშინ იმდროინდელმა პოლიტიკურმა მოაზროვნებებმა შეიქმნარეს პოლიტიკის ეს ფორმა და ჩამოწერეს, თუ რა ქმნიდა მას ლეგიტიმურად. ისინი არ იყვნენ ამ ცნებისა და იდეის აღმოჩენები, რადგან თვით შუა საუკუნეებშიც კი დანტე და მარსალიუს ჰალეუელა ქადაგებდნენ საერო და საეკლესიო ძალაუფლებათა გამჯავრებას, რაც, მათი აზრით, მიიღწეოდა პრეროგატივების გადაცემით საერო მმართველობის ხელში. მაშინ, უხეში მიახლოებით, იყო ორი ფილოსოფოსი, რომელნიც, მართალია, ექსპლიციტურად და შეგნებულად არ წერდნენ სუვერენიტეტის შესახებ, მაგრამ თავისი იდეებით, რეალურად, აღწევდნენ დიდ წინსვლას ამ ცნების შემუშავებაში. მაკიაველი აკვირდებოდა ქალაქ-სახელმწიფოთა პოლიტიკას თავის რენესანსულ იტალიაში და აყალიბებდა, რა უნდა მოიქმნა მთავარმა, რათა წინ წაწიოს თავისი აყვავებული რესპუბლიკა, – აყალიბებდა იმგვარ ტერმინებს, რომლებიც


ამ მთავარს ანიჭებდა უზენაეს ძალაუფლებას ამ ტერიტორიაზე. მაკიაველი იყო, რომ ეს მთავარი არ უნდა შეზღუდულიყო არც ბუნებითი კანონით, არც კანონიკური სამართლით, არც სახარების მცნებებით, არც სხვა რამ ნორმებით და ავტორიტეტებით, რომლებიც სავალდებულო იქნებოდა მისთვის, როგორც საქრისტიანოს წევრისათვის. მეტიც, იგი მზად უნდა ყოფილიყო იმისათვის, რომ „კეთილი არ ყოფილიყო“, არამედ მზად ყოფილიყო ავის საქმედადც, მაგრამ არა იმიტომ, რომ ბოროტი ბოროტი აღარაა, არამედ იმიტომ, რომ ეს ზოგჯერ საჭიროა მაკიაველისათვის ცენტრალური მიზნის – სახელმწიფოს ძლიერებისა და მოწესრიგების მისაღწევად. მთავრისთვის ვალდებულება მხოლოდ raison d'etat – სახელმწიფოსათვის აზრი. იგი უზენაესია სახელმწიფოს ტერიტორიის მიხედვით და პასუხისმგებელია მხოლოდ ამ ერთი (ერთეული) კრებულის კეთილდღეობისათვის.

მარტინ ლუთერი სულ სხვა მხრიდან ასაბუთებდა სუვერენიტეტს. მისი რეფორმაციის თეოლოგია მოითხოვდა კათოლიკური ეკლესიისაგან მრავალი უფლების ჩამოცილებას – არა მხოლოდ საეკლესიოსას, არამედ ისეთებისა, რომლებიც, ყველა თანამედროვე განსაზღვრებით, საეროა. მას მიაჩნდა, რომ ეკლესია აღარ უნდა მოიაზრებოდეს, როგორც ხილული იერარქული ინსტიტუტი, არამედ როგორც უხილავად გავრთიანებული აგრეგატი (ერთობა) ადგილობრივი ეკლესიებისა, რომლებიც სწორ მოძღვრებას მიჰყვებიან. ამგვარად, კათოლიკური ეკლესიის აღარ უნდა სჭეროდა კანონიერად ვრცელი მიწები, რომლებსაც იგი ბეგრავდა და იცავდა და რომელშიც სამართალს ახორციელებდა. მის ეპისკოპოსებს აღარ უნდა სჭეროდათ საერო თანამდებობები მეფე-მთავრების ხელქვეით. აღარც პაპს უნდა შესძლებოდა საერო ხელისუფალთა გადაყენება განკვეთის უფლების გამოყენებით. რაც ყველაზე არსებითია, რომის იმპერატორს აღარ უნდა შესძლებოდა კანონიერად ძალით განეხორციელებინა კათოლიკური ერთგვაროვნება. ეკლესიას და მისი სახელით მოქმედთ აღარ უნდა შესძლებოდათ პოლიტიკური და ეკონომიკური ძალაუფლების განხორციელება. ვის უნდა აედო ხელში ეს ამგვარად განთავისუფლებული უფლებამოსილებები? ტერიტორიულ მთავრებს. „ეკლესიის დამოუკიდებლობისა და მის მიერ ტერიტორიისგარე საზოგადოებრივი აზრის მართვის გაუქმებით მოცილებული იქნა სახელმწიფოს მიხედვით ერთიანობის უკანასკნელი დაბრკოლება“ (ფიგისი). ვესტფალიაში ვითარების სწორედ ამ ხდევამ გაიმარჯვა.

ლუთერის პოლიტიკური თეოლოგია ყოველივე ამის ახსნა იყო. იგი ამბობდა, რომ ღვთის ძალაუფლების ქვეშ არსებობს ორი ფორმა მართვისა – „სულის სამეფო“ არის ის ფორმა (ის წესრიგი), რომლითაც ქრისტე მიმართებაში მორწმუნის სულთან. ამა ქვეყნის სამეფო კი არის ის ფორმა (ის წესრიგი) საერო საზოგადოებისა, სადაც

საერო ხელისუფლებამ უნდა შეეფუძნებინა თავის მმართველობას კანონისა და იძულების მეშვეობით. ორივე ამ სამეფოს კეთილი მოაქვს მორწმუნეთათვის, მაგრამ სხვადასხვა აზრით ისინი ცალ-ცალკე უნდა იყონ ორგანიზებული. ეკლესიის მესვეურებმა სულიერი მოვალეობები უნდა დასრულონ, მეფე-მთავრებმა და მაგისტრატურებმა – საერო. პაპისა და კათოლიკური ეკლესიის ძალისაგან გათავისუფლებულებმა, თავის საბრძანებელში შესაბამისი საერო ძალაუფლების მქონეებმა, მთავრებმა ახლა ეფექტიანად უნდა განახორციელონ თავისი საკუთარი სუვერენიტეტი. იმ ეპოქაში მთავრები მნიშვნელოვან კონტროლს ახორციელებდნენ თვით პროტესტანტულ ეკლესიებზეც კი, ხშირად ნიშნავდნენ მათს ადგილობრივ ლიდერებს, როგორც ამას ხატავს „ერასტაინზმის“ დოქტრინა. თუმცა არც ლუთერს, არც სხვა პროტესტანტ რეფორმატორებს არ განუხილავთ სუვერენიტეტის დოქტრინა მის დეტალებში, მათ მთავრებს შესთავაზეს მისი თვით დედაარსი. ფიგისი წერს: „ერთიანობა, უნივერსალობა და არსებითი სისწორე ტერიტორიული სუვერენული სახელმწიფოსი, უარყოფა ყოველივე ტერიტორიის გარე ან დამოუკიდებელი კომუნალური ფორმისა ცხოვრების სარეგულაციოდ – აი, ეს არის ლუთერის წარუვალი წვლილი პოლიტიკაში“. ახალი დროის დამდეგს სხვა ფილოსოფოსები, რა თქმა უნდა, ექსპლიციტურად იღებენ სუვერენიტეტის ამ დოქტრინას და, ამგვარად, ისინი უფრო ფართოდ დაკავშირებულნი არიან მასთან. ფრანგი ფილოსოფოსი ჟან ბოდენი პირველი ევროპელი ფილოსოფოსია, რომელიც ფართოდ იხილავს ამ ცნებას. მისეული ცნება souverainete-ის (სუვერენიტეტის) ცენტრალურია მის შრომაში. მისი de la republique („რესპუბლიკისათვის“) (1576) დაწერილია კალვინისტებისა და კათოლიკური მონარქიის ომის ქარცეცხლში. იგი წესრიგის პრობლემას თვლიდა ცენტრალურად და არ ფიქრობდა, რომ იგი გადაწყვეტადია მოძველებული შუასაუკუნოებრივი აზრებით სეგმენტირებული (დაყოფილი) საზოგადოების შესახებ, არამედ მხოლოდ იმ იდეით, რომ მმართველნი და მართლნი გავრთიანებულნი არიან ერთ პოლიტიკურ სხეულად, რომელიც მალა დგას ყოველსავე ადამიანურ კანონზე და, სინამდვილეში, ამ კანონის წყაროა. ეს იდეა არის სუვერენიტეტის იდეა: მხოლოდ უზენაეს ძალაუფლებას მოცემული ტერიტორიის მიხედვით, გააძლიეროს დაქვემდებარებული საზოგადოება.

ბოდენი ფიქრობდა, რომ ეს კორპუსი („სხეული“), რომელიც სუვერენიტეტს განახორციელებს, უნდა აკავშირებდეს თავისთავში ბუნებისა და ღვთაებრივ კანონს, თუმცა ვერც ერთი ადამიანური კანონი ვერ განსჯის და ვერ მიმართავს მას. კიდევ უფრო საყურადღებოა, რომ, მისი აზრით, მართებულად განსხვავებული სუვერენიტეტი პატივს სცემდა ჩვეულებითსა და საკუთრებითს უფლებებს. არ არის ნათელი, თუ ასეთი შეზღუდვა როგორაა შეთავსებადი სუვერენული ძალაუფლების



უზენაესობის სტატუსთან. შესაძლოა, ბოლნისი ფიქრობდა, რომ ასეთი უფლებები უნდა ყოფილიყო მასსაიათებლები ლეგალური რეჟიმისა, რომელიც თვითონაა სუვერენული სხვა ხელისუფლებებთან მიმართებაში. იგი ფიქრობდა აგრეთვე, რომ სუვერენიტეტის მატარებელი ხელისუფლება შესაძლებელი იყო ლეგიტიმურად ყოფილიყო მონარქიული ან არისტოკრატიული ან დემოკრატიული, თუმცა პირადად მას არისტოკრატია ერჩია. მაგრამ, ყველა შემთხვევაში, ეს ხელისუფლება თავისი ტერიტორიის შიგნით დამოუკიდებელი უნდა ყოფილიყო ყოველგვარი გარე ადამიანური კანონისაგან ან ძალაუფლებისაგან. ჰინსლი წერს:

„ისეთ დროს, როცა იმპერატორული გახდა ბოლოს მოღება კონფლიქტისათვის მმართველებსა და მართლებს შორის, ბოლნისა გააცნობიერა, — და ეს დიდი ინტელექტუალური ღვაწლი იყო, — რომ კონფლიქტი დაცხრებოდა მხოლოდ მაშინ, თუ შესაძლებელი იქნებოდა აუცილებლად შეუზღუდველი შინაგანი ძალის ორგანიზება, ერთის მხრივ, და ამ ძალის განსხვავებაც ყველა კანონისა და წესისადმი გულგრილი აბსოლუტიზმისაგან, მეორეს მხრივ. მან ეს იმით შეძლო, რომ (თავის აზრში) ძალის ლეგალობაც და მისი სიბრძნეც, რომელიც უზრუნველყოფდა მის მიერ საჭირო შეზღუდვას დაიცავს, დაამყარა იმ პოლიტიკური კორპუსის („სხეულის“), როგორც პოლიტიკური საზოგადოების, ბუნებაზე, რომელსაც უნდა მოეცა მმართველნიც და მართლებიც. მისი ეს კონსტატაცია სუვერენიტეტის აუცილებლობისა იყო ერთადერთი შესაძლებელი შედეგი“.

ბოლნისი უფლებების განცხადება პირველი სისტემური ნაბიჯია ამ მიმართულებით ევროპულ ფილოსოფიაში და, ამგვარად, დროის ნიშანსვლელია.

ჰობსიც სამოქალაქო ომის ვითარებაში წერდა და ისიც სუვერენიტეტის ცნებაზე მივიდა, როგორც ხსნამდე. მის თვალში ადამიანები ადგენენ (აყალიბებენ, აფუძნებენ) სუვერენულ ხელისუფლებას ხელშეკრულების საშუალებით, რომლითაც ისინი ყველა თავის უფლებას გადასცემენ ლეგიტიმურად — სახელმწიფოს ცნების აბსტრაქტულ განსაზიერებას. ამ უკანასკნელის ნება უზენაესია და იგი განასხეულებს მისი ამომრჩევლების და მისთვის თავის ყველა უფლებათა გადაცემების ნებას. ბოლნისი უფლებას სუვერენიტეტით, იგიც ყოველსავე კანონზე მაღლა, იგი მოკვდავი ღმერთია და არაა შეკრული არანაირი ხელშეკრულებით ვალდებულებით არანაირ გარეშე მხარესთან. მაგრამ, ბოლნისისგან განსხვავებით, ჰობსის ლევიათანი არაა შეზღუდული რაიმე ბუნებითი, საღვთო ან ჩვეულებითი სამართლით, კანონი, უფრო, მისი ბრძანება, მისი ნებდნად გამოდინარე, და აღსასრულებლად სავალდებულოა აბსოლუტურად.

ბოლნისი და ჰობსიც ქადაგებენ სუვერენიტეტს, როგორც უზენაეს ხელისუფლებას. ეს იდეა განაგრძობს პრევალირებას, როგორც სახელმწიფოთა პოლიტიკური მართვის პრეზუმფცია, მთელს დედამიწაზე

დღემდე, ისეთ სახელმწიფოთა ჩათვლით, სადაც სუვერენული მმართველი კორპუსი აწესებს შეზღუდულ მმართველობას და სამოქალაქო უფლებებს ინდივიდისათვის. საუკუნეთა მანძილზე გაჩნდა სუვერენიტეტის მკვრივების ახალ-ახალი ცნებები. რუსი, ბოლნისი და ჰობსისგან ძალიან განსხვავებულად, ადამიანთა კოლექტივს სახელმწიფოს შიგნით განიხილავდა როგორც სუვერენს, რომელიც მართავს საერთო ნებით. კონსტიტუციური მმართველობებში სწორედ ხალხი მართავს საკანონმდებლო კორპუსის მეშვეობით, რომელიც სუვერენულია. ეს ის ვერსიაა, რომელსაც, უმეტესწილად, ლეგიტიმურობა აქვს მსოფლიოში დღეს.

3. სუვერენული სახელმწიფოს შიგნულად („შემოზარბვა“): თეორია და პრაქტიკა

სუვერენიტეტის შობა და გლობალური გავრცელება, რომელსაც აქებენ და განადიდებენ კიდევ პოლიტიკური ფილოსოფოსები, ახალ დროში ერთ-ერთი ყველაზე წარმატებული და ყველაზე საშინელი პოლიტიკური ტენდენციაა. მაგრამ თავისი გაჩენის პირველი დღეებიდანვე სუვერენიტეტი, ამასთან ერთად, შეჰხვდა მოუკვებესაც და კვალიფიციურ მხარდაჭერებსაც. ამ უკანასკნელთა შორის მრავალნი მიიჩნევენ, რომ ყოველი კორპუსი („სხეული“), რომელიც განასახიერებს კანონის მიერ სუვერენიტეტის სტატუსზე პრეტენზიის გაცხადებას, კერძოაყვანისმცემლობის ფორმაა, ზოგჯერ — დამცავი ბაკანი, რომლის მიღმაც მმართველი ძალავენ თავის სისასტიკესა და უსამართლობას, რათა კანონიერი უცხო თვარი არ მოჰხვდეთ. რეალურად, მხოლოდ პოლიტიკის (პოლიტიკის) თა მიერ ებრაელების გენოციდის) შემდეგ მოხდა ის, რომ რეალურად გაჩნდა სუვერენიტეტის სამართლებრივი და ინსტიტუციონალური შეზღუდვა, რის შედეგადაც მნიშვნელოვანწილად შეიკვეცა სუვერენული სახელმწიფოს უფლებები. ყველაზე დიდი შეკვეცებია ის, რომელიც განხორციელდა ადამიანის უფლებათა დაცვის მიმართულებით და ევროპული ინტეგრაციის მიმართულებით.

1948 წელს სახელმწიფოთა დიდმა უმრავლესობამ ხელი მოაწერა ადამიანის უფლებათა საყოველთაო დეკლარაციას, რითაც იკისრა, პატივი სცეს ინდივიდთა 30-ზე მეტ ცალკეულ უფლებას. ვინაიდან ეს არ იყო სამართლებრივად დამაყვავილებელი დეკლარაცია და არ შეიცავდა იძულებითი განხორციელების მექანიზმებს, მან სახელმწიფოთა სუვერენიტეტი ხელშეუხებელი დატოვა, მაგრამ ეს მაინც იყო პირველი ნაბიჯი მათი მიზნისა საერთაშორისო საყოველთაო ვალდებულებებზე, რომლებიც შეეხებოდა მათს შინაგან საქმეებს. შემდგომი ათწლეულების მანძილზე ხდებოდა ამ ადამიანურ უფლებათა სტატუსის თანდათანობითი ამაღლება. ერთერთი ყველაზე მძლავრი კონვენცია ადამიანის უფლებათა თემაზე, — რომელიც მართლაც კვეცავს სუვერენიტეტს, — არის „ევროპული კონვენცია ადამიანთა უფლებათა

დაცვის შესახებ“ და ფუნდამენტური უფლებები, რომლებიც დაფორმულდა 1950 წელს. მისი დაახლოებით თანამედროვე, 1948 წლის 9 დეკემბერს ხელმოწერილი, იყო კონვენცია გენოციდის შესახებ, რომელიც ავალდებულებს ხელმძღვრე სახელმწიფოს, თავი შეიკავონ გენოციდისაგან და დასაჯონ იგი. შემდეგი, 1960-იანი წლების შუახანებში, დაიღო „შეთანხმება სამოქალაქო და პოლიტიკურ უფლებათა შესახებ“ და „შეთანხმება ეკონომიკურ, სოციალურ და კულტურულ უფლებათა შესახებ“, რამაც სამართლებრივად დაავალდებულა მსოფლიოს სახელმწიფოთა უმრავლესობა, პატივი სცენ თავისი ხალხების ადამიანურ უფლებებს. ამჯერად ხელმძღვრე სახელმწიფოთა კონსტიტუციური ძალაუფლება დიდწილად ხელუხლებელი დარჩა, რამდენადაც ისინი არ უშვებდნენ იმას, რომ რომელსავე ამ ვალდებულებათაგანს გამოეწვია მათი სუვერენიტეტის ხელყოფა. შემდგომი შეთანხმებებიც ადამიანურ უფლებათა შესახებ, რომელთაც ხელი მოაწერა სახელმწიფოთა უმრავლესობამ, ასევე შეიცავდა დათქმებს სუვერენიტეტის ხელყოფის დაუშვებლობის თაობაზე.

მხოლოდ ადამიანურ უფლებათა უკან სამხედრო იძულების დგომისა და ძლიერი იურიდიული პროცედურებით დამუქრების პრაქტიკას შეეძლო, სერიოზულად შემოეზღუდა სუვერენიტეტი. ამ მიმართულებით სერიოზული პროგრესი დაიწყო ცივი ომის დამთავრების შემდეგ ვესტფალიის ზავის გადახედვის სახით — გადახედვისა, რომელიც კვეცავს ამ ზავში მძლავრად წინ წამოწეულ ნორმას ინტერვენციის დაუშვებლობის თაობაზე. ეპიზოდთა მთელ სერიაში, დაწყებული 1990 წლიდან, გაერომ და სხვა საერთაშორისო ორგანიზაციებმა მხარი დაუჭირეს იმგვარ პოლიტიკურ ქმედებას, ჩვეულებრივ — სამხედრო მოქმედების მომცველს, რომელსაც სახელმწიფოთა ფართო კონსენსუსი მანამდე განიხილავდა, როგორც უკანონო ჩარევას სხვათა შინაგან საქმეებში. ეს ეპიზოდები მოიცავდა სამხედრო ჩარევის მოწონებას, როგორც ჩადენილი უსამართლობის გამოსწორების საშუალებისას ამა თუ იმ სახელმწიფოს შიგნით ან რომელსავე სახელმწიფოში გაჩენილი შინაგანი პრობლემების ადმინისტრირების პოლიტიკური აქციის სახით. ცივი ომისდროინდელი სამშვიდობო ოპერაციებისაგან განსხვავებით, ამ ოპერაციებს ჩვეულებრივ არ ჰქონდა ხოლმე მიზანი აძლევდელი სახელმწიფოს მთავრობის დასტური. ასეთი ოპერაციები ჩატარდა ერაყში, ყოფილ ოფოსლავიაში, ბოსნიაში, კოსოვოში, სომალიში, ჰაიტიზე, კამბოჯაში, ლიბერიაში და სხვაგან. თუმცა ცალკეულ ინტერვენციათა კანონიერება და სიბრძნე არც თუ იშვიათად დგება კითხვის ქვეშ სხვადასხვა სახელმწიფოთა მხრიდან — მაგალითად, აშშ-ის მიერ იუგოსლავიის დაბომბვამ და ნატოს ინტერვენციამ კოსოვოში ვერ მიიღო გაეროს უშიშროების საბჭოს მხარდაჭერა, — მაინც ამგვარი ჩარევის პრაქტიკა მოსალოდნელია გაგრძელდეს და გაეროში უშიშროების საბჭოს მხრიდან დიდი მხარდაჭერაც ჰქონდეს, ისევე როგორც სხვა

საერთაშორისო ორგანიზაციების მხარდაჭერა.

მეორე გზა სუვერენიტეტის შემოზღუდვისა ევროპული ინტეგრაციაა. ეს იდეაც იშვა როგორც რეაქცია პოლიკოსტზე — უბედურებაზე, რომელიც მრავალმა ევროპულმა ლიდერმა მაწერა, ნაწილობრივ მაინც, სუვერენული სახელმწიფოს არა ანგარიშვალდებულებას მსოფლიოს წინაშე. ისტორიულად, ევროპის ინტეგრაციის ყველაზე ერთუზიასტი მხარდამჭერები კათოლიკური ქრისტიან-დემოკრატიული პარტიებიდან წარმოდგებოდნენ, რომელთა იდეალებს ფესვი ჰქონდა შუა საუკუნეთა ქრისტიანობაში, სადაც, — თეორიაში მაინც, — არც ერთი ლიდერი არ იყო სუვერენული და ყველა მათგანი ანგარიშვალდებული იყო ღირებულებათა საყოველთაო სისტემის წინაშე. ადამიანის უფლებებისა და დემოკრატიის თანამედროვე ენით ისინი ეხმარებოდნენ პაპი ინოკენტი X-ის მიერ ვესტფალიის ზავის შეჩვენების ტექსტს.

ევროპის ინტეგრაცია დაიწყო 1950 წელს, როდესაც ექვსმა სახელმწიფომ პარიზის შეთანხმებით შექმნა „ევროპის ქვანახშირისა და ფოლადის გაერთიანება“. ამ გაერთიანებამ შექმნა გაერთიანებული ევროპული ხელისუფლება ექვსი ქვეყნის მონაწილეობით ქვანახშირისა და ფოლადის საქმეთა სამართავად, რასაც მოჰყვა აღმასრულებელი კონტროლი მუდმივად არსებული ბიუროკრატიის ხელით და გადაწყვეტილებათა მიმღები მინისტრთა საბჭოს შედგენა, რომლის წევრები იყვნენ ამ სახელმწიფოთა საგარეო საქმეთა მინისტრები. ეს მოდელი განიცდო საერთო ეკონომიკურ ზონად, რომელიც შექმნა რომის ხელშეკრულებით 1957 წელს. იგი კიდევ გააძლიერა ევროპის სასამართლოსა და ერთიანი ლეგისლაციის — ევროპის პარლამენტის შექმნამ, რომელიც ევროპის მომცველი, პირდაპირი არჩევებით დაკომპლექტებული კორპუსი იყო. დროთა მანძილზე ევროპის ინტეგრაცია კიდევ განიცდო (დღეს ეს ინსტიტუტი შედგება 15 წევრისაგან) და გაღრმავდა. 1991 წელს მასტრიხტის ხელშეკრულებამ გააფართოვა მისი უფლებამოსილებები და გარდასახა იგი ევროპის კავშირად. დიდად დამორებული იმ პრეტენზიას, რომ სახელმწიფოებს ჩაენაცვლოს, ევროკავშირი, უფრო, „კრებს“ (pools) მათი სუვერენიტეტის მნიშვნელოვან ასპექტებს „სუპრანაციონალურ“ (ზეეროვნულ) ინსტიტუტად, რომელშიც მათი მოქმედების თავისუფლება ჩარჩოშია მოქცეული. ისინი აღარ არიან აბსოლუტურად სუვერენულნი. დღეს ევროპული ინტეგრაცია სწრაფად მიმდინარეობს. მისი ბირთვი სახელმწიფოები უკვე ფიქრობენ თავიანთი სათავდაცვო ძალების გაერთიანებასაც, გარკვეული მიზნებისათვის მაინც.

სუვერენული სახელმწიფოს ეს შემოზღუდვა საერთაშორისო ნორმებისა და სუპრანაციონალური (ზეეროვნული) ინსტიტუტების საშუალებით პარალელს პოულობს თანამედროვე ფილოსოფოსთა აზროვნებაში, რომელთაც იერიში მიაქვთ აბსოლუტური სუვერენიტეტის იდეასა და ცნებაზე. მათი

აზროვნება არაა საკუთარი, რამდენადაც ახალი დროის გარეგანზე ფილოსოფოსები, როგორც იყო ჰუგო გროციუსი, ალბერტო ჯენტილა და ფრანცისკო სუარესი, თუმცა კი იწყნარებდნენ სახელმწიფოს, როგორც ლეგიტიმურ (სამართლებრივ) ინსტიტუტს, მაინც ფიქრობდნენ, რომ მისი ძალაუფლება შეზღუდული უნდა იყოს და არა აბსოლუტური. მაგალითად, უღმობელი მთავარი უნდა დაქვემდებარებული იყოს მეზობელი მთავრების შემოქმედებას, რომლებიც მას დისციპლინის ჩარჩოებში მოაქცევდნენ, ფრიად და ფრიად წააგავს ჰუმანიტარული ჩარევის დღევანდელ იდეას.

შესაძლებელია, ორი ყველაზე გამოჩენილი თავდასხმა დღევანდელ სუვერენიტეტზე II მსოფლიო ომის აქეთ ფილოსოფოსთა შორის ეკუთვნით ბერტრან დე შუვენს და ჟაკ მარიტენს. თავის შრომაში „სუვერენიტეტი. გამოკვლევა პოლიტიკური სიკეთის შესახებ“ შუვენალი აღიარებს, რომ სუვერენიტეტი თანამედროვე პოლიტიკური ძალაუფლების არსებითი ატრიბუტია, რომელიც საჭიროა შინაგანი დისპუტების დასაცხრობად და კოოპერაციის (თანამშრომლობის) საორგანიზაციოდ გარემოთაგან თავდაცვის საქმეში. მაგრამ იგი პირწმინდად უკუაგებს სუვერენიტეტის თანამედროვე იდეას, რომელიც ქმნის წესებზე მალა მდგომ ძალას, — ძალას, რომლის გადაწყვეტილებები ლეგიტიმურად უნდა ჩაითვალოს, უბრალოდ, იმიტომ, რომ ისინი ამ ძალისაგან მომდინარეობენ. შუვენალის აზრით, სუვერენიტეტის იდეამ თავის მწვერვალს მიაღწია ჰობსის აზროვნებაში, რომლის „საზარელ კონცეფციამაც ყოველივე დაიყვანა იძულების საშუალებებზე, რომელიც სუვერენს საშუალებას აძლევს, გამოეცეს უფლებები და ქვეყანას უკარნახოს კანონები, როგორც მოხსიათება. მაგრამ თვით ეს იძულების საშუალებები მხოლოდ ერთი ნაწილია სუვერენის ხელში თავმოყრილი ძალისა“. მიუხედავად მათი ურთიერთგანსხვავებისა სუვერენიტეტის ადგილისა და ფორმის თაობაზე, შემდგომ მოაზროვნებს ლოკის, პუვენდორფისა და რუსოს სახით „ნებათ თავის თავზე გამოცეცადო ამ მექანიკურად სრულყოფილი კონსტრუქციის მიმზიდველი ძალა“. ეს იყო „თვით სუვერენიტეტის ტრიუმფის საათი“, რომლის უარსაყოფად მას აქვთ კადნიერება არავის ეყოფა“.

როგორც გვაგრძობინებს მის მიერ ჰობსის გადმოცემა, შუვენალი ახალი დროის დამდგის აბსოლუტურ სუვერენობას დიდი შემოთეებით განიხილავს. „თვით ეს იდეა სახიფათოა“ — წერს იგი. მაგრამ ის ამ იდეის გადაგდებას კი არ ითხოვს, არამედ მიაჩნია, რომ სუვერენიტეტი წარმართულ უნდა იქნას იმგვარად, რომ სუვერენული ხელისუფლება არ ინდომებდეს არაფერს ისეთს, რაც არ არის კანონიერი. მორალი, რომელიც არანაირად არ არის დამოკიდებული სუვერენის ნებაზე, დამოუკიდებელი ჰქმნის მართობის მატარებელია. მიჰმართავს რა თვალს „ქრისტიანი მოაზროვნების“ პერსპექტივისაგან, იგი ამბობს, რომ „არსებობენ ისეთი ნებანი, რომლებიც სამართლიანი

არიან, და ისეთი ნებანი, რომელიც უსამართლონი არიან... ამგვარად, „ძალაუფლებას ანლაგს ვაღიარებულა, რომ ბრძანით ის, რისი ბრძანებაც ვერ არს“. ეს ძალაუფლების ის გაგებაა, რომელიც ჰქონდა „ანსიენ რეჟიმს“ („ძველ რეჟიმს“, საფრანგეთის მონარქიას 1789 წლის რევოლუციამდე. რედ.), რომლის თანახმადაც კარგ მრჩეველებს შეეძლოთ მონარქის ძალისხმევა მიემართათ საერთო სიკეთისაკენ. რას ძალუძს დღევანდელი სუვერენიტეტის წარმართვა? ჟუვენალი, როგორც ჩანს, ეჭვობს, რომ ამისათვის კარგოლდეს იუსტიციური ან კონსტიტუციური სქემა. მას, უფრო, იმის იმედი აქვს, რომ ასეთ „რჩევას“ მოიცემს მოქალაქეთა საერთო მორალური წარმოდგენები, რომლებიც მოქმედებს სუვერენის არჩევანების ჩარჩოში მოქცევის მიმართულებით. თავისი წიგნის „ადამიანი და სახელმწიფო“ (1951) II თავში მარტივი სუვერენიტეტის მიმართ იმ შეზღუდულ სიმპათიასაც არ იმე-

ტებს, რასაც მისდამი ჟუვენალი იჩენს: „ჩემი რწმენაა, რომ პოლიტიკური ფილოსოფია უნდა გაათავისუფლდეს ამ ცნებისაგან — „სუვერენიტეტისაგან“, არა იმიტომ, რომ იგი მოძველებულია, ამ „ობიექტური კანონის“ სოციოლოგიურ-თეორიული თეორიის გამო, და არც მხოლოდ იმიტომ, რომ ეს ცნება ქმნის აუარებელ გადაულახავ სიძნელებებს და თეორიულ ხლართებს საერთაშორისო სამართლის სფეროში, არამედ იმიტომ, რომ, თუ მას განვიხილავთ მისი ნაღდი (გენუინური) მნიშვნელობის მიხედვით და იმ საკუთრივ მეცნიერული სფეროს პერსპექტივის თვალსაზრისით, რომელსაც იგი (ეს ცნება) ეკუთვნის — პოლიტიკური ფილოსოფიის თვალსაზრისით, — მაშინ ეს ცნება (იდეა) შინაგანად ყალბია და გარლუვალად გზიდან ამცდენია — თუკი მხედველობაში მივიღებთ იმას, რომ მან მეტისმეტად დიდხანს და მეტისმეტად ფართოდ იარსება საიმი-სოდ, რომ უფლება ვეჭონდეს მისი

უკუგადასაზრებლობისა, და მასში გაუთვალისწინებელი რჩება ის ყალბი კონნოტაციები (თანხმობები მნიშვნელობები), რომლებიც მისგან განუშორებელია“. ბოლენისა და ჰობსის შეცდომა ის იყო, რომ მათ სუვერენიტეტი მოაზრებული ჰქონდათ, როგორც ძალაუფლება, რომელიც ხალხს პერმანენტულად გადააქვს და რომელსაც ასხვისებს გარეგან ერთეულზე, ამ შემთხვევაში — მონარქზე, იმის ნაცვლად, რომ იყოს ხალხის წარმომადგენელი და იყოს ანგარიშმეგებული ამ უკანასკნელის წინაშე. სუვერენი, ამ კონცეფციის მიხედვით, გახდა ტრანსტენდენტური ერთეული, რომელსაც უჭირა ამ ხალხის მართვის უფლება, ამ უკანასკნელისაგან დამოუკიდებლად. ჟუვენალის მსგავსად, მარტივი გზის სუვერენის ნების ეგზალტაციას იმ ზომამდე, რომ სამართლიანად მივიჩნევდეთ იმას, რაც ამ ნების ინტერესს ემსახურება. ეს კერძოთავანისძეველობაა. ყოველივე გადაცემა პოლი-

ტიკური კორპუსის („სხეულის“) ძალაუფლებისა თუნდ მისავე ნაწილზე, თუნდ რამე უცხო ერთეულზე, — სახელმწიფო აპარატი იქნება ეს, მონარქი თუ თვით ხალხიც კი, — უკანონოა, რადგან მთავრობის კუმარიტობა (validity) ეფუძნება მის კავშირს ბუნებითს სამართალთან. სუვერენიტეტი შობს სამ ფუნქციონულ დარღვევას. პირველი. მისი საგარეო განზომილება გაუგებარს („მოუზარებადს“) ხდის საერთაშორისო სამართალს და მსოფლიო სახელმწიფოს (ერთსაც და მეორესაც მარტივი დიდი სიმპათიით ეკიდება). მეორე. სუვერენიტეტის საშინაო განზომილება, აბსოლუტური ძალა სახელმწიფოსი პოლიტიკური კორპუსის („სხეულის“) მიმართ იწვევს ცენტრალიზმს და არა პლურალიზმს. მესამე. სუვერენული სახელმწიფოს უზენაესი ძალა ეწინააღმდეგება ანგარიშვალდებულების დემოკრატიულ იდეას. ვინაიდან მარტივი კათოლიკე

ფილოსოფოსია, მისი არაუძინებელი მსგავსია ახალი დროის დამდევის ევროპის ქრისტიანი ფილოსოფოსების არგუმენტებისა, რომელიც აკრიტიკებდნენ აბსოლუტურ სუვერენიტეტს. რაკი მოწმენი იყვნენ სახელმწიფოს, როგორც საშინელი ერთეულის, აღზევებისა, ისინი ცდილობდნენ საზღვარი დაელოთ მისი ძალისა და ძალაუფლებისათვის. ისინი იმათი წინაპრნი არიან, ვინც დღეს მოითხოვს საზღვრის დადებას სუვერენიტეტის ძალისა და ძალაუფლებისათვის ადამიანის უფლებათა სახელით, გენოციდის და სხვა უბედურებების აღკვეთის უფლების სახელით, — საერთაშორისო სისხლის სამართლისაგან და იმ ზეეროვული ერთეულებისაგან დახმარების მიღების სახელით, რომელნიც ძალას იძენენ ეკონომიკური საქმეების სამართავად და ახლა, შესაძლოა, სამხედრო საქმეების სამართავდაც.

HISTORISCHES WÖRTERBUCH DER PHILOSOPHIE UNTER MITWIRKUNG VON MEHR ALS 1200 FACHGELEHRTEN JOACHIM RITTER UND KARL FRIED GRÜNDER


1. სიტყვა „სუვერენული“, როგორც დარგობრივი ცნება, იხმარება XIII საუკუნიდან საფრანგეთში და XIV საუკუნიდან ინგლისშიც. ვინც სუვერენულია, ის გადაწყვეტილებათა მიღების უკანასკნელი ინსტანციაა — მაგალითად, როგორც ბარონი, ან როგორც მეფის მოხელე, ამ როგორც სასამართლო. მეფე სუვერენულია, კერძოდ, მოსამართლედაც, მაგრამ მხოლოდ იმ ზომით, რა ზომებსაც მისი უფლებამოსილება გასწვდება. ამ უკანასკნელსაც ზოგჯერ „სუვერენიტეტებს“ უწოდებენ. XVI საუკუნეში ფრანგი თეორიტი ბოდენი (Bodin) ამ ფრანგულ-ინგლისურ ცნებას ალათინურებს („soverenitas“) და ათანაბრებს (აიგივებს. რედ.) მას გვიანდელი რომის იმპერატორთა დროიდან ნაანდრძევე ცნებებთან „summum imperium“ („ზოგადი (საყოველთაო, სრული) ხელმწიფება“). „summa potestas“ („ზოგადი (ჯამური, სრული) შემძლებლობა“) და magestas imperii („ხელმწიფების (ძალაუფლების, შემძლების) უზენაესობა“). თუ აძვლროულად სიტყვა „soverenetate“ მონარხობასთან (მონარქიასთან მეზობლებთან) არასპეციფიკურად იხმარება, — სახელდობრ, აღნიშნავს იმპერატორების, მეფეების, წოდებულთა და ბატონობითს უფლებამოსილებებს საერთოდ და ცალკეაღკე, ბოდენის თავისი მთავარ ნაწარმოებში ამ სიტყვას ზუსტ ცნებას აქცევს. სუვერენიტეტი არის საჯარო ხელისუფლების ერთი ნაწილი, იგი განისაზღვრება, როგორც „აბსოლუტური და მუდმივი ძალაუფლება რესპუბლიკისა, რომელსაც ლათინები ეძახიან უდიდებულესობას“. ეს ძალაუფლება ალტერნატიულად (ანუ სხვა შემთხვევაში. რედ.) ეკუთვნის მის გარკვეულ „მფლობელს“ (მთავარს, არისტოკრატიას, ხალხს...) და მოიცავს, როგორც თავის უმნიშვნელოვანეს კომპეტენციას, საყოველთაო კანონმდებლობის ფუნქციას, რომლიდანაც გამოიყვანება სუვერენის სხვა ბატონობით უფლებები: ომი და მშვიდობა, უმაღლესი თანამდებობის პირთა დანიშვნა-გა-

დაყენება, გადაწყვეტილებები უმაღლეს მაგისტრატურათა მიერ გამოძიებულ-გამოკვლეულ ვითარებათა შესახებ, გამოსაღებთა დაკისრება და მოხსნა, შეწყალება, ფულის ფიზიკური საფუძვლის დადგენა და ერთეულების ფიცის მოთხოვნა და ა.შ. კანონმდებლობა, რომელიც ადრე, ფაქტობრივად, მხოლოდ წოდებებთან ერთად იყო შესაძლებელი, ცენტრალურ ადგილს იკავებს და ამით გვამცნობს თანამედროვე „სახელმწიფო“ კანონმდებლის განენს. მაგაფოდ განსაზღვრულია, რომ ამიერიდან სუვერენმა სამოქალაქო კანონებიც უნდა ცვალოს და ახლის შემოდების უფლება უნდა ჰქონდეს. მისი ფუნქციების მიხენა მხოლოდ ძალიან ზოგადად და აღმსარებლობისათვის ანგარიშგაუწყველად განსაზღვრული „ღვთისა და ბუნების კანონები“ და სახელმწიფოს ფუნდამენტური „წყობისული“ (კონსტიტუციური) კანონები. გადაწყვეტი ნახტომი თანამდროვეობისაგან ამ კონცეფციაში კიდევ იმაში მდგომარეობს, რომ მოხსნილია გაყოფა საეროსა (წარმავალსა) და სპირიტუალურს შორის. („ამგვარად, მღვდელი სასულიერო საქმეებში მთავარზე მაღლა დგას და, პირიქით, საერო საქმეებში მთავარი მაღლა დგას“ — ასეთი იყო მანამდე ლათინურად ფორმულირებული პრინციპი). ბოდენი ამ მატერიალურსა და ინსტიტუციონალურ დაყოფას უგულებელყოფს საერო ინსტანციის ფორმალური უმაღლესობის აღიარების სასარგებლოდ: „რადგან აბსოლუტურად სუვერენულია ის, რომელიც არვის ცნობს, ღმერთის შემდეგ, თავისზე უფრო დიდად“. ან: „ჩვენ ვამბობთ, რომ სუვერენული უფლებები მოუღის იმას, ვინც არავის ქვეშევრდომია ღმერთის გარდა“. დროებითი (საერო) საკითხების დადგენის თემის გამოტოვება (ბოდენის მიერ. რედ.) ათავისუფლებს მას შუა საუკუნეებისათვის ტიპური კონფლიქტის განხილვისაგან საერო და სასულიერო ინსტანციებს შორის და აფუძნებს სახელმწიფოს კომპეტენციას, რომ თვითონვე განსაზღვრავდეს,

ერთპიროვნულად, თავისი კომპეტენციის წესებსა და საზღვრებს („კომპეტენციათა განსაზღვრის კომპეტენცია“), მაშასადამე, განსაზღვრავდეს იმასაც, რაც საეროა, და იმასაც, რაც, როგორც „სასულიერო“, ეკლესიის კომპეტენციას ექვემდებარება. ამით წანამდებრები ეცლება სახელმწიფოსა და ეკლესიის ძველ დუალიზმს, რაც მზადდებოდა (მწიფდებოდა) მას აქეთ, რაც რელიგიური ერთობა დასრულდა, რელიგიური სამოქალაქო ომები მოხდა და პოლიტიკური აზროვნება XVI და XVII საუკუნეებში თავისთავადი გახდა. თანამედროვე სახელმწიფოს განვითარება წარმოუდგენელი იქნებოდა ამ „კომპეტენციათა დადგენის კომპეტენციის“ გარეშე, რომელიც საშინაო სუვერენიტეტის ბირთვია. მესამე ნაბიჯი: სუვერენს უნდა შეეძლოს თავისი კომპეტენტურობის „ერთმხრივად“, სხვისი თანხმობის გარეშე აღსრულება. წინააღმდეგ შემთხვევაში იგი სუვერენი არაა. ეს დამოუკიდებლობა გადაწყვეტილებების მიღებისა მიმართულია გარეთკენ და შიგნითკენ. გარეთკენ იგი მიმართულია სამართლისისტორიული (სამართლის ისტორიისათვის ცნობილი. რედ.) ხელისუფლებითი ინსტანციების — პაპისა და იმპერატორის — წინააღმდეგ, აგრეთვე ტრადიციულად შემორჩენილი დამცველობითი, ხარკის აღებითი და ვასალური ურთიერთმომართების წინააღმდეგ, რომლებიც XVII საუკუნეში არსებობდა სახელმწიფოების შორის. საგარეო სუვერენიტეტი ნიშნავს ბრძანების დამოუკიდებლობას: „ვინც იმპერატორისაგან, პაპისაგან ან რომელიმე მეფისაგან მიითებებს იღებს, იგი მოკლებულია უზენაეს ხელისუფლებას“. ვითარების დასასწავთებლად გადაწყვეტია უფლებრივი მიმართებები. დამოუკიდებლობა არ ნიშნავს სამართლებრივ მოვალეობათა უქონლობას, რადგან ზოგადი სამართლებრივი საფუძვლები „ღვთისა და ბუნების კანონებისა“, რომელთა რიცხვს, პირველ ყოვლისა, ფიცის ერთეულებად მიეთუენება, ერთმანეთზე ამაჟნ სახელმწიფოებრივ სუვერენებს (სუვერენულ სახელმწიფოებს. რედ.) ისევე, როგორც შიგნითკენ მიმართუ-

ლი ბატონობა იძულებულია ამ პრინციპებს ანგარიში გაუწიოს. „შინაგანი“ სუვერენიტეტი მიმართული იყო მართვაში სამჯდელობის, თავდაზნაურობისა და ქალაქის მოქალაქეთა (წოდებათა) თანამონაწილეობის წინააღმდეგ. გვიანი შუასაუკუნეებისდროინდელი კონცეფციის — „წოდებათა სახელმწიფოს“ — იდეაში ნაგულისხმევი პარამონია ერთის მხრივ მთავრის ინტერესთა და მეორეს მხრივ „ქვეყნის უდიდესთა და საუკეთესოთა“ ინტერესთა შორის ამ დროისათვის დიდად ჩამოდნარი იყო მზარდი სოციალური დიფერენციაციის წყალობით და XVI საუკუნეში უკვე აღმსარებლობითი სხვადასხვაობის მსხვერპლად იყო გამხდარი. წოდებათა შესაძლებლობების დაყვანამ „რჩევისა და შემწიობის“ მიღებაზე ისინი გამოითიშა საკუთრივ სახელმწიფოს ნების ფორმირების პროცესიდან და ისინი, ფაქტობრივად, საზოგადოების ნაწილად ყოფნის სტატუსსადა ჩამოაქვეითა. წოდებათა თანხმობის პოზიციისა და მათი ვეტოს უფლების უარყოფამ მთავრისულ აბსოლუტიზმს თეორიული გამართლება მიანიჭა, მაგრამ, ამავე დროს, იმაზე იზრუნა, რომ ბატონობის პოლიტიკურ-ადმინისტრაციულ აპარატს მომავალში ლეგიტიმაციის მხოლოდ ერთი საფუძველი დარჩენოდა და თავისი სამოქმედო პროგრამები თვითონ განესაზღვრა. მისი წყალობით იყო, რომ 200 წლის შემდეგ შესაძლებელი გახდა, რომ სუვერენიტეტის ცნება დემოკრატიულ დოქტრინას გაუჭირებლად შეეტანა თავის შინაარსში. 2. სუვერენიტეტის მოძღვრების ცალკეული ელემენტების შემუშავებას ვერ კიდევ რომის სამართალში და სამუალო და გვიანი შუასაუკუნეების კურიალისტურსა და ლევისტურ თეორიებში ვხვდებით. თეორიულად გადაწყვეტი მნიშვნელობის ნაბიჯი, რომელმაც ამ მხრივ ყველა „წინამორბედებს“ გაუსწრო, იყო ყველა ამ ელემენტთა კომბინაცია და შემდგომი განვითარება პირწმინდად საერო მოძღვრებად სახელმწიფოს შესახებ, რომელმაც (ამ მოძღვრებამ) არსებული ევროპული საკონსტიტუციო სამართალი, წარსულისა და აწმყო ვითარების კო-

მბინაციით, სისტემად ჩამოაყალიბა (რაც მეთოდური სიახლე იყო) და თეორიული სპეკულაცია მსოფლიო-ისტორიულ დასაბუთებასთან შეაერთა. თანამედროვეები მამნივე მიხედნენ ამ ცნების მნიშვნელობას. იგი, მართალია, მხოლოდ თავისი პროგრამით აღასრულებდა, მაგრამ მაინც აღასრულებდა ახალი დროის მოთხოვნილებას. ეს სექლტანიანი ნაწარმოები მრავალ ენაზე და მრავალი გამოცემის სახით ევროპას მოედო. სუვერენიტეტის ცნება ევროპის სახელმწიფოთა ურთიერთობის პრაქტიკაში გავრცელდა 1648 წლის სამშვიდობო ხელშეკრულებათა დადების (ვესტფალიის ზავი. რედ.) შემდეგ და მას აქეთ განუყრელად უკავშირდება დამოუკიდებლობას გარეთკენ და „სრულ შემძლებლობას“ (summa potestas) შიგნითკენ. ფილოსოფიურად „სუვერენიტეტის“ ცნება ყველაზე მეტად პობსის „ლევიათანში“ (1651) გაიხარა. პობსი ბოდენისაგან სესხულობს „შერეული“ სახელმწიფოებრივი ფორმების უარყოფასაც, მასავით, მოაზრებულ სისტემას წმენდს სუვერენული ხელისუფლების ყოველგვარი შეზღუდვისაგან მოქმედი სამართლის მიერ, რომელზეც იურისტი ბოდენი ხელს ვერ აიდებდა (უგულებელსაყოფად ვერ გაიმიტებდა) და სუვერენული ბატონობის მოუგერიებლობას იმით ზრდის ხარისხობრივად, რომ საზოგადოებისა და სახელმწიფოს ურთიერთხელშეკრულების ისეთ კონსტრუქციას აგებს (იზრებს), რომლითაც სუვერენს თავისთავზე აღებული აქვს ყოველივე ინდივიდუალური ძალა და ამით დაუძლეველ (გადაულახავ) „sovereign power“-ს („სუვერენული ძალას“) ქმნის. ეს თეორიულ სამოქალაქო ომის ნაყოფი იყო, მაგრამ არა ლეგიტიმისტური აზროვნებით მიღებული. 3. სუვერენიტეტის შესახებ მოძღვრება განვითარება განაგრძობს სამი პუნქტის სახით. პირველი. ბოდენისა და ჰობსის მიერ აღიარებული შეუძლებლობა სახელმწიფოების „შერეული“ ფორმების განვილი კონსტიტუციური კამათების შემდეგ (რისაც ორსავე მთავროვნეს ემინოდა) ბრიტანეთის სახელმწიფო პრაქტიკაში გადაილ-



ანა იმით (გარეგნულად), რომ შე-
მოვიდა ფორმულირება „King in
the Parliament“ („მეფე პარლამენ-
ტი“): „ყველა სახელმწიფოში
არსებობს აბსოლუტური უზენაესი
ძალა, რომელსაც ეკუთვნის კანონმ-
დებლობის ძალაუფლება და რომ-
ლითაც, მოცემული სახელმწიფოს
კონსტიტუციით, აღჭურვილი არი-
ან მეფე, ლორდები და თემები. კონ-
ტინენტზე „მეფეული“ სახელმწი-
ფოებრივი ფორმების იდეა გადის
პუგო ვროციუსის ავტორიტეტის
წყალობით. XVIII საუკუნის სახ-
ელმწიფოს თეორიაში, რომელიც და-
ყარებულია ბუნებითი სამართლის
იდეაზე, ვერ კიდევ პოპსთან და
პუფენდორფთან არც თუ იშვიათად
განმეორებულ კონსტიტუციურ
ჩამონათვალს, თუ კერძოდ რა კონ-
სტიტუციები მოუღის სუვერენს, ენ-
აცვლება ერთადერთი, ყოვლისმომ-
ცველი სრული ძალის წარმოდგენა,
რომელიც ერთი და იგივე ყველა
სახელმწიფოში და რომელსაც
წოდებდა „potestas civilis“ (სამო-
ქალაქო შემდებლობა, ძალაუფლე-
ბა), „სახელმწიფოებრივი ბატონო-
ბა“, „საჯარო ხელისუფლება“. მისი
სპეციფიკური მასსაიათებელი თვისე-
ბაა „summum imperium“ (სრუ-
ლი ძალაუფლება), „maiestas
(უდიდებულებობა), „სუვერენიტეტი“,
„უზენაესი ძალა“ ან „უმაღლესი
ძალა“, რომელიც მხოლოდ მონარ-
ქიაში ხორციელდება, აღწერილი
ფორმით, მთავრის ცალკეული
უფლებამოსილებების ჩამოთვლის
გზით. სახელმწიფოს ბუნებითსამართ-
ლისეული თეორიის მიხედვით უზე-
ნაესი სახელმწიფო ხელისუფლება
წარმოდგენილია არა კონკრეტული
ბატონობითი უფლებამოსილებების
(„რეგალიების“) ჩამონათვალის სახ-
ით (რომლებიც ყველა ცალკეულ
შემთხვევაში საითთადად ჩამოთვლილ
უნდა იყვნენ), როგორც ამას ვხე-
დავდით გერმანული ტერიტორიებ-
ის „ქვეყნის უმაღლესობის“ და გერ-
მანელი კაიზერის შემთხვევაში,
არამედ იგი (ეს უზენაესი სახელმ-
წიფო ხელისუფლება) არის „უფლე-
ბა საკუთარი მოწონებისამებრ“ (ამ
ტერიტორიის) მოწყობისა, როგორც
და არა სახითაც ამას მოითხოვს
საზოგადოებრივი სიკეთე, აგრეთვე
იმ საშუალებათა არჩევისა, რომლი-
თაც უნდა განხორციელდეს სახ-
ელმწიფო განზრახვა, რასაც გან-
საზღვრავს და აწესრიგებს მხოლოდ
თვით მოცემული სახელმწიფოს წყ-
ობა (კონსტიტუცია). თუ XVII
საუკუნის აბსოლუტისტურ სა-
ფრანკეთში მხოლოდ სუვერენული
მონარქია მიჩნეული „სრულყოფილ
სუვერენიტეტად“, საიდანაც რიშე-
ლიეს გამოჰყავს არამონარქიულ სახ-
ელმწიფოებში ამ მონარქიის ინტერ-
ვენციის (ჩარევის) უფლება, პოპსის
„ბუნებითი სამართალზე“ აგებული
კონსტიტუცია სახელმწიფო ხელშე-
კრულებისა (ხელშეკრულებისმიერი
სახელმწიფოებრიობისა. რედ.) ამ
მიმართებას უკლებს ატრიალებს: მის-
თვის სუვერენული სახელმწიფო
ძალაუფლების მატარებელი არის
და ასეთადვე რჩება ამ ხელშე-
კრულების პარტნერი (ანუ ხალხი.
რედ.). თუ პუფენდორფს აქედან
გამოჰყავდა მხოლოდ ერთი დასკვნა
– წინააღმდეგობის უფლება, ლოკი
ხელშეკრულების დარღვევის ფაქტს
იყენებს იმისათვის, რომ რევოლუ-
ცია გაამართლოს, რადგან „უზენაე-
სი ძალაუფლება ხალხის მიერ დელე-
გირებული ძალაუფლებაა... იგი

ნებისმიერი (ნებისეული) ძალაუფლე-
ბაა, ნდობით მიღებული ძალაუფლე-
ბაა“. გასცდა რა კონკრეტულ საბა-
ზად გამოყენებას იაკობ II-ის გადა-
ყენებისათვის ინგლისში (1688),
ლოკის ეს მთავარი დებულება, თუმ-
ცა კი ვერ იმუშავა ინგლისში, გადა-
ეცა ამერიკის კონსტიტუციის მა-
მებს (ჯეფერსონი, მედისონი). ისინი
ავითარებენ ლოკისეულ „მნიშვნელო-
ბის“ კონსტიტუციას „ხალხის სუვე-
რენიტეტის“ ცნებად, რომელსაც
პირველად აფიქსირებენ ამერიკული
კონსტიტუციის პირველმონათხაზები
1776 წელს: „მაქსიმამ, რომ ყველა
მთავრობაში სამართლებრივად უნდა
არსებობდეს, სადაც, უზენაესი, სუვე-
რენული, აბსოლუტური და არა-
კონტროლირებადი ძალაუფლება
(power). მაგრამ ეს ძალაუფლება
ყოველთვის ხალხის კრებულშია
(კორპუსში, „სხეულში“)“. ვირჯი-
ნიის „უფლებათა ბილი“ (1776)
იწყება ფრაზით: „უფლებათა გაცხ-
ადება ვირჯინიის კარგი ხალხის
მიერ, რომელიც კეთდება მისი სუვე-
რენული ძალაუფლების განხორ-
ციელების პროცესში, რომელი
უფლებებიც მას და მის შთამომავ-
ლობას ეკუთვნის, როგორც ბაზისი
უფლებებისა“ (1789), ფრანგული „დ-
ამიანისა და მოქალაქის უფლებათა
დეკლარაციის“ მუხლის 3 დასკვნით
თუქტია: „ყოველივე სუვერენი-
ტეტის საწყისი („პრინციპი“) არ-
სებითად ერთი (ნაციონალი) დევს“. რუსოს
„საზოგადოებრივ ხელშე-
კრულებამ“ მეტი სწავილი შეიტანა
რევოლუციურ სულისკვეთებაში, ვი-
დრე განუსხვავებდად ხალხში მყოფი
სუვერენიტეტის პრაქტიკული
პრობლემის კონსტრუქციული დაუ-
ფლების საქმეში. სუვერენიტეტის
გაიგივება „საერთო ნებასთან“, რისი
შექმაც მდუმარე უმრავლესობასაც
ძალუმს („გამოუთქმელი თანხმობა
ნაგულისხმევია დემოკრატიაში“. რუსო)
იმას ნიშნავს, რომ აქ პირველყოფ-
ლისა განზრახულია უფლების ქედ-
ითობის („ძალაში ყოფნის“. რედ.)
თეორიის აგება დღემდე გაბატონებ-
ულ აზრთან დაპირისპირებაში, რომ
„კანონს ქნის ძალაუფლება, არა ჭეშ-
მარიტება“, წარმომადგენლობის აკრძა-
ლვას („სუვერენულობა ვერ იქნება
წარმოდგენილი იმავე მიზეზით, რომ-
ლითაც იგი ვერ იქნება გასხვავებ-
ული. იგი არსობრივად შედგება
საერთო ნებისაგან, ნება კი ვერ წარ-
მოიდგინება“) შეეყვარათ ჩიხში,
რადგან ამით, რუსოს მოძღვრების
შესაბამისად, დემოკრატიის შესაძლე-
ბლობათა არეალი მხოლოდ მცირე
სახელმწიფოებში შემოიფარგლება.
4. XIX საუკუნის დამდეგისათვის
სუვერენული ბატონობის ძალაუ-
ფლებით აღჭურვილი სახელმწიფოს
იდეა ისეა გაბატონებული ფილოსო-
ფიურ აზროვნებაშიც, რომ ძველი
გერმანული იმპერიის განსხვავებუ-
ლი წყობა „გაუგებარი გამხდარა“. აქ
უკვე საკითხი ეხება არა სუვე-
რენიტეტს საერთოდ (გარეთკენ და
შეგნითკენ სუვერენიტეტის გასხ-
ვავება აქ ჯეროვნად კეთდება), არამედ
ცენტრალური საკითხია თვით სახ-
ელმწიფოს ცნება (ფიზიკური, ჰეგელით,
შელინგით – მისი „ორგანიზმი“) და
სამართლის მეცნიერებაში –
სამინაო სუვერენიტეტის ლოკალი-
ზაცია კონსტიტუციური მონარქი-
ის სისტემაში, რომელსაც (ამ სუვე-
რენობას), „ვენის დასკვნითი აქტე-
ბის“ (1820) მუხლი 57, მიუხედა-
ვად ლანდების წოდებათა აუცილე-
ბელი თანამშრომლობისა კანონმდ-
ელობისა და მართვის სისტემის
დადგენის საქმეში, მაინც სახელმ-
წიფოს მეთაური მთავრის ხელში
ტოვებს. პირველად 1837 წელს კ.
ალბრეხტის მიერ მოხსენიებული,
ხოლო 1865 წლის აქტით საფ-
ოველთაოდ განზარებული გადაჭრა
ამ ამოცანისა სუვერენიტეტს ათა-
ვისებს სახელმწიფოში, როგორც თე-
ორიულ პირში: მთავარი და ხალხის
წარმომადგენლობა მხოლოდ „ორ-
განიობი“ არიან, რომელთაც კანონ-
ის მიერ დადგენილი თავ-თავისი
კომპეტენციები მოუღივ.

ფედერალური (bundes-
staatlich) კონსტიტუცია 1871
წლის გერმანიის იმპერიაში სუვე-
რენიტეტის იმპერიასა და ლანდებს
შორის განაწილების საკითხს აყ-
ენებს. განსაკუთრებით გაიღივების
მიერ ფორმულირებული გაბატონებ-
ული აზრი ისაა, რომ სუვერენიტე-
ტი განუყოფადია. იგი სუვერენი-
ტეტს იმპერიას (რაიხს) აკუთვნებს,
მაგრამ იმ მიზნით, რომ ლანდებს
სახელმწიფოებრივი ხასიათი შე-
უნარჩუნოს, სუვერენიტეტს აცხადებს
სახელმწიფო ხელისუფლების „არ-
ამოუცილებელ თვისებად“, რაც სპეცი-
ფიკურად გერმანული გზაა: იგი გა-
მოსადგავს მხოლოდ მოძღვრებისათვის
ფედერალური სახელმწიფოს შესახებ.
მაგრამ მას არ შეუძენია მნიშვნელობა
სახელმწიფოს თეორიისათვის საერ-
თოდ. იმის თეორიისპრუდენციულმა
მცდელობებმა, რომ სუვერენიტეტი,
როგორც სამართლებრივი წყობის
(სამართლებრივი წესრიგის) თვისება,
ხელმეტიად გამოეცხადებინათ, ან იგი
ასეთად ჩაეთვალიდა სახელმწიფოსა
და სამართლის გაიგივებისა და, ამგ-
ვარად, მასზე ძალა საერთაშორისო
სამართლის დაფუძნების გზით („სუვე-
რენიტეტის ცნება რადიკალურად
უნდა განიღვნოს“. ჰ. კელზენი), თეო-
რიულადაც უსაფუძვლო აღმოჩნდა.
სახელმწიფოსა და ნორმატიულად
გაგებული სამართლებრივი წყობის
კელზენისეული გაიგივების წინააღმ-
დეგ კამათით და თანადროული ის-
ტორიული გამოცდილების დამოწ-
მებით, როდესაც გერმანიის იმპერი-
ის პრეზიდენტის ებერტის დიქტა-
ტორული ნაბიჯი იქნა გამოყენებუ-
ლი რევოლუციური არეულობის
პირობებში, შმიტი ცდილობს „სა-
შინაო“ სუვერენიტეტი მოიხაროს
„გამონაკლისი დემოკრატიის“ მხრი-
დან, ანუ იმ შესაძლებლობის მხრი-
დან ხედვით, რომ შეჩერებულია აღ-
მასრულებელი ხელისუფლების
შემზღუდავი სამართლებრივი ნორმე-
ბის მოქმედება. მხოლოდ სა-
მართლისა და უფლების მისეული
დეკლარაციისეული გაგებიდან გამომ-
დინარე, – ან გაგებიდან, რომელიც
ყოველგვარ სამართლებრივ წყობას
განიხილავს, როგორც გადაწ-
ვეტილების შედეგს და არა უფლე-
ბათა ნორმატიულად განპირობებუ-
ლი დადგენილობისა) – არის
შესაძლებელი ამგვარი ნორმა, რომე-
იც, მისი აზრით, „მართებულად
გაითვალისწინებს სუვერენიტეტის
ცნებას, როგორც ზღვრულ ცნებას“. „სუვერენი არის ის, ვინც გადაწ-
ვეტილებებს იღებს გამონაკლისი
დემოკრატიის თაობაზე“.

5. გერმანიის საკონსტიტუციო
სამართალში გადატანილია 1919
წლის და 1949 წლის სახალხო
სუვერენიტეტი „(ყოველივე) სახ-
ელმწიფო ძალაუფლება ხალხიდან
მომდინარეობს“. (რაიხის კონსტი-
ტუცია, მუხლი 1, ძირითადი კანონი,
მუხლი 20). გაერომ ეს პრინციპი
თავში დაუყენა „საერთაშორისო
პაქტს მოქალაქეობრივი და პოლი-
ტიკური უფლებების შესახებ“
(1966). „ყველა ხალხს აქვს თე-
ვითგანსაზღვრის უფლება. ამ უფლებ-
ის ძალით ისინი თავისუფლად წყვეტ-
ენ თავის პოლიტიკურ სტატუსს
და თავისუფლად აყალიბებენ თავის
სამეურნეო, სოციალურსა და კულ-
ტურულ განვითარებას“. სახალხო
სუვერენიტეტი სამართლებრივად
კონსტრუირებადია მხოლოდ იმ სა-
შუალებით, რომ განავსხვავოთ, ერ-
თის მხრივ, სუვერენული, საკუთარი
პოლიტიკური სტატუსის, ანუ თავისი
კონსტიტუციის შესახებ თავისი
„pouvoir constituant“-ით („დამ-
ფუძნებელი ძალა“) თავისუფალი
გადაწყვეტილების მიძღვნი ხალხი
(ერი, Nation) და, მეორე მხრივ,
„სახელმწიფოს ხალხი“
(Staatvolk), რომელიც არჩევნებსა
და რეფერენდუმებში ისევე როგორც
სხვა სახელმწიფო ორგანოებში,
როგორც pouvoir constitue
(დაფუძნებული ძალაუფლება), თავის
სახელმწიფო ძალაუფლებას ახორ-
ციელებს და კონსტიტუციური წეს-
რიგის შეგნით რჩება. პარლამენტი,
აღმასრულებელი ხელისუფლება და
სასამართლო არ არიან სუვერენული,
მაგრამ „trusteeship“-ში (ნდობით
მიმართებაში) სუვერენულ, სახელ-
ლობრ, ცალმხრივად დამავალდე-
ბულებულ სახელმწიფო ძალაუფლე-
ბას ახორციელებენ.

6. XX საუკუნის საერთაშორისო
სამართალში საგარეო და საშინაო
სუვერენიტეტი არის აუცილებელი
პირობა, რომ ესა თუ ის ერთეული
(ერთობლიობა Gemeinwesen)
აღიარებული იქნას სახელმწიფოდ
და საერთაშორისო სამართლებრივი
უფლებებისა და მოვალეობების სუბ-
იექტად, აგრეთვე პირობა მიღებისა
საერთაშორისო ორგანიზაციებში:
გაერო ემყარება „ყველა მის წევრ-
თა სუვერენულ თანასწორობას“
(მუხლი 2, აბზ.1). ხელშეკრულება
„2+4“ (1990) ადგენს, რომ „გაერო-
თანაბრებულ გერმანიას აქვს, შესაბამ-
ისად, სუვერენიტეტი თავის საში-
ნაო და საგარეო საკითხებზე“. სა-
გარეო სუვერენიტეტი არ გამო-
იცხავს ბმულობას საერთაშორისო
სამართალზე და მისეულ ხელშე-
კრულებებზე. იგი დამყარებულია
ხალხის სახელმწიფოებრივ გადაწ-
ვეტილებაზე, მაგრამ იგი, როგორც
ამას აღნიშნავდა ბოლენი, წინ-
ამძღვრად გულისხმობს ბრძანების
თავისუფლებას და სხვა სახელმწი-
ფოთა მხრიდან მის წინააღმდეგ ჩარე-
ვის აკრძალვას. აღმოსავლეთი
ბლოკის სახელმწიფოებს მოსკოვის
მიმართ მხოლოდ მოჩვენებითი სუვე-
რენიტეტი ჰქონდათ, რაც გამოჩნდა
გერმანიაში (1953) და ჩეხოსლოვა-
კიაში (1968), როცა წითელმა არმიამ
ჩაახშო სუვერენიტეტის მოპოვების
მცდელობა არა მხოლოდ ხალხის
მხრიდან, არამედ სახელმწიფო ორ-
განოთა მხრიდანაც. 1968 წელს
ბრეჟნევის მიერ გაცხადებული
მოდერნად აღმოსავლეთის ბლოკის
სახელმწიფოთა „შეზღუდული სუ-
ვერენიტეტის“ შესახებ იყო პრე-
ტენზიის გაცხადება ინტერვენციის
უფლების განხილვის შემთხვევაში.
სკეპსისი და პოლემიკა სახელმ-
წიფო სუვერენიტეტის წინააღმდეგ
XX საუკუნის მეორე ნახევარში
ობერირებს „მსოფლიო საზოგადოე-
ბისა“ და „ჰუმანიტარული ინტერ-
ვენციის“ აუცილებლობის ცნებით.

რედაქციისაბან. როგორც
ვხედავთ, „სუვერენიტეტის“ ცნება
დღესაც, ისევე როგორც საუკუნეთა
მანძილზე, უცვლელი ყოფილა: სუვე-
რენიტეტი არის დამოუკიდებლობა
გარეთკენ და უზენაესობა თავისი
ტერიტორიის შეგნით. ის, ვინც სუ-
ვერენულია, დამოუკიდებელია.
საქართველოს დღევანდელი ხელისუ-
ფლება რომ პირწმინდად მოკლებუ-
ლი არ იყოს სამართლებრივ
აზროვნებას, მას ისიც ეკიდებოდა,
რომ სუვერენიტეტის, როგორც რე-
ალური მოვლენის, დღეს ორი მიმა-
როულებით კვდა (რეალური კვდა,
და არა მისი იურიდიული შინაარ-
სის ცვლა) ეხება მხოლოდ ორ
სფეროს. პირველი. სახელმწიფო-
თა ერთი ვჯუფი, სახელდობრ, ვერო-
პელობა, რომელთაც თავისი ვერო-
პელობა ძალიან უღირთ, აერთიანებენ
თავის ძალისხმევას და თავის უფლე-
ბამოსილებებს ვეროპის გარე ძალებით
ან ურთიერთობაში თავისი ქედუნარ-
იანობის გაზრდის მიზნით. ეს არ
ნიშნავს, რომ იგივე მოხდება – ან
შეიძლება მოხდეს, ან, მით უმეტეს,
უნდა მოხდეს სხვაგან (არც მოხდე-
ბა, რადგან დღესდღეობით მსოფლიო-
ში არავინაა სხვა, რომ თავისი
კონტინენტის ნაწილად ყოფნა ისე
უღირდეს და ისეთ რეალურ უპი-
რატესობებს აძლევდეს, როგორც
ვეროპელებს ვეროპელობა აძლევთ).
მეორე. სუვერენიტეტი იკვცება
იმ მხრივ, რომ რაგინდარა ძლიერ
სახელმწიფოს ეკრძალებს, მის მიერ
ხელმოწერილ საერთაშორისო კონ-
ვენციების ძალით, მთელი რიგი
არადემოკრატიული და არაჰუმან-
ური ქმედებების განხორციელება,
რომელიც ჩამონათვალი განუხრავლად
იზრდება. შესაბამისად, ეს სიახლე
ზღუდავს (ზღუდავს მხოლოდ ცუდ
საქმეებში, და არა კარგში, როგორც
საკუთარი სახელმწიფოს გან-
მტკიცება) მხოლოდ იმ ერებს,
რომელთაც თავისი სახელმწიფო
აქვთ და მასში უმრავლესობა არიან,
მაგრამ არა ეროვნულ უმცირესობებს,
რომლებსაც სუვერენიტეტი უნდათ
და მის მოსაპოვებლად მოქმედებენ.
ასე რომ აფხაზეთის (ისიც – აფხ-
აზეთის, როგორც მხოლოდ აფ-
ხუა „აფხაზი“) ხალხის ქვეყნის,
რაც ზემონსენებულ დოკუმენტებში
ლაიტიმოტივია) მოხსენიება
„სუვერენულ“ ერთეულად ცალ-
სახად ნიშნავს მისი საქართველო-
დან გამოყოფის, როგორც იურიდი-
ული ფაქტის, აღიარებას.

აფხაზი თავადები თავიანთ საგოგლოდ საქართველოს მიიჩნევენ!

ძვერით გთავაზობთ აფხაზი თავადების მიერ რუსი დიდგვაროვანებისადმი მიწერილ წერილს, რომელიც ახსენებს პარბაღ ჩანს, რომ აფხაზი თავადებმა უკვე საპარტიო-პოლიტიკური ისეთივე პარტიულად გრძობადა თავს, როგორც ჩვენი სხვა კუთხის წარმომადგენელი.

ამ წერილის დაწერილან საუკუნე გავიდა და რუსმა აფხაზებმა დაჰყარეს მათი მონაწილეობა აფხაზების ჩვენივე მტრებად იქცია.

ძვერით წარმოგადგინოთ წერილი ახლა, სამწუხაროდ, მხოლოდ ისტორიული ღირებულება აქვს. ღმერთმა ძანა, ერთ-ერთ აფხაზისთვის შეინახა გული და თავისი ნაგვარი ვინაობა შეინახა.

მოსხენებითი ბარათი მის ბრწყინვალეობას, გენერალ-ადიუტანტს, თავად სვიატოპოლკ-მირსკის, წოდებრივ და საადგილმამულო საქმეთა ტფილისის კომიტეტის თავმჯდომარეს!

აფხაზეთისა და სამურზაყანოს თავადზნაურობისაგან 1870 წლის 23 მარტი

მისმა იმპერატორობითმა უდიდებულესობამ, ჩვენმა ყოველდღიურად ხელმწიფემ, მამობრივი ზრუნვით თავისი ერთგული ქვეშევრდომების კეთილდღეობაზე, ბრძანა უშუალო რუსული მმართველობა შემოეღოთ აფხაზეთში, რითაც შესაძლებლობა მიანიჭა აფხაზეთის მკვიდრთა უნივერსალური მმართველობის დროისთვის ჩვეულებრივ შიშისა და ხიჯათის გარეშე მისდინოთ თავიანთ საქმიანობას და მშვიდად იცხოვრონ კანონებისა და წესრიგის საფარველ ქვეშ.

ამ მოწყობების დღეებიდან არ დაკმაყოფილდა და ხელმწიფე იმპერატორმა კეთილად იხილა აფხაზეთზე გაეგრძელებინა 1861 წლის 19 თებერვლის კეთილმყოფელი რეფორმა, უკვე ამოქმედებული იმპერიის სხვა ნაწილებში და ამიერკავკასიაში.

ამ მიზნით უზენაესად დამტკიცდა სოხუმის წოდებრივი და საადგილმამულო კომისია, შემდგომ კი ტფილისის კომიტეტიც თქვენი ბრწყინვალეობის თავმჯდომარეობით. მართალია, სოხუმის წოდებრივმა და საადგილმამულო კომისიამ უკვე დაამთავრა დავალების შესრულება და თავისი მოსაზრებებიც წარუდგინა ტფილისის კომიტეტს, მაგრამ ამ უკანასკნელმა, სანამ რაიმე გადაწყვეტილება და საბოლოო დასკვნას გამოიტანდა, საჭიროდ ჩათვალა უფროსობის განკარგულებით საგანგებო გამოკითხვით შეემოწმებინა კომისიის დასკვნები ამ საქმისთვის აფხაზეთის მკვიდრთა ყველა წოდებისაგან არჩეულ დეპუტატთა შორის. უფროსობის ბრძანებით შეკრებილმა აფხაზეთის თავადზნაურობამ პატივი დაგვიდა და თავის წარმომადგენლებად ჩვენ ამოგვირჩია, დაგვავალა რა მათი საჭიროებანი და ინტერესები გადმოგვეცა კომიტეტში გადასაცემად საკითხთან დაკავშირებით.

დიდად ვაფასებთ რა მთავრობის ასეთ ნდობას ხალხისადმი და სავსებით გვეხმარება რა თანამომხმობა ჩვენზე დაკისრებული დავალების მნიშვნელობა, ჩვენ გადავწყვიტეთ საგანგებო მოხსენებით ბარათში გადმოგვეცა ყოფილი აფხაზეთის სამთავროსა და სამურზაყანოს თავადზნაურობის წოდებრივი და საადგილმამულო უფლებანი, რათა ნათელგვეყო აფხაზეთის მკვიდრთა ცხოვრების პირობები.

ძველთაგანვე აფხაზეთი ყოფილი საქართველოს სამეფოს ნაწილს შეადგენდა. ქართველ მეფეთა უკანასკნელი დინასტიაც აფხაზური დინასტიაა. ბიჭვინ-


თის უძველესი ტაძარიც რამდენიმე საუკუნის მანძილზე აფხაზეთს და ქართველთა კათოლიკოსების საკათედრო ტაძარი იყო. სულ უკანასკნელ დრომდე აფხაზეთში ჰყვოდა დრონი, მოქვისა და ბედიის საეპისკოპოსოები. ბედიის ტაძარი, აგებული აფხაზური დინასტიის პირველი ქართველი მეფის — ბაგრატის მიერ, თავის წიაღში ივარავს ამ სახელმწიფოებრივი მამულების ნიშნებს. მოქვის ტაძარი კი აგებულია ქართველთა და აფხაზეთის მეფის დავით აღმაშენებლის მიერ. აფხაზ ხალხსაც უკანასკნელ დრომდე საქართველოსთან, სამეგრელოსთან და იმერეთთან საერთო სარწმუნოება, ჩვეულებები თუ კანონები ჰქონდა და თუკი ქრისტიანული სარწმუნოება აფხაზეთში მნიშვნელოვნად შესუსტდა მუსლიმური უღლისა და სხვადასხვა არეულობათა ზეგავლენით, მაინც მისი უფკველი კვალი შენარჩუნებულია აფხაზ ხალხის ცხოვრებაში, რომელიც, მართალია, ასრულდა ზოგიერთ მუსლიმურ თუ წარმართულ წეს-ჩვეულებას, მაგრამ, ამჟამად დროს მას არასოდეს შეუწყვეტია მთავარი ქრისტიანული დღესასწაულების აღნიშვნა და ქრისტეს ბრწყინვალე აღდგომის დღესაც ყველანი ერთმანეთს უძღვნიან კრებებსა და ნითლად შეღებილ კვერცხებს. აფხაზეთის მთავართა მთელი წამებინაც, რომელნიც გამოეყენეს საქართველოს ამ უკანასკნელის საბატონობად დაყოფის შემდეგ, მხოლოდ ორნი — ზურაბ-ბეი და მისი ძმისწული ქელეშ აჰმად-ბეი აღიარებდნენ მუსლიმთა რელიგიას — პირველი იმიტომ, რომ სიტაბუქეშივე წაიყვანეს თურქეთში, მეორე კი იმ მიზეზით, რომ თურქეთში დაიბადა და იქვე აღიზარდა. ყველა დანარჩენი მთავარი კი აფხაზეთისა ქრისტიანი იყო. ქართველ მეფეებს არასოდეს არ გამოუჩინებიათ აფხაზეთი დიდი ქართული ოჯახისა და თავისი არსებობის მიჯნად მანძილზე — როგორც სამეფოს გაყოფამდე, ასევე შემდგომაც, უკანასკნელ დრომდეც ინოვაციულად მთავრებდა ქართველთა, აფხაზთა, იმერთა და კახთა. როცა გასული საუკუნის დასაწყისში საქართველოს მეფემ ვახტანგ VI-მ კანონთა კრებულის შედგენა დაიწყო და ყოფილი საქართველოს სამეფოს ყველა პროვინციიდან წარმომადგენლებს იწვევდა ამ საქმეში თანადგომისათვის, მან აფხაზეთიდანაც მოიწვია დეპუტატები, სადაც უკანასკნელ დრომდე შენარჩუნებული იყო უძველესი ქართული ჩვეულებები. აფხაზეთი რომ საქართველოს ეკუთვნის, ამის დამადასტურებელი არანაკლებ მნიშვნელოვან საბუთად, გარდა ქრისტიანული ტაძრებისა და წეს-ჩვეულებებისა, გამოდგება სხვადასხვა საერო თუ სამხედრო ნაგებობათა ნანგრევებიც. ასე, მაგალითად, ჰპირსათას ხეობის ცნობილი ციხე-კოშკები, უადმო-

ცემით, აგებულია საქართველოს დიდებული მეფის თამარის მიერ. კელასურის ქეთიკირის გალავანი აშენებულია ვამეხ დადიანის მიერ; ციხე-სიმაგრეები აშტუვაში, ოცარცასა და მრავალ სხვა სოფელში, თუმცა კი ცნობილი არ არის, ვისი აგებულია, მაგრამ ზედმიწევნით ჰგავს სამეგრელოში მდებარე ასეთივე ციხე-სიმაგრეებს. თქვენს ბრწყინვალეობას ვთხოვთ იმასაც მიუძღვოდეს ყურადღება, რომ ძველ დროშიც და ამჟამაცაც საცხოვრებლები, შესამოსელი, საზრდო, მინათმჭედეების იარაღები, სოფლის მეურნეობის გაძლიერების წესი სრულიად იგივე იყო და არის აფხაზეთში, რაც სამეგრელოშია. ადგილებსაც უმეტესწილად ქართული სახელწოდებანი აქვთ. მცხოვრებთა უდიდესი ნაწილიც თავის მეგრულ თუ ქართულ წარმომავლობას აღიარებს და ბევრს თავიანთი ქართული და მეგრული გვარებიც კი აქვს შენარჩუნებული. მხოლოდ ერთ რამ საქართველოდან გამოყოფილად მივიჩნევდეთ აფხაზეთს — აფხაზური ენა, მაგრამ მასშიც სანახევრად მეგრული და ქართული სიტყვებს ვხვდებით, ხშირად ძალზე შეცვლილთაც, თუმცა არც ისე, რომ ძნელი იყოს მათი თავდაპირველი მეგრული თუ ქართული ძირის მოძიება. მაგალითად, „ათავად“ — ქართული „თავადია“, „აკამბაშ“ — „კამბეჩი“, „აძამ“ — „ჯამი“ და სხვა. მეორეს მხრივ, ენათა სხვაობა ბევრს არაფერს ნიშნავს, რადგან რუსეთშიც ბევრა არა-რუსულ ენაზე მოლაპარაკებენ, რომლებიც სასესიებით ემორჩილებიან რუსულ კანონებს და უკვე დიდი ხანია რუსული წეს-ჩვეულებების მიხედვით ცხოვრობენ. საქართველოს სამეფოს საზღვრებშიც, ბორჩალოში, ქართველ მემამულეთა უკანასკნელ დრომდე ჰყავდათ ყმა-გლეხებად ყარაუღახები — თათრული წარმოშობისა და მუსლიმური რელიგიის მალაი-არბული ადამიანები, რომელნიც თავიანთ ყოფა-ცხოვრებაში შარიათის კანონებით ხელმძღვანელობდნენ, მაგრამ, მიუხედავად ამისა, მთავრობამ საჭიროდ ჩათვალა მათ მიმართაც ის დადავინებანი გამოეყენებინა, რასაც ქართველ ყმა-გლეხთა მიმართ იყენებდა. ჩვენ ვერ ვიტყვი, რომ აფხაზეთში როდისმე ოფიციალურად ყოფილიყო სემონებული ვახტანგ მეფის კანონები, მაგრამ ის კი უდავოა, რომ თვით ეს კანონები წარმოადგენენ მხოლოდ წერილობით სისტემატიზებულ ფორმას ჩვენს წეს-ჩვეულებების, რომლებიც საერთო გვაქვს ქართველთა, მეგრულთა, იმერულთა თუ გურულთა, და რომ ეს წერილობითი კანონები შედგენილი იქნა ვახტანგ მეფის უშუალოდ ხელმძღვანელობით საქართველოს სამეფოს ყველა დასახლებული მხარის დეპუტატთა მიერ, რომელთა შორის აფხაზეთის წარმომადგენლებიც იყვნენ. ყოველივე ზემოთქმულიდან თქვენი ბრწყინვალეობისთვის ცხადი უნდა შეიქმნას, რომ აფხაზეთში შეუძლებელია სხვა სამოქალაქო წყობილება ყოფილიყო განსხვავებული იმისაგან, რაც ყოველთვის არსებობდა ქრისტიანული ამიერკავკასიის დანარჩენ ნაწილში. ამიტომ ჩვენ წოდებრივი და საადგილმამულო უფლებები იგივე იყო, რაც საქართველოში, სამეგრელოში, იმერეთში თუ გურიაში, სულ უმნიშვნელო თავისებურებებით, რომლებიც წარმოშობილი იყო

ადგილობრივი, ოდენ ეკონომიკური პრობებით და არ აღემატებოდა საქართველოს სხვა მხარეებს, მაგალითად, ქართლსა და იმერეთს შორის არსებულ განსხვავებებს. ეს განსხვავებანი საკითხს შეიძლება წებოდეს და არამც და არამც არ არღვევდეს მთლიანობაში იმ სრულ მსგავსებას, რაც აფხაზეთს ჰქონდა ქართველ მეფეთა მფლობელობაში შენახულ ყველა სხვა მხარესთან. როგორც ეს უკანასკნელ დრომდე სამეგრელოში იყო, აფხაზეთისა და სამურზაყანოს ყველა მცხოვრებიც ნოდებრივი უფლებების მიხედვით შეიძლება დაიყოს თავადებად, აზნაურებად, გლეხებად და სამხედრო ტყვეებად (მოჯალაბეებად). ქონებრივი უფლებების მიხედვით აფხაზეთი განიყოფიან შემამულეებად, გლეხებად და ტყვეებად. გარდა ამისა, აფხაზეთში არსებობს (არა როგორც ცალკე წოდება) საკმაოდ მრავალრიცხოვანი კლასიც მასებისა, ანუ სხვადასხვა წოდების პირთა, რომელნიც სტუმრებივით ცხოვრობენ სხვათა სამამული მიწებზე. ასეთ პირთ საქართველოსა და სამეგრელოში ხიზნებს უწოდებენ. ასეთია აფხაზეთის ყველა მცხოვრებთა უფლებები და მდგომარეობა. მთელი აფხაზ ხალხის სათავეში იდგა აფხაზეთის მთავარი, უძველესი ქართული გვარის — შერვაშიძეთა წარმომადგენელი. ყველა სხვა ქართველ მთავართა მსგავსად, რომელნიც საქართველოს სამეფოს გაყოფის შემდეგ დამოუკიდებელი შეიქმნენ, ხელთ ეჭრა უშუალოდ პოლიტიკური და სამოქალაქო ძალაუფლება მთელს აფხაზ ხალხზე, თავდაზნაურთა გამოუკლებელი და აგრეთვე სამემამულეო ხელმწიფეობაც დასახლებულ თუ დაუსახლებელ მამულეებზე, რომლებიც პირადად მას ეკუთვნოდა როგორც მემამულეს, ანუ ყველა ის აფხაზური მიწა-წყალი, რომლებიც არ ეკუთვნოდათ დანარჩენ მემამულეებს — თავადებსა და აზნაურებს. მასზე ერთი საფუძვლით დაბლა მდგომი იყვნენ საბატონო (სახასო, საუფლისწულო) თავადები, ანუ ისინი თავად შერვაშიძეთაგან რომელთაც მთავართაგან საკუთრებაში ჰქონდათ ნაწყალობევი სამფლობელოები. ეს საბატონო თავადები, ქართველი საუფლისწულო თავადების მსგავსად, თავიანთი სამფლობელოების საზღვრებში იყვნენ და მათი პოლიტიკური, სამოქალაქო და სამემამულეო უფლებებით აღჭურვილნი იყო აფხაზეთის სხვა, ამა თუ იმ ნაწილის მფლობელი, ვინც უშუალოდ განაგებდა თავის საბატონოს და მათი კავშირი აფხაზეთის მთავართან მდგომარეობდა მხოლოდ იმში, რომ ისინი ვალდებული იყვნენ პატივი ეცათ მთავარისათვის, დამორჩილებოდნენ მას როგორც თავიანთ უფროს ძმას და ყოველმხრივ შესწავლიდნენ მას ომში. მთავარსა და საბატონო თავადებს, ვითარცა მემამულეებს, თავიანთ დასახლებულ და დაუსახლებელ მამულეებში ისეთივე უფლებები ჰქონდათ, რაც დანარჩენ მემამულეებს. ამ უფლებებს ქვემოთ განვიმარტავთ. თავადები და აზნაურები წოდებრივი უფლებების მხრივ მცირედ განსხვავდებოდნენ ერთმანეთისაგან. მთელი განსხვავება, როგორც საქართველოში, აქაც იმაში მდგომარეობდა, რომ, ვერ ერთი, თავადის სისხლისათვის უფრო მეტი საზღაური

იყო მისაგები, ვიდრე აზნაურის სისხლისათვის, და, მეორეს მხრივ, თავადებს უფლება ჰქონდათ მფლობელობაში ჰყოლოდათ ენ. სათავადო აზნაურები, რომელნიც თავადთა მამულებში ცხოვრობდნენ. აზნაურებს კი უფლება ეძლეოდათ მხოლოდ გლეხები და ტყვეები (მოჯალაბენი) ჰყოლოდათ, რომლებიც მათს საზნაურო მამულებში ცხოვრობდნენ. თავადებისა და აზნაურების სამემამულიო უფლებები სრულიად ერთნაირი იყო და ამიტომ შემდგომში ერთადვე საერთო სახელწოდებით — მემამულეებად მოვიხსენიებთ. მემამულეები სრული საქუთრების უფლებით, თითოეული თავ-თავის ცოცხალი მიჯნებით დადგენილ საზღვრებში, ფლობდა გლეხებს (აფხაზურად — „ანსაე“), სახნავ-სათეს და საძოვარ მიწებს, ბაღ-ვენახებს, ტყეებს და წყლებს. აფხაზეთში რუსეთის მმართველობის შემოღების დროიდან მოყოლებული, განსაკუთრებით კი სოხუმის წოდებრივ-საადგილმამულო კომისიის დაფუძნების შემდეგ, გლეხები გაიძახიან, თითქოს მთელი მიწა-წყალი მემამულეებს კი არა, სწორედ მათ, გლეხებს ეკუთვნოდეთ იმის გამო, რომ ისინი მემამულეებზე ადრე დასახლებულან ამ მიწა-წყალზე, მემამულეები კი შემდგომში გამოჩნდნენ და მხოლოდ ძალის გამოყენებით უიძულებით გლეხები მათთვის ემსახურათ და ძალიანვე მიუტაცნიათ მთელი მიწა-წყალი. მაგრამ გლეხების ამ მოქცევა არაა მნიშვნელოვანი მნიშვნელობა არ შეიძლება ჰქონდეს უკვე იმიტომ, რომ მთელს ქვეყნებზე თავდაპირველად ყველანი მხოლოდ გლეხები თუ თავისუფალი ადამიანები იყვნენ, მემამულეები კი მოგვიანებით გაჩნდნენ, თუმცა, რაგვარადაც და რა დროსაც არ უნდა გაჩენილიყვნენ მემამულეები, გლეხებიც უარყოფენ მემამულეთა არსებობის ფაქტს აფხაზეთში უსხოვარი დროიდან, ამასთან ყველა იმ უფლებებით, ამჟამადაც რომ აქვთ მათ. თუკი ეს ფაქტი თავდაპირველად მართლაც ძალადობის შედეგი იყო, იგი სხვა ქვეყნებშიც ასევე ძალადობის ნაყოფი უნდა ყოფილიყო, და ეს ძალადობა სტერილური წამთასვლის შედეგად კანონით დამკვიდრებულ უფლებად გადაიქცა, რომელიც აღიარებულ იქნა არა მხოლოდ საქართველოს მთავრობის მიერ, სადაც, ისევე, როგორც აფხაზეთში, იგი ვერ კიდევ ქრისტეს შობამდე არსებობდა, არამედ თვით რუსეთშიც კი, სადაც ბატონყმობის უფლება განტოებით უფრო მოგვიანებით გაჩნდა. ამრიგად, მემამულეთა უფლება ყმა-გლეხთა ფლობისა, უძველესი დროიდანვე, საუკუნეთა განმავლობაში დამკვიდრებული და მთავრობის მიერ აღიარებული იმპერიის დანარჩენ ნაწილებში ვერ იქნება სამართლიანად უარყოფილი აფხაზეთშიც. გლეხების ურთიერთობაზე თავიანთი მემამულეები-ადამი ქვემოთ ვიტყვი, როცა გლეხობაზე ვისაუბრებთ.

მიწა-წყალს მემამულენი საკუთრების სრული უფლებით ფლობდნენ. ეს იმით მტკიცდება, რომ აფხაზი მემამულეები, ქართველთა მსგავსად, აქრავდნენ თავიანთ საძოვარ ადგილებს და მუშაობის იღებდნენ საქონელს მეზობლონების ურთიერთშეთანხმებით; რომ მემამულენი არცთუ იშვიათად ერთმანეთსაც მიჰყიდდნენ მიწებს და მემკვიდრეობით — შთამომავლობით სარგებლობაში იძ-



ლეონენ და ახლაც იძლევიან მინის ნაკვეთებს, როგორც თავიანთ საკუთარ ყმა-გლეხებსა და ტყვეებს, ასევე მათი მფარველობის ქვეშ მოსულ სხვადასხვა წოდების სტუმრებს (აფხაზურად — ასასებს, ქართულად — ხიზნებს) და ტყესაც ჩეხავდნენ და განაჰყიდდნენ. ამის დასადასტურებლად წარმოვადგინოთ რამდენიმე მაგალითი.

1. მინა-წყლის შესყიდვის, გაყიდვის და ჩუქების მაგალითები:

ა) აფხაზეთის მთავარმა მიხეილ შერვაშიძემ ბზიფის ოლქში შეისყიდა თავად ემუხვარის მამულები ყმა-გლეხებითურთ, მინა-წყლითა და ტყითურთ და საჩუქრად უბოძა ისინი 1847 წელს გენერალ-მაიორ კაცო მარგანის;

ბ) აფხაზეთის მთავარმა ქელეს-ბეიმ, თავისი ძის საფარ-ბეის აღზრდისთვის, საჩუქრად უბოძა აზნაურ ბეიან მარგანის ორი სოფელი — ემირსვა და აბალოუ აგირი მინა-წყლითა და ყმა-გლეხებითურთ;

გ) აზნაურმა ჯოგერია ლაკ-ერბამ ასევე აზნაურ ბეიან მარგანის მიჰყიდა მინა-წყალი და ყმა-გლეხები დაბა სოფელ მუ-გუძირსვანში;

დ) თავადმა ანჩაბაძემ მთავარ საფარ-ბეის მიჰყიდა თავისი მამულის ნაწილი ფოკვეშიში და მთელი მამული ოჩამჩირეში;

ე) თავადმა ანჩაბაძეებმა აზნაურ ჩახმეტ ეშბას საჩუქრად უბოძეს მინა-წყლის ნაწილი თავიანთ მამულ ტყეფარჩელში (შემდეგ ჩახმეტმა ამ მინაზე ათი კომლი დაასახლა თავისი ყმა-გლეხთადას);

ვ) თავადმა თლაშ მარშანიმ 350 მანეთად მიჰყიდა საბოსახლო ადგილი და ბალი გლეხებს ელკანსა და ჩხატუ ქაბას;

ზ) თავადმა უტა შერვაშიძემ 60 წლის წინათ თავად ლომკაც ემუხვარს აჩუქა სოფელი ქაფში-იქითი მინა-წყლითა და ყმა-გლეხებით;

თ) თავადებმა ბუტუ და ალმასხან შერვაშიძეებმა სამეგრელოს მთავარ ლევან დადიანს მიჰყიდეს მინა-წყლის პირას იმ ადგილას, რომელსაც ოცარ-ცას უწოდებდნენ;

ი) წარჩინის თავადმა ანჩაბაძემ 1867 წელს თავადებს ბათა და კაცო ემუხვარებს მიჰყიდა მინა-წყალი სოფელ ესკედაში, რის შესახებაც საბუთი იქნა წარდგენილი სოხუმის წოდებრივ-საადგილმამულო კომისიაში;

კ) ჯიქეთის თავადებმა ცანბავეებმა ბზიფის თავადებს ინალიფებს სისხლის საზღაურის ანგარიშში მიჰყიდეს ტყე მდინარე ბზიფის მარჯვენა ნაპირას.

აფხაზ მემამულეთა მიერ მინა-წყლის გაყიდვის მსგავსი მაგალითები კიდევ ბევრი შეგვძლიარ ჩამოგვეთავალო, მაგრამ რაც მოვიხსენიეთ, ისიც საკმარისია.

II. მემამულეთა მიერ ხე-ტყის გაყიდვის მაგალითები:

ა) 1850 თუ 1851 წელს გენერალ-მაიორმა კაცო მარგანიმ ბზის ტყე მიჰყიდა მოსაჭრელად სოხუმელ ვაჭარს სიმონ პერსოპულოს;

ბ) თავადებმა ინალიფებმა ასევე ბზის ტყე მიჰყიდეს მოსაჭრელად თურქ აჯას ისმაილს, რომელიც ამჟამად გუდაუთაში ცხოვრობს, და სოხუმში მცხოვრებ ბერძენს ბენდელ ჩურბაჯის;

გ) აზნაურმა ქვაჯა მარგანიმ მუხის ხე-ტყე მიჰყიდა ამერიკელებს ტრავერზებისათვის;

დ) თავადმა ბოლსუხუ ემუხვარმა (თვად ბათა ემუხვარის მამამ) ბზის ხე-ტყე მიჰყიდა

რედუტკალელ ვაჭარს ვგერინოს; ე) ოჩამჩირელი თურქი ჰაჯი ჰუსეინი ცაცხვის ტყეს ყიდულობდა მოსაჭრელად მდინარე ბზიფის მარჯვენა სანაპიროზე თავად ინა-ლიფასაგან (ჰაჯი ჰუსეინი ამჟამად სოხუმში ცხოვრობს).

გლეხები აფხაზეთში მანამდე არასოდეს არ ყოფილან თავისუფალნი. მხოლოდ უშუალო რუსული მმართველობის შემოღების დროიდან გლეხებმა (აფხაზურად — „ანავი“) თავის გამოსყიდვა იწყეს მიწითურთ ან უმიწოდ, რათა გათავისუფლებულიყვნენ. ასე მაგალითად, მხოლოდ სამურზაყანოში უკანასკნელ წლებში ათასამდე გლეხის კომლა გამოსყიდა თავი. მრავალმა ყმა-გლეხმა გამოისყიდა თავი აფხაზეთის სხვა ნაწილებშიც. მათი და ზოგიერთი სხვა ყმა-გლეხის გამოკლებით, რომელნიც თვით მემამულეებს გაუზატებიათ საკუთარი ნებით, ყველა სხვა გლეხი მემამულის კუთვნილებს. ყმა-გლეხი მთლიანად ეკუთვნის მემამულეს, რომელსაც უფლება ჰქონდა გაეყიდა იგი მიწით თუ უმიწოდ აყრიტ, ანდა საჩუქრად ებოძებინა ვინმესთვის. ყმა-გლეხის მოკვლის შემთხვევაში სისხლისთვის საზღაურის ნახევარი მემამულეს ეძლეოდა, ხოლო მოკვლის ნათესავნი მხოლოდ მეორე ნახევარს იღებდნენ; ყმა-გლეხის ასულს გათხოვებისას გასვლის საზღაური უნდა გადაეხადა მემამულისთვის (აფხაზურად — „ახშიბარ“, ქართულად — „ქალმანი“); მართალია, საკარმიდამო, საბაღე-სავენახე და სახნავ-სათესი მიწებით ყმა-გლეხი საშვილიშვილოდ სარგებლობდა, მაგრამ ეს მინა ყოველთვის მფლობელი მემამულის კუთვნილებად რჩებოდა. ამ შემთხვევაში გლეხს მხოლოდ მინაზე განუყოფი შრომა ეკუთვნოდა — ხეხლი, ვენახი, საკარმიდამო ნაგებობანი და დამუშავებული მიწისაგან მიღებული მოსავალი. ყმა-გლეხს მემკვიდრე მხოლოდ მისი ძე ანდა ღვიძლი ძმა შეიძლებოდა ყოფილიყო. ეს უკანასკნელიც მხოლოდ იმ შემთხვევაში, თუკი არ იყო გამყოფი ოჯახიდან და ცალკე გასული. ხოლო თუკი გარდაცვლილ ყმა-გლეხს არ ჰყავდა ძე, მაშინ მთელი მისი ქონება-სამკვიდრეული შერჩევითი (ქეფვისა სამართლით) უფლებით მემამულეს რჩებოდა, გარდაცვლილის ასულნი კი მემამულის სამსახურში დგებოდნენ მოახლეუბად, რომელიც მათ ათხოვებდა.

აი, მაგალითებიც იმისა, თუ როგორ ჰყიდდნენ და საჩუქრად უბოძებდნენ ხოლმე მემამულეები თავიანთ ყმა-გლეხებს მინა-ანად თუ უმიწოდ:

ა) გენერალ-მაიორმა კაცო მარგანიმ აზნაურ ჰუსეინ ბალხუს იფა ლაკერბასაგან 300 მანეთად იყიდა ყმა-გლეხი მაცი აგირბა (ეს ყმა-გლეხი გენერალ მარგანის ძემ პორუჩიკმა ტიტუმ მარგანიმ გაააზარა ხელმწიფე იმპერატორის გადარჩენის სახსოვრად მისი სიცოცხლის ავაზაკური ხელყოფისაგან);

ბ) აზნაურმა მურზაყან შარვან იფა მარგანიმ სოფელ ხუდაარში იმავე გენერალ კაცო მარგანის ორი კომლი ყმა-გლეხი მიჰყიდა, გვარად ზუხბები;

გ) თავადმა მიხეილ შერვაშიძემ სამი კომლი ყმა-გლეხი, გვარად აბუგუები, უბოძა საჩუქრად გენერალ კაცო მარგანის;

დ) ასევე თავადმა მიხეილ შერვაშიძემ უმიწოდ აჩუქა იმავე გენერალ კაცო მარგანის ერთი კომლი ყმა-გლეხი — დახუცვა თარბა. გენერალმა კი ეს გლეხი თავის მამულ ხოფიში გადაიყვანა.

ე) აზნაურმა შარვან მარგანიმ ორი კომლი ყმა-გლეხი, გვარად არგუნები, მიჰყიდა აზნაურ უზბუკ მარგანის;

ვ) აზნაურმა ყიზილ ბეგ ჩაპაი იფა მარგანიმ ორი სული ყმა-გლეხი მიჰყიდა აზნაურ ტიტუმ მარგანის სოფელ ჩიგურსვაში;

ზ) ამავე სოფელში აზნაურმა ნაჯროზ მარგანიმ ორი კომლი ყმა-გლეხი მიჰყიდა ტიტუმ მარგანის, გვარად ათებები;

თ) სოფელ ხოფიში მცხოვრებ გლეხთა დიდი ნაწილი სხვადასხვა ადგილებში უმიწოდ ნაყიდი ყმა-გლეხებია ამ მამულის მფლობელ გენერალ კაცო მარგანის მიერ, რომელმაც ისინი თავის მინაზე დაასახლა;

ი) აზნაურმა ხალკოჩ იფა ლაკირბამ ხუთი კომლი ყმა-გლეხი გაყიდა, დახუხუათა გვარისანი, სოფელ დიურუფში;

კ) აზნაურმა დრაკ მარგანიმ ყმა-გლეხი ნუგუ ხინტვა მიჰყიდა აზნაურ მაჰმულ ზვანბას;

ლ) აზნაურებმა მარგანებმა ყმა-გლეხი სოგომუა ეშბა მიჰყიდეს აზნაურ ხალიმ ზვანბას;

მ) აზნაურმა თემურკვა ბლაბმა თავად დარუკვა ინალ იფას თავისი ყმა-გლეხთა ვალდებულებების ნაწილი მიჰყიდა, რაც შედგებოდა საბატონო ბეგარისაგან და თითო თიკნისაგან ყოველი კომლისაგან, ხოლო მათი დანარჩენი ვალდებულებანი მემამულის მიმართ თავისთვის დაიტოვა;

ნ) თავადმა სოულახუ (კონსტანტინე) ინალ იფამ ოთხი კომლი ყმა-გლეხი უბოძა საჩუქრად თავად ამშუკ (ალექსანდრე) ინალ იფას.

ო) თავადმა სალიბეი ინალ იფამ თავისი ყმა-გლეხი კვასა ცილიცა უბოძა საჩუქრად თავად სოულახუ ინალ იფას;

პ) აზნაურმა ჯოგარია ლაკ-ერბამ, სოფელ ორდანიჩსვანში თავად დარუკვა ინალ იფას ექვსი კომლი ყმა-გლეხი მიჰყიდა მინა-ანად და შეიღო კომლიც მოჯალაბენი (ტყეები);

ჟ) 1859 წელს აფხაზეთის მთავრის მეუღლე თავად თლაშ-ნა ინალ იფას მიწვევით სტუმრად იმყოფებოდა სოფელ მანხვანში. აფხაზური ჩვეულებისამებრ, თლაშსას ცოლმა იშვილა მთავრის მეუღლე და ამ შემთხვევის გამო თავადმა თლაშსა ინალ იფამ 3000 მანეთი ფულად მიუძღვნა, 12 ცხენი და ოთხი კომლი ყმა-გლეხი კი საჩუქრად უბოძა;

რ) ნაშვილობის ასეთივე შემთხვევის გამო 1862 წელს თავადმა ტიტუმ ინალ იფამ აფხაზეთის მთავრის ძეს, თავად გიორგი შერვაშიძეს 16 ცხენი, 3 კვერცხლის უნაგირი და ოთხი კომლი ყმა-გლეხი უბოძა საჩუქრად სოფელ ქალდახვარაში.

უადგილობა ნებას არ გვაძლევს სხვა ურიცხვი მაგალითებიც მოვიყვანოთ აქ ყმა-გლეხთა გაყიდვისა მიწით თუ უმიწოდ, ცალკეული კომლებისა თუ მთელი სოფლებისა. მაგრამ ჩვენს მიერ მოხმობილი მაგალითებიც უკვე საკმარისია იმაში დასარწმუნებლად, რომ აფხაზეთსა და სამურზაყანოში გლეხები ისევე მთლიანად ეკუთვნოდნენ თავიანთ მემამულეებს, როგორც საქართველოში. ერთი მემამულისაგან მეორესთან თავისუფალი გადასვლის უფლება აფხაზეთისა და სამურზაყანოს გლეხებს არასოდეს არ ჰქონიათ. თუმცა, იყო არცთუ იშვიათი შემთხვევები გაქცევისა, რაც ყოველთვის ფარულად — უმეტესწილად ღამით — ხდებოდა. გაქცეული ყმა-გლეხები, ჩვეულებრივ, რომელიმე სხვა ძლიერი თუ მდიდარი მემამულის მფარველობის იმედი

სტოვებდნენ თავიანთ ბატონებს. ასეთ გაქცეულ ყმა-გლეხთა მფლობელს უფლება ჰქონდა მოეთხოვა მათი უწინდელ საცხოვრებელ ადგილზე დაბრუნება. მაგრამ, რადგან აფხაზეთშიც ისევე, როგორც საქართველოში, უფრო საქმედ ითვლებოდა სტუმრად თუ მფარველობის ქვეშ მოსულ ხიზანთა გაცემა, და ამასთან, რაკი თავად-აზნაურთათვისაც ყოველთვის საამო იყო, როცა უცხო ადამიანები მათს მფარველობას ეძიებდნენ, ამიტომ ისინი იცავდნენ და შეიფარებდნენ ხოლმე ასეთ ხიზნებს და კი არ უბრუნებდნენ მათ უწინდელ ბატონებს, არამედ ცდილობდნენ მშვიდობიანად მოეგვარებინათ ეს საქმე და საზღაური გადაეხადათ გამოქცეული ყმა-გლეხის მფლობელისათვის. ზოგიერთი ძალზე მძლავრი და უსამართლო თავადები თუ აზნაურები, სარგებლობდნენ რა ძლიერის უფლებით, ზოგჯერ არც არანაირ საზღაურს არ აძლევდნენ გამოქცეული ყმა-გლეხებს, თუმცა, ასეთი შემთხვევები, ძალზე იშვიათნი აფხაზეთში, როგორც ცნობილია, საქართველოში, იმერეთსა და სამეგრელოშიც ხდებოდა, რაც შესაუთრეთა უფლების დარღვევად ითვლებოდა და არ აძლევდა ყმა-გლეხებს თავისუფალი გადასაცვლების უფლებას. მემამულეთა კუთვნილი ყმა-გლეხების ვალდებულებანი მფლობელი თავადებისა და უბრალო აზნაურების მიმართ შედგებოდა საბატონო ბეგარისა და ღალისაგან, რომელიც ბეგარის დამატებით გადაიხდებოდა.

საბატონო ბეგარა შემდეგში მდგომარეობდა:

1. საბატონო ყმა-გლეხთაგან ყველა მამაკაცი ვალდებული იყო გაზაფხულის ზენა-თესვის დროს 6 ან 10 დღით თავისი მუშა საქონლითა და სამინათ-მოქმედო იარაღებით ასულიყო მემამულის მიწებზე სამუშაოდ; 2. სიმინდისა და ღომის აღებისას ორივე სქესის ყმა-გლეხები უნდა გამოსულიყვნენ სამუშაოდ მემამულის სასარგებლოდ მოსავლის აღების დასრულებამდე;

3. რთველისა და თხილის კრეფაზე თითო კომლიდან ერთი კაცი უნდა გამოსულიყო მემამულის მიწებზე სამუშაოდ მოსავლის აღების დასრულებამდე; 4. ყმა-გლეხები ვალდებული იყვნენ თავიანთი ცხენებით გადაეზინათ ბატონის საპალნები, მორბედებად მომსახურებოდნენ ბატონებს და მათს სახლშიც რიგგარეშე ემსახურათ სტუმრობების დროს;

5. ყმა-გლეხები, ამასთან, ვალდებული იყვნენ დაემზადებინათ და თავიანთი საპალნე საშუალებებით გადაეზინათ სამშენებლო მასალები და შეძლების კვალობაზე ნაგებობებიც აეშენებინათ მემამულის მიწაზე (საკარმიდამო და სამეურნეო ნაგებობანი).

ყმა-გლეხთა ყოველი კომლი ისდის შემდეგ ღალას:

1. ერთ ცხვარსა და ერთ ბატკანს, ხოლო თუკი ჰყავს, ერთ თხასა და ერთ თიკანს;

2. რვა თურქულ ქლა დაფხვნილ სიმინდს (1 თურქული ქლა უდრის 21 ჩვენებურ ოყას, ანუ ორ ფულს);

3. ასალი წლისთვის — ერთ ქათამს, (აღდგომის) ნათელ დღესასწაულისთვის — ერთ ყვერულს (დაკოდელ მამალს), ხოლო ყველირისთვის ერთ თავ მშრალ, შებოლილ ყველს;

4. მთელი წლის განმავლობაში, მემამულის მოთხოვნისა და საქაროების შესაბამისად: ახალ ამოდულ ყველს, კვერცხებს, მანონსა და ლობიოს — განუსაზღვრელი ოდენობით;

5. როცა ყმა-გლეხი მოკვდება, მისი მემკვიდრე ვალდებული არიან ქელეხს დროს მემამულეს ერთი ცხვარი ან დაკალული საქონლის ნახევარი მიაერთან;

6. ყმა-გლეხის ქალიშვილები გათხოვებისას ვალდებული არიან გამოასავლელი საზღაურის სახით ერთი ძროხა მიაერთან ბატონს;

7. როცა ყმა-გლეხი საქონელს დაჰკლავს, ხორცის ორი მოლიანი საუკეთესო ნაჭერი ბატონს უნდა მიართვას; ასევე, როცა ნადირობისას მოჰკლავს მსხვილ ნადირს (ჯიხეს ან ირემს), ვალდებულია ბატონს მიართვას თავისკერო, მკერდის ნაჭერი და ნეკნების ცალი მხარი;

8. გარდა ამისა, ყმა-გლეხი ვალდებულია ქორწილისთვის, ქელეხისთვის თუ სალაშქროდ განუსაზღვრელი ოდენობით მისცეს ბატონს სხვადასხვა საწოდებელი;

9. იმ შემთხვევაში, თუკი ბატონს ვინმეს სისხლი მართებს, ყმა-გლეხები ვალდებული იყვნენ მისი მოთხოვნით საქონლის ან ფულის სახით გადაეხადათ კომლზე 10-20 მანეთი;

10. ბატონთან სტუმრების ჩამოსვლისას, ყოველი კომლი ვალდებული იყო მთელი სტუმრობის განმავლობაში მათი ორი ცხენი და ერთი კაცი გამოეკვეზა;

11. საჭიროების შემთხვევაში ყმა-გლეხს თავისი ცხენი უნდა მიეცა (ეთხოვებინა) ბატონის შიკრიკისათვის;

12. მოკლული ყმა-გლეხის სისხლის საზღაურის ნახევარს ბატონი თავის სასარგებლოდ იღებდა;

13. ყმა-გლეხთა ყოველი კომლი თავისი ვენახიდან 5 ვედრო ღვინოს მიაერთმევდა ბატონს.

ყველა ეს ვალდებულება, ძალზე უმნიშვნელო განსხვავებული იყო ადგილობრივი სამეურნეო მიზნებით, აფხაზეთისა და სამურზაყანოს მემამულეთა კუთვნილ ყველა სოფელში არსებობდა. მათი აღწერად იგივე იყო, რაც სამეგრელოში, და ეს ასე უნდა ყოფილიყო, რადგან აფხაზეთი და სამურზაყანო ყოველთვის ერთ მთლიანს შეადგენდა სამეგრელოსთან ერთად, და უკანასკნელ დრომდეც აფხაზეთისა და სამეგრელოს სამთავროები სრულიად მსგავს სამოქალაქო და ეკონომიკურ პირობებში არსებობდნენ.

სწორი ომების, არეულობებისა და შინა ქიშპობის მიზეზით, აგრეთვე თურქების ზეგავლენით, რომლებიც ხელს უწყობდნენ და მფარველობდნენ ტყვეთა გაყიდვას, სამეგრელოში, იმერეთსა და აფხაზეთში წარმოიქმნა უფულეობა ტყვეთა განსაკუთრებული კლასი, ცნობილი იმერეთსა და სამეგრელოში მოგვალაბეთა სახელწოდებით, აფხაზეთში კი საერთო სახელით „აგირვა“. ჩვეულებრივ, ომში ჩაგდებულ ტყვეებს, თუკი მათ თავისიანი არ გამოისყიდვენ, მონებად აქცევდნენ და ისინი დაუქორწინებელი რჩებოდნენ. სწორი გაყიდვა-შესყიდვის საგანი იყვნენ და თითქოს წვრილ ფულად ემსახურებოდნენ თავიანთი მფლობელებს. მათ აფხაზეთში ახაშვალებს უწოდებდნენ (რაც აფხაზურად ერთ უცოლოს ნიშნავს). ამ ახაშვალების ყიდვა მემამულეებსაც შეეძლოთ და გლეხებსაც, და მათ არც თვლიდნენ ადამიანებად. წესრიგის შემოღების შემდეგ ეს ახაშვალები თავისთავად უნდა მოსპობილიყვნენ, და მართლაც, სამეგრელოსა და იმერეთში, რუსული

გაგრძელება მე-16 გვერდზე

მე-15 გვერდიდან

მმართველობის შემოღების დროიდან მოვალაბენი სრულიად მოისწინა. აფხაზეთში კი, ამ მხრეში მშვიდობის დამყარებისა და ტყვეთა გაყიდვის შეწყვეტის შემდეგ, ისინი სულ უმნიშვნელო რაოდენობით დარჩნენ. ხოლო რადგანაც მათგან მხოლოდ ის სარგებლობა ჰქონდათ აფხაზ მემამულეებსა და გლეხებს, რომ მათი გამოყენება გადასახდელისათვის შეიძლებოდა ფულის სანაცვლოდ, ამიტომ ტყვეთა მფლობელნი უფრო ხელსაყრელად მიიჩნევიდნენ დაეჭორწინებინათ თავიანთი მონები და თავიანთ მიწაზე დაესახლებინათ გამოსყიდვის უფლებით, რის შემდეგაც ისინი გლეხებად იქცეოდნენ და, ამგვარად, უფრო მეტი სარგებლობა მოჰქონდათ თავიანთი ბატონისათვის. ეს დაქორწინებული და ბატონთა მიწაზე დასახლებული ტყვეები სამეგრელოში მოვალაბეებად იწოდებიან, აფხაზეთში კი — ასულებად. რაც უფრო მდიდარი იყო მოვალაბე, მით უფრო მეტი გამოსასყიდის გადასახდელს შეეძლო მას საკუთარი თავისთვის, და იმ მიზნით, რომ მათთვის უფრო ადვილი ყოფილიყო რაიმე ქონების შეძენა, ბატონები გარკვეულ უფლებებს ანიჭებდნენ მათ, რომლებიც არ ჰქონდა დაუქორწინებელ მონას (ახაშალას). ასე, მაგალითად, მოვალაბეს ნებას რთავდნენ ზაფხულის განმავლობაში სამუშაო დროის ნახევარი მისთვის გამოყოფილი მიწის დამუშავებისთვის დაეთმო; მას უფლება ეძლეოდა, აგრეთვე, შეეძინა თავისი მოძრავი ქონება, მაშინ, როცა ახაშალს, გარდა შესაძლებლისა, უფლება არ ჰქონდა რაიმე ჰქონოდა პირად საკუთრებაში. მოვალაბე ვალდ-

ბულია თავისი ბატონის სასარგებლოდ იმუშაოს მთელი იმ დროის განმავლობაში, როცა ის თავის მინდორში არ ირეგება, და გააკეთოს ეს მაშინვე, როგორც კი ამას ბატონი უბრძანებს; ამ წოდების ქალები (მოვალაბეთა ცოლები და ქალიშვილები) გამუდმებით ემსახურებიან მემამულეს მის სახლში; მოვალაბეს ასულს მხოლოდ იმ პრობით შეეძლო გათხოვილიყო, თუკი მემამულეს მის ღირებულებას გადაუხდინდნენ. გლეხთა წოდებაში გადასვლა მოვალაბეს მხოლოდ იმ შემთხვევაში შეეძლო, თუკი მთელ თავის ქონებას ბატონს გადასცემდა, რომელსაც უფლება ჰქონდა დათანხმებულიყო ასეთ გამოსყიდვას, ანდა არ დათანხმებულიყო. ზოგიერთ შემთხვევაში მოვალაბეს გამოსყიდვა მონობიდან მთლიანად კი არ ხდებოდა, არამედ მისცემდა არ თავის ბატონს გარკვეულ გამოსასყიდს, რამდენადმე უფრო მეტ უფლებებს იძენდა და რაღაც საშუალოს შეადგენდა ნამდვილ მონას (მოვალაბე, ასუე) და გლეხს (ანხაე, ფოში) შორის. ნაწილობრივ თავგამოსყიდულ მოვალაბეთა ასეთი ჯგუფები კვლავაც არსებობენ აფხაზეთის ზოგიერთ ადგილას, და განსაკუთრებით სამურზაყანოში. სამურზაყანოში ამ ნახევრად გლეხებს მონალებს უწოდებენ, დანარჩენ აფხაზეთში — ამაციურასუებს. მონათა ამ, უმაღლესი თანრიგის უფლება-მოვალეობანი ყველა მემამულესთან ერთნაირი როდია და დამოკიდებულია სხვადასხვა პირობებზე. ყველა შემთხვევაში ისინი კვლავ მონებად რჩებიან და მათი ფლობა გლეხებს შეუძლიათ. სანამ მოვალაბე გლეხს ეკუთვნის, მემამულეს მასზე არანაირი უფლება არ აქვს; ხოლო როცა მოვალაბე მთელი

თავისი ქონების გაღებით გამოვა მონობის ამ მდგომარეობიდან და გლეხად იქცევა თავის ამგვარი გამოსყიდვით, მაშინ იგი იმ მემამულის ყმა შეიქნება, ვისი კუთვნილებაც მისი უწინდელი ბატონი — გლეხი იყო. აფხაზეთსა და სამურზაყანოში ყველა თავადსა და აზნაურს როდი აქვს თავისი საკუთარი მამული. ზოგიერთი მათგანი ან სიღარიბის, ან სხვა რამ მიზეზით, სხვის მამულში ცხოვრობდა როგორც სტუმარი (აფხაზურად — ასასი, ქართულად — ხიზანი) გარდა უმაღლესი წოდების წარმომადგენელი რამდენიმე პირისა, რომლებიც ხიზნებად ცხოვრობდნენ სხვის მიწაზე, ყველა სამემამულო სოფლებში მრავლად იყვნენ ხიზანი გლეხები. ზემოთ ჩვენ ვთქვეთ, თუ როგორ იღებდნენ მემამულენი თავიანთ ბატონთაგან გამოქცეულ ყმა-გლეხებს თავისი მფარველობის ქვეშ. აქვე უნდა ავღნიშნოთ ისიც, თუ რა ურთიერთობები არსებობდა ხიზნებსა და მემამულეს შორის, ანუ იმ მიწის მფლობელს შორის, რომელზეც ისინი დასახლებულიყვნენ. უმაღლესი წოდების ხიზნები უნდა მომსახურებოდნენ თავიანთ მემამულეს ისე, როგორც ეს თავად-აზნაურებს შეეფერება. ანუ ისინი მემამულის ამაღლაში უნდა ყოფილიყვნენ მის მგზავრობებსა თუ დასაქმობებში; უნდა დახმარებოდნენ მას ყველა შეეჯახებაში თუ შინაომში სხვა მემამულეებთან, და საერთოდ, შესწოდებდნენ თავიანთ მემამულეს მის ყველა წამონყვებაში. გლეხთა წოდებიდან გამოსული ხიზნები ახალ ადგილებზე დასახლების პირველ წლებში არანაირი გამოსაღებს არ იხდიდნენ, გარდა ზოგიერთი სადღესასწაულო ძღვენისა, და

ვალდებული იყვნენ მხოლოდ მემამულის მიწვევით გასულიყვნენ მინდვრის სამუშაოებზე. დროთა განმავლობაში ეს ხიზნები მთლიანად იმ მემამულის ყმა-გლეხებად იქცეოდნენ, ვის მიწაზეც ისინი შემოიხიზნულიყვნენ და დასახლებულიყვნენ, და მაშინ ყველა ის ვალდებულებანიც ეკისრებოდათ, რაც მემამულეს სხვა, მკვიდრ ყმა-გლეხებს ჰქონდა. საერთოდ, ხალხის უწინდელი მოუსვენარი ცხოვრების გამო, როცა ადგილობრივი ადმინისტრაციული ხელისუფლება ვერ უზრუნველყოფდა მცხოვრებთა პიროვნული და ქონებრივი უფლებების დაცვას და როცა თითოეულს თვითონვე, იარაღის ძალით უნდა დაეცვა თავისი სიცოცხლეცა და ქონება-სამკვიდრებელიც, მემამულეებისთვის მეტად ხელსაყრელი იყო, რაც შეიძლება ბევრი მომხრის ყოლა. სწორედ ამით აისხნება, ერთის მხრივ, ხიზანთა სიმრავლე ყველგან, თითქმის ყველა თავადისა თუ აზნაურის მამულში, ხოლო მეორეს მხრივ, მემამულეთა შემწყნარებლობა და დამყოლობა მათთვის დიდი ოდენობით მიწების დათმობაში, რაც ხშირად ყოველგვარი ანაზღაურების მიღების გარეშე ხდებოდა. მიუხედავად ამისა, ხიზნების მიერ დაკავებული მიწა, სულ ერთია, რომელი წოდების წარმომადგენლებიც არ უნდა ყოფილიყვნენ ისინი, ყოველთვის კვლავაც მემამულის საკუთრებად რჩებოდა და ასეთადვე მიიჩნეოდა ყველას მიერ, მსგავსად იმისა, როგორც ეს საქართველოში იყო. ყოველივე ზემოთქმულიდან თქვენი ბრწყინვალე ადვილად დაინახავს, რომ წოდებრივ-საადგილობრივი ურთიერთობანი ყოველი აფხაზეთის სამთავროში და სამურზაყანოში არაფრით არ განსხვავდება ასეთივე ურთიერთობებისაგან საქართველოში,

იმერეთსა და სამეგრელოში კვალად იმასაც დავაქვით, რომ, თუმცა განსხვავება ქართლსა და სამეგრელოს შორის გაცილებით უფრო მნიშვნელოვანი იყო, ვიდრე სამეგრელოსა და აფხაზეთს შორის, მაგრამ მაინც საკუთრივ სწორედ ამ მცირე განსხვავებამ წარმოშვა ის დაბრკობება, რომლის მიზეზითაც მთავრობამ ვერ შეადგინა ორივე ზემოსხენებულ ქვეყნისთვის საერთო დეპუტატები გლეხთა საკითხზე (ანუ საერთო — სამეგრელოსა და აფხაზეთისთვის — რედ.). კადნიერად მოველით რა თქვენი ბრწყინვალეობისა და კომიტეტის წევრების სამართლიანობას და მოწყალე ყურადღებას ჩვენი საქმიანობისადმი, ჩვენ ვებრძვით იმის იმედი გვექონდეს, რომ აფხაზეთსა და სამურზაყანოში გლეხთა რეფორმის ამოქმედებისას ჩვენ არ ვიქნებით გარყოფილი საქართველოს ხალხთა საერთო ოჯახიდან, რომელსაც ოდითგანვე მივკუთვნიებით. თავს ნებას ვაძლევთ ვიფიქროთ, რომ ჩვენს მიმართაც საცხებით და სრულად შეიძლება გამოყენებული იქნას ის დებულებები, რომელთა დამკვიდრებაც კეთილად ინება ხელმწიფე იმპერატორმა ყოფილი საქართველოს სამეფოს დანარჩენი ნაწილებისათვის, და რომ ჩვენს მიმართ არ იქნება დაშვებული გამონაკლისი. პორუჩიკი, თავადი ბათა ემუსვარი, გარნა (რუსული) წერა-კითხვის უცოდინარობის გამო, მისი პირადი თხოვნით ხელი მოაწერა ივანე ზედგინიძემ; თავადი მისოუსტ მარშანი, გარნა (რუსული) წერა-კითხვის უცოდინარობის გამო, მისი პირადი თხოვნით ხელი მოაწერა ივანე ზედგინიძემ; პორუჩიკი ტიტუ მარგანი; თავადი კონსტანტინე ინალ ივა

საქართველოს ეროვნულ-განმათავისუფლებელი მოძრაობის უმაღლესი პოლიტიკური და საზოგადოებრივი ორგანიზაციების მიმართვა

ამ მოძრაობის უმაღლესი სხვა ორგანიზაციებისადმი, საკრედიტო არჩევნებში მონაწილეებისადმი და ფართო საზოგადოებისადმი

პატივცემულ კოლეგებო და თანამემამულეებო! მიგვაჩნია რა, რომ საქართველოს ხელისუფლება მის სათავეში შევარდნაძის მოსვლიდან დღემდე ატარებს ქართველი ერის გენოციდს, სახელდობრ, მისი თანმიმდევრული და ყოველმხრივი დაქვეითების, დემორალიზაციის, ეკონომიკური პარალიზაცია-განადგურების, მისი ეროვნული საკუთრების განიავების, მის მიწა-წყალზე უცხო მოსახლეობის შემოყვანის, მისი განათლებისა და მეცნიერების ჩაკვლის, მასში ჯანსაღი საშუალო ფენის ჩაკვლის მიზანმიმართულ პოლიტიკას, რომელსაც მას უცხო ძალები უკვეთავენ, გადაუდებელ ამოცანად ვრაცხთ ხელისუფლების შეცვლას საქართველოს ეროვნული ინტერესების დაცვაზე ორიენტირებული და ქვეყნის წინაშე პასუხისმგებლობის შეგნებით აღჭურვილი ხელისუფლებით. ვხედავთ რა, თხ-

უთმეტწლიანი პრაქტიკის საფუძველზე, რომ ურთიერთ-მონაცვლე მარიონეტულ ხელისუფლებათა ხელში საქართველოს ყოველმხრივი განადგურების ხეობისხეობული კურსი სტაბილური რჩება და რომ ძალაუფლების გადაცემა ერთი მარიონეტის ხელიდან მეორისაში ხდება ანტიეროვნული და ანტისახელმწიფოებრივი წინასწარი გარიგების გზით, რაც შეიცავს მარიონეტული მართვის უსასრულოდ გაგრძელების საშიშროებას, ჩვენს კოლეგებსა და საზოგადოებას მოვუწოდებთ სიფხიზლისკენ. სახელდობრ, მოგიწოდებთ პოლიტიკურ პროცესებში მონაწილე ყველა სუბიექტზე (როგორც ორგანიზაციაზე, ისე ინდივიდზე) იმსჯელოთ მისი ღიად გაცხადებული პროგრამული პოზიციის კონკრეტული შინაარსის მიხედვით. მიგვაჩნია რა, რომ საქართველოს ყველა ხელისუფლებისთვის

სავალდებულოა პრიორიტეტული ზრუნვა ობიექტური პირობების შექმნაზე საქართველოს მარადიულყოფისათვის, როგორც — დამოუკიდებელი დემოკრატიული სახელმწიფოსი, — 1989 წლის საზღვრებში მყოფი სახელმწიფოსი, — სახელის „საქართველო“ მატარებელი სახელმწიფოსი და — ქართული სახელმწიფოსი, ანუ ისეთისა, რომელიც თავის მოქალაქეებთან კომუნიკაციას ამყარებს სალიბერალტურო ქართული ენით, საქართველოს სათავეში ყოფნის და მასში დარჩენის მოსურნე ყველა ჯგუფისაგან და ინდივიდისგან მოვითხოვთ იმის გაცხადებას, რომ იგი აღიარებს და ხელისუფლებაში ყოფნის შემთხვევაში თანმიმდევრულად გაატარებს საქართველოს სახელმწიფო პოლიტიკაში შემდეგ შვიდ პრინციპს:

1. აფხაზეთისა და ცხინვალის კონფლიქტი არის არა ქართულ-აფხაზური და ქართულ-ოსური კონფლიქტი, არამედ რუსეთის აგრესიული ომი საქართველოს წინააღმდეგ. იგი ინტერნაციონალიზაციას ექვემდებარება (ანუ არ არის მხოლოდ საქართველოს საშინაო პრობლემა) მხოლოდ ორი ასპექტით — საქართველოს წინააღმდეგ რუსეთის აგრესიის აღკვეთისა და ადამიანის ადამიანური უფლებების (მათ შორის — უმცირესობათა უფლებების) დაცვის ასპექტით. რუსეთის „სამშვიდობო“ ძალების ყოფნა საქართველოში დაუშვებელია როგორც იურიდიულად, ისე პოლიტიკურად. იგი შეუთავსებადია საქართველოს სასიცოცხლო ინტერესებთან. რუსეთის შეიარაღებულ ძალთა „სამშვიდობო“ მანდატი საქართველოში უნდა გაუქმდეს დაუყოვნებლივ, რათა რუსეთის სამხედრო მოსამსახურეს

წაერთვას საქართველოში ცეცხლის გახსნის უფლება, ხოლო ქართველ სამხედრო მოსამსახურეს და პოლიციელს მიეცეს რუსეთის შეიარაღებული ძალების მხრიდან საქართველოს ტერიტორიისა და მოსახლეობის შესაძლო ხელყოფის აღკვეთის უფლება. საქართველოს იმ ყოფილ მოქალაქეთა დაცვა, რომელთაც რუსეთმა გასული რამდენიმე წლის მანძილზე რუსეთის მოქალაქეობა მისცა, რუსეთს შეუძლია თავისი საელჩოს საშუალებით, მაგრამ არა საქართველოში თავისი შეიარაღებული ძალების ყოლის საშუალებით. 2. საქართველოში მაცხოვრებელ ოსურ დიასპორას (160 ათასი სული), ცხინვალის რეგიონში ქართველებთან ერთად მაცხოვრებელი (60 ათასი სული) ჩათვლით, არც ერთი საერთაშორისოდ აღიარებული უფლებადაცვითი ნორმის



მიხედვით არა აქვს საფუძველი და უფლება, რომ საქართველოში ტერიტორიული პოლიტიკური ავტონომია მოითხოვოს. ცხინვალის რეგიონისთვის, კონკრეტული დაძაბული სიტუაციიდან გამომდინარე, დასაშვებია ფართო ადმინისტრაციული სპეციფიკის მომცველი სტატუსის დაწესება, მაგრამ დაუშვებელია მისთვის „ოსეთის“ წოდება, რაც სტიმული იქნება მომავალში ორი „ოსეთის“ – ერთის ნამდვილისა (კავკასიონის ჩრდილოეთით) და მეორე ყალბის (კავკასიონის სამხრეთით) – „გაერთიანებისთვის“ და სახიფათო პრეცედენტი იქნება მთელ მსოფლიოში ეთნიკური წმენდისა და გენოციდის, როგორც ამა თუ იმ ტერიტორიისთვის მისი სტატუსის შეცვლის საშუალებათა, გამოყენებისთვის.

საქართველოს ოსური, ისევე როგორც ყველა სხვა ეთნიკურად არაქართველი მოსახლეობის სპეციფიკური ინტერესების, მათ შორის – ეროვნული ინტერესების რეალიზაციისთვის საუკეთესო და კანონიერი საშუალებებია, ერთის მხრივ, ადგილობრივი დემოკრატიული თვითმმართველობის მექანიზმთა განვითარება, მეორეს მხრივ, ფუნქციური (და არა ტერიტორიული) ავტონომიის განვითარება, კულტურული ჩათვლით.

3. აფხაზეთი, როგორც მთელი, არ არის საქართველოს მიერ ისტორიის რომელსამე ეტაპზე მიერთებული (შემინილი) ტერიტორია, არამედ საქართველოს (ან მისი რომელიმე ნაწილის) ერთერთი ეთნიკურად, ენობრივად, კულტურულად და რელიგიურად საქართველოს სხვა ნაწილთან არსებითად განუსხვავებელი ნაწილია დღესდღეობით ცნობილი ისტორიის მთელ მანძილზე. შესაბამისად, აფხაზეთის სტატუსი საქართველოს შემადგენლობაში შეიძლება განისაზღვროდეს მხოლოდ როგორც ავტონომია უფლებამოსილებების რაგინდარა განაწილებით, რომელიც კი თავსებადია საქართველოს სათავდაცვო და გეოსტრატეგიულ ინტერესებთან, და არა როგორც „სუვერენული სახელმწიფო წარმონაქმნი“, რომელიც იყოფება საქართველოსთან სახელმწიფო ურთიერთობაში ერთობლივი სახელმწიფოს ქონის შესახებ, როგორც ამას ითვალისწინებს ცნობილი ე.წ. ბოდენის დოკუმენტი. ბუნებრივია და გასაგებია, დღევანდელ დაძაბულ ვითარებაში, აფხაზეთა („აფხაზეთა“) შიში აფხაზეთით („აფხაზეთით“) დასახლე-

ბულ რეგიონებში აფხაზეთისა და მთლიანად საქართველოს სხვა ადგილებიდან შესაძლო იმიგრაციის წინაშე, რითაც შემცირდება მოსახლეობაში აფხაზეთის („აფხაზეთის“) პროცენტი, ისევე როგორც ქართველებისა და საქართველოს სახელმწიფოს შიში მთლიანად აფხაზეთში ან მის რომელსამე რაიონში უცხოეთიდან (პირველ ყოვლისა, რუსეთიდან) იმიგრაციის წინაშე, რასაც ძალუმს მოკლედროში რადიკალურად შეცვალოს, სტრატეგიული და ზოგადსახელმწიფოებრივი ინტერესების საზარალოდ, აფხაზეთის დემოგრაფიული სურათი. ამიტომ აუცილებელია (სასურველია), რომ აფხაზეთის აფხაზეთით („აფხაზეთით“) დასახლებულ არეალებში იმიგრაციას ნებისმიერი ადგილიდან, დანარჩენი საქართველოსა და დანარჩენი აფხაზეთის ჩათვლით, აუცილებელ პირობად ჰქონდეს ადგილობრივი (რაიონული) ხელისუფლების დასტური, ხოლო საზღვარგარეთიდან იმიგრაციას აფხაზეთის ნებისმიერ წერტილში – საქართველოს ცენტრალური ხელისუფლების დასტური.

აფხაზეთში ქართველი ერი ავტონომიური ერია. აფხაზეთი („აფხაზეთი“) ერი ავტონომიური არ არის, მაგრამ მას აქვს და უნდა ჰქონდეს ავტონომიური ერის ყველა მორალური უფლება, ვინაიდან მან თავისი პირვანდელი სამშობლოდან, ჩრდილო კავკასიის ადიღური ტერიტორიებიდან საქართველოში მიგრაციის (XVII-XVIII სს) შემდეგ ადიღური (ჩერქეზული) მოდემის სხვა ხალხებისაგან განსხვავებული ეთნიკური (ეროვნული) თვითცნობიერება შეიმუშავა. შესაბამისად, აფხაზეთის ტერიტორიის ბედისა და სტატუსის განსაზღვრაში ერთი ქართველის ხმა (დევნილისა და ლტოლვილის ჩათვლით) ნაკლებ გადამწყვეტი ვერ იქნება, ვიდრე ერთი აფხაზეთის („აფხაზეთის“) ხმა. აფხაზეთის, როგორც მთელის, ნება არ არის იგივე, რაც აფხაზეთის („აფხაზეთის“) მოსახლეობის რაგინდარა ერთსულოვანი ნება, არამედ იგი ტოლქმედია

– აფხაზეთი („აფხაზეთი“) მოსახლეობის ნებისა, რომ აფხაზეთის ტერიტორია გამოიყენოს, როგორც თავისი მარადიული განვითარებისა და ყოველმხრივი, მათ შორის ეროვნული თვითდამკვიდრების ასპარეზი აწ და მარადის,

– ქართველი მოსახლეობის (დევნილების ჩათვლით) ნებისა, რომ აფხაზეთის ტერიტორია გამოიყენოს, როგორც თავისი განვითარებისა და

ყოველმხრივი, მათ შორის – ეროვნული თვითდამკვიდრების ასპარეზი აწ და მარადის,

– აფხაზეთის ყველა მოსახლის ნებისა, რომ იყოს სრულუფლებიანი მოქალაქე, თანამედროვე დემოკრატიისა და კეთილდღეობის პირობებში მაცხოვრებელი.

4. დაუშვებელია ქართველი ერის სადღესოდ და სამარადისოდ ძირითადი საარსებო ბაზის – საქართველოს მიწის – გაყიდვა უცხოელებზე მანამდე, სანამ მიწის ღია ბაზარზე არ გამოვა, როგორც მყიდველი, კონკრეტულ ქართველების მასა.

5. დაუშვებელია საქართველოს ფედერალიზაცია, ვინაიდან მისი გარდუვალი შედეგი იქნება ერთი ან ორი თაობის მანძილზე არა მხოლოდ საქართველოს ტერიტორიული გახლეჩა ისტორიულ პროვინციებად, არამედ ერის გახლეჩაც და ეროვნული ცნობიერების გახლეჩაც პროვინციული ნიშნით.

6. პრიორიტეტული ამოცანაა ქმედითი საიმეგრაციო კონტროლის შექმნა, ვინაიდან საქართველოს, მიმდინარე პოლიტიკის პირობებში, რეალურად ემუქრება დემოგრაფიული წაღვევა, ანუ საქართველოში ქართველების უმცირესობად ქცევა და ისეთი ვითარების შექმნა, როცა საქართველოდან დროებით (გაჭირვების გამო) გასულ მოსახლეობას – ერის ყველაზე ენერგიულსა და მოძრაობისუნარიან ნაწილს – აღარ ექნება საქართველოში დაბრუნების და დასაქმების საშუალება.

7. საქართველოს სახელმწიფო პოლიტიკის გამჭოლი მიზანი არის (უნდა იყოს) ის, რომ საქართველო ჩამოყალიბდეს რეალურად დამოუკიდებელ დემოკრატიულ და კეთილდღიან ქვეყნად, მას შეექმნას ყოველმხრივი უსაფრთხოება (სათავდაცვო, სასურსათო, ფინანსური, ენერგეტიკული, სამედიცინო, სამოქალაქო და ყველა სხვა), იგი თავს იკმაყოფილებდეს პირველ სასიცოცხლო საჭიროების საგნებით (პირველ ყოვლისა სურსათით და ენერგიით), ხოლო მისი ექსპორტი ორიენტირებული იყოს მეცნიერებატევადი სამრეწველო პროდუქციის გატანაზე. საქართველოს განვითარების პრიორიტეტული მიმართულება უნდა იყოს განათლება და მეცნიერება (რაც შეესაბამება ქართველი ერის მენტალიტეტის ზოგად მიმართულებას). საქართველოს მოსახლეობის გადაქცევა მომსახურე მოსახლეობად, რის ძლიერ ტენდენციასაც ამჟღავნებს საქართველოს

დღევანდელი ხელისუფლების იდეოლოგიაც და პრაქტიკაც, მიუღებელია.

წინამდებარე პრინციპების გატარება საქართველოს საშინაო პოლიტიკაში არის ძალისხმევის ის მინიმუმი, რომელიც სჭირდება ქართველი ერის გადარჩენას დღეს მიმდინარე გენოციდისაგან და საქართველოს სახელმწიფოს ხელოვნური ნგრევის შეჩერებას. ამ ძალისხმევის გაღება და მოქმედების ამ მიმართულების არჩევა არის აუცილებელი პირობა საქართველოს ეროვნულ-განმათავისუფლებელი მოძრაობის მხრიდან ამა თუ იმ პარტიისა, პოლიტიკური ჯგუფისა და პიროვნების მხარდაჭერისათვის.

საქართველოს ამჟამინდელი პრეზიდენტის მ. სააკაშვილისა და მისი გუნდის პოლიტიკა ჩვენ მიგვაჩნია ბარბაროსულ ტოტალიტარისტულ მმართველობად, რომელიც შეუთავსებელია მოქალაქეთა ღირსებასთანაც, მათ საარსებო ინტერესებთანაც. სააკაშვილის მოტივაცია, რომელსაც იგი თავისი რეჟიმის შესანარჩუნებლად იყენებს – თითქოს მისი ძლიერი მმართველობა, ანუ მისი და პარლამენტის უმრავლესობის პოზიციათა სრული ერთობა, სჭირდება სახელმწიფოს თავდაცვისუნარიანობას რუსეთის მრავალგანზომილებიანი მოსალოდნელი შემოტევის პირისპირ, – ყალბია, რამდენადაც თავის ხსენებულ უპირატესობას – პრეზიდენტისა და პარლამენტის პოზიციათა ურთიერთპარძონიულობას – სააკაშვილი და საპარლამენტო უმრავლესობა იყენებენ არა სახელმწიფოს დაცვისათვის, არამედ მხოლოდ მისი მიზანმიმართული ნგრევისა და დარცვისათვის უცხო ძალთა მიხენების შესაბამისად.

საკაშვილისა და მისი გუნდის მიერ საქართველოს მართვის გაგრძელების შემთხვევაში საქართველოს, როგორც სახელმწიფოს, ელის გარდუვალი კრახი, ამიტომ სახელმწიფოსა და ერის სასიცოცხლო ინტერესები მოითხოვს მათი მმართველობის შეცვლას ქვეყნისა და სახელმწიფოს ერთგული ხელისუფლებით. მსოფლიოსა და რეგიონში არსებული ობიექტური პირობების მიხედვით, ერთგულ ხელისუფლებას შეუძლია საქართველოს წინაშე ამჟამად მდგარი ყველა ძირითადი პრობლემის დაძლევა, თუნდაც ეს ხელისუფლება შედგებოდეს მხოლოდ საშუალო გონებრივი მონაცემებისა და საშუალო პატიოსანი

ადამიანისთვის დამახასიათებელი მორალური მდგნობისაა. მქონე პიროვნებებისაგან. სასწრაფო ამოცანაა, რომ საქართველოს მართონეული მმართველობა შეწყდეს და ქვეყნის საჭე ეროვნული ინტერესების მიხედვით მოქმედი პირების ხელში გადავიდეს. ამ გარდატეხის მიღწევის ყველაზე რაციონალური და ერთადერთი უმტკივნეულო საშუალება, ჩვენის აზრით, არის დაუყოვნებლივ შემოღება რეალური საარჩევნო კანონისა, რომლის ძალითაც არჩევნებში მონაწილე სუბიექტებს ექნებათ თანასწორი სასტარტო პირობები, საარჩევნო კომისიები დაკომპლექტდება (და მათი თავმჯდომარეები აირჩევიან) ამ სუბიექტთა თანასწორი მონაწილეობით, ტელევიზია თანასწორად გამოიყენება ამ სუბიექტთა მიერ, ყველა საარჩევნო სიები ღია იქნება არჩევნების მონაწილე სუბიექტებისათვის და საზოგადოებისათვის და ა.შ., ანუ პრაქტიკულად აღკვეთილი იქნება სახელმწიფოსმიერი ტოტალური გაყალბება, რომელიც დღესდღეობით საქართველოს ყველა დონის არჩევნებში ბატონობს.

თქმულიდან გამომდინარე, მივმართავთ 2008 წლის 5 იანვრის საპრეზიდენტო არჩევნებში მონაწილეებს, მათ შორის „საერთო-სახალხო მოძრაობას“, რომელმაც ა.წ. 28 სექტემბრისა და 2 ნოემბრის აქციები ჩაატარა, რომ დაადასტურონ თავისი ერთგულება ზემოთ ჩამოთვლილი პრინციპებისადმი. ამით ჩვენ, საქართველოს ეროვნულ-განმათავისუფლებელი მოძრაობის მონაწილე ქვემოთ ჩამოთვლილ ორგანიზაციებს, მოვუვცემთ საშუალება აქტიურად ვიბრძოლოთ ამ პრინციპების გამარჯვებისათვის მომავალ არჩევნებში, პრაქტიკულად – საქართველოს დღევანდელი ანტიეროვნული ხელისუფლების შეცვლისათვის ქვეყნის თანმიმდევრულად ერთგული ხელისუფლებით.

6. ნათიამ, საქართველოს სახალხო ფრონტი

ი. ბაბრატიონ-მუხრანელი, „სამეფო გვირგვინი“-ს მურვე

მ. ბიორბაძე, საქართველოს სახალხო პარტია

პ. ნაზარიშვილი, თადარიგის მაიორი, საქართველოს ეროვნულ-ქრისტიანული პარტიის თავმჯდომარის მოადგილე,

დ. სომასურიძე, თადარიგის პოლკოვნიკი, სამხედრო ფორმირება „იმედის“ ვეტერანთა კავშირი „იმედის“ თავმჯდომარე.



„საქართველოს გულია ამოღება“ – ირია ჭავჭავაძე

კაცობრიობის ისტორია გვასწავლის, რომ ყოველი ცალკე ადამიანი ეპოქა ამა თუ იმ ერის ურთულესი სასიცოცხლო პრობლემების გადასაჭრელად, თავადვე მოუვლენს „ზე-გარდელ მადლით ცხებულ“ პიროვნებას, რომელიც იტვირთავს თანამედროვე წინამძღოლობის უმძიმეს მისიას. „ისინი გამორჩეულნი უძიებენ ჩვენ, დანარჩენებს სწავლის სურვილს, განგავწყობენ სამოქმედოდ, გვიმძაფრებენ შექმნის თვის და გვიდასტურებენ „უკეთესი ქვეყნის“ არსებობას. ასე რომ, ვიდრე იარსებებს კაცობრიობა, ისინიც, გამორჩეულნიც, ყოველთვის სამავალითონი და მისაბაძნი იქნებიან. ხოლო რაც მათ ცალ-ცალკე შეუქმნიათ თავიანთი ქვეყნებში, საერთო, საყოველთაო სახელმძღვანელოა, საიდანაც ნებისმიერი სურვილი, უპირატეს ყოველი, იმას იტყობს, თუ როგორ უნდა იყოს თავად“ (ო. ჭილაძე). ასეთი გამორჩეული პიროვნება ჩვენთვის სიცოცხლეშივე ერის მამად წოდებული ილია ჭავჭავაძე, ილია მართალი.

ილია ჭავჭავაძეს გათვითცნობიერებული ჰქონდა ქართველთათვის ისეთი უმნიშვნელოვანესი სახელის აზრობრივი დატვირთვა, როგორცაა „ვიორ-გია“ ცნობიერებაში „მეორე ქარი“, „მეუბლადავი“, „სუფთა“ და „წმიდა“. „წმიდა ნაკვეთი“ გაღვთიურებული წარმართულ საქართველოში. ქართველთა, ისე როგორც შუმერთა წარმოდგენით, მიწა დედურ საწყისს განასახიერებს. იაფეთური, ქართველური მოდგმის ძირითადი ღვთაება იყო დედა – ქალღმერთი. „ისტორიის ციციხალი ფესვები“, – ასე ამბობს მთხიელ (ჯ. ფხოველი). გა – ქართული მითოლოგიის უმადლეს რანგში ასული უძველესი ქალღმერთი (ბერძ. გეას შესატყვისი), განასახიერებდა ბუნების მაცოცხლებელ ძალეს. ამ კერპსადმი მიძღვნილი რიტუალები, საგალობელი „გას“, – დღემდე შემორჩენილი სვანეთში. ილიამ იცოდა, რომ „ვიორგია“ ქვეყნის ოფიციალური სახელი, ნიშნავს არა მხოლოდ მიწის მუშაკს, არამედ პირველ მიწის მუშაკს – პირველ მიწათმოქმედს. „...ვინც გარდაქმნის გარემოს და დასახლებს მას თავის ბეჭერს“ (კ. ნ. გაბაშვილი). თეოპოეტმა ბავრატინი წერს: „უძველესია მზა, რომელთამე ჩვენთა და ვითათამე სხვათაცა მემატანეთა, აღწერილთა იპოვების მოთხრობანი ეს სახედ, ვინათაგან პირველყოფისა მუშაკობანი მიწისანი შემოღებულ არიან მათგან“.

ქართველები სამიწათმოქმედო ცივილიზაციის შექმნის სათავეებთან იდგნენ და მიწათმოქმედება მათთვის არა მხოლოდ უბრალოდ სამეურნეო საქმიანობა, არამედ ერთგვარი ღვთისმსახურებაა. ყოველივე ამან განაპირობა ქართველთა განსხვავებული ჩვევები, სურვილები და მისწრაფებები მიწიერ ცხოვრებაში, რაც მიწასთან მარადიული ურთიერთობების თავისებურებებიდან გამომდინარეობს. „ჩვევები ერთსათვის იგივე რჯულია, იგივე კანონია, მხოლოდ დაუწერელი“ (ილია). („ჩვეულება რჯულზე უმტკიცესია“, ხალხური ანდაზა).

ილია ჭავჭავაძისათვის მამულის სიყვარული ქართველთა ეროვნული რაობის ფსიქოლოგია ეროვნული წარმოდგენის. „ჩვენში მამულის სიყვარული სხვა თვისებისაა, სხვა გვარის ხასიათისა: იგი იპყრობს მხოლოდ წმინდა გრძობას. ამ გრძობაში თავის თავის მეტი არა ურევია რა. ვისიმე

სიძულვილი, ვისიმე დათრგუნვის სურვილი, ვისიმე გაუბედურების წადილი მასში სრულიად არ არის“.

დიდი მწერლისათვის ცნობილია, რომ ქართველები მამულის ერთგული, მიწაზე დამკვიდრებული ერია; ქართველის მიწასთან უღალატო კავშირშია ქვეყნის სიძლიერე. „ჩვენი ხალხი თავისი ბინადრობის დიდი და მკვიდრი მოყვარეა“, – წერდა ილია. ქართველი ერის სპეციფიკა მომდინარე მისი გენეტიკური კოდიდან ასახვას პოულობს ტრადიციებში, რომელიც განსაკუთრებული თავისებურებითა და რაციონალიზმით წარმართავს ცხოვრების სამეურნეო სფეროს და რამაც უზრუნველყო ქართველთა უფრამც და უმთავრესი საქმიანობის – სოფლის მეურნეობის გადაქცევა ქართული სახელმწიფოს წარმოქმნის საფუძვლად. „ქართველების ძალა ძველისძველ დროდღე მიწის დამუშავება, მურნეობაა, ჩვენი ძალა იმთავითვე სოფელი იყო“, – ბრძანებდა ილია.

მრავალფეროვან ბუნებასთან პარმონიულად შთანასწორებული ქართული ცხოვრების წესი იყო ის ძალა, რომელიც მტრისაგან ვეერანებულ საქართველოს კვლავ ფეხზე აყენებდა. ამის შესახებ ილია ჭავჭავაძე წერდა: „საკვირველი ეს არის, რა ქონებამ გაუძლო ამისთანა ყოფას? რა ჰქვებავდა ხალხსა, რა ქონებით უძღვებოდა ამოდენა ომებსა და სისხლისღვრასა?“ და პასუხსაც იქვე იძლეოდა: „უნდა ვიფიქროს, რომ ამისი პასუხი ჩვენს ეკონომიკურ ავებულეებასა და წყაროებში უნდა მოიხსენებოდეს. უეჭველია, ჩვენი წინანდელი წყობა ისეთი ყოფილა, რომ იქნაღღე მიწის ამისთანა ამოდენა ვაი-ვაი-ლახსა და ომებსა ამოდენა ხნის განმავლობაში“.

სამეურნეო ცხოვრებისა და ეროვნული ფსიქოლოგიის ურთიერთგადაჯაჭვულობის ასეთივე ღრმა ცოდნით ილია დასძინდა: „ვაუკაცობა უნდოდა, ვაუკაცნი ვიყავით, ხმალი უნდოდა, ხმლის ჭედა ვიცოდით, ომის საქმეთა ცოდნა უნდოდა, ომის საქმენი ვიცოდით. აი რამ შეგადამლებინა, რამ გვიხსნა, რამ შეგვიანა... იმ დროთა ჩარხზე გამორჩეულნი ვიყავით, იმ დროთა ქარცეცხლში გამოფოლადებულნი, იმ დროთა სამჭედურში ნაჭედნი... ამით ვავითანეთ თავი, დროთა შესაფერი ღონე ვიცოდით, დროთა შესაფერი ხერხი, დროთა შესაფერი ცოდნა გვქონდა, დროთა შესაფერი მხნეობა და გამრჯელობა“.

ნიშანდობლივია ის გარემოება, რომ უპირველესად, ქრისტიანობა გვერცხვოდა იმ ქვეყნებში, სადა იმდენივე სიღარიბეა ქართველობამ უყოყმანოდ მიიღო პურითა და ღვინით ქრისტიანული ზიარების საიდუმლო; ამასთან მეღვინეობასა და ქართულ სუფრას შეუნარჩუნა განსაკუთრებული დატვირთვა. ქრისტიანობას სასიკეთოდ შეერწყა უძველესი ქართული ტრადიციები და წარმართულ ჩვეულებათა ის ღირებულებები, რომლებიც ეროვნულ ინტერესებს გამოხატავდნენ. ქრისტიანობა იქცა ქართული ზნე-ხასიათის საყრდენ ღერად, რომლის ირგვლივ ბუნებრივად ჩვენი ეროვნული ცნობიერება აღნიშნულიდან დაკავშირებით ილია ბრძანებდა: „ქრისტიანობა, ქრისტეს მოძღვრების გარდა, ჩვენში ჰნიშნავდა მთელის საქართველოს მიწა-წყალს, ჰნიშნავდა ქართველობას. ქრისტიანო-

ბა პოლიტიკური კეთილშეგონი იყო საქართველოს მრავალ ნაწილების გასაერთიანებლად და შემოსაკრებლად. ერთობა სარწმუნოება ერთობას ერისას მოასწავებდა“.

ქართველი ერის ტრადიციული აგრარული კულტურა, როგორც ცნობილია, წინააღმდეგ კულტურულ სივრცეში ყალიბდებოდა. იგი სამართლიანად ითვლება უძველესი მიწათმოქმედებისა და მეცხოველეობის განვითარების კერად. აქ თავდაპირველად შექმნილი მეურნეობისა და მეურნეობის ფორმები, შემდგომში საფუძვლად დაედო ევრაზიის მთელ ტერიტორიაზე (სამხრეთ-აღმოსავლეთის გამოკლებით), მოგვიანებით წარმოშობილ აგრარულ სამეურნეო-კულტურული კომპლექსების სხვადასხვა ტიპს, რომელიც ძირითადად მარცვლეული მეურნეობის, მევენახეობა-მეღვინეობის, სხვადასხვა სახის პროდუქციის მოშენებასა და მიხან მიღებული ცხოველეობის პროდუქტების მოხმარებაზე იყო დაფუძნებული.

მიწის დამუშავება, მცენარეთა და ცხოველთა ჯიშების გამოყვანა, მათი კულტურების წესი, ქმნის არაბის არა მხოლოდ ბუნების საგნების დამუშავება და მოპოვება, არამედ ადამიანის მიზანმიმართული ზემოქმედება საკუთარ სულიერ უნარზე. სულის გარდაქმნას მიწის დამუშავების მსგავსად, ფ. ბეკონი „სულის გეორგიკას“ უწოდებს.

ილია ჭავჭავაძე ქართველ ერს უძველესი დამოუკიდებელი სამიწათმოქმედო კულტურისა და სოციალური მემკვიდრეობის მქონე ხალხად, ხოლო საქართველოს, მისი ბუნებრივი კლიმატური და ნიადაგობრივი მრავალფეროვნების გამო, აგრარულ ქვეყნად მიიჩნევდა: „ამას ეჭვი არ უნდა, რომ ჩვენი ქვეყანა მიწათმოქმედი ქვეყანაა და ერთადერთი წარმოება, რომელსაც იგი ამოქმედებს, სასოფლო მეურნეობაა, ესე იგი – იმისთანა წარმოება, რომელსაც პირდაპირ მიწასთან აქვს საქმე და მიწისმოქმედებასთან“.

საქართველოს გეოგრაფიული გარემო, მკვეთრად გამოხატული ვერტიკალური ზონალობა, განაპირობებდა მისი და ბარის ეკონომიკური ზონების ფორმირებას, სოფლის მეურნეობის გაძლიერების სპეციფიკურ თავისებურებას, რომელიც ბუნებასარგებლობის პრინციპებს, ნიადაგდაცვით მიწათმოქმედებასა და ბუნებრივ-კულტურულ მეცხოველეობას ეფუძნებოდა.

თანამედროვე მსოფლიოში გარემოსა და ადამიანებს შორის ურთიერთობა სახელი ეკოლოგიური აღრიცხვის საფუძველზე ეწყობა დროს წესრიგში მათს ბუნებასარგებლობისა და სურვილების წარმოების ეკოლოგიური პრობლემის გადაწყვეტის ამოცანა. ეს შესწავლება ევროპიდან მოდის და მამართულია ბუნებრივი გარემოს კატასტროფული ანთროპოგენული ხასიათის ცვლილებების შესაჩერებლად და სასურსათო პროდუქციის უსაფრთხოების პრობლემის გადასაჭრელად.

ჩვენი საწარმოო მასშტაბების მქონე ქვეყანა, მხოლოდ ეკოლოგიურად სუფთა აგროპროდუქციით შეუძლია შეაღწიოს და დაამკვიდრდეს ევროპულ ბაზარზე, რადგან, მისი მცირემიწიანობიდან გამომდინარე, აქცენტი უნდა გააკეთოს არა წარმოების მასშტაბსა და რაოდენობრივ მაჩვენებლებზე, არამედ სასურსათო პროდუქციის უსაფრთხოებასა და ხარისხობრივ მახასიათებლებზე. ჩვენ უნდა აღვადგინოთ და განვაფართოოთ აგროეკოლოგიური წარ-

მოების ის ტრადიციები და უნიკალური წესები, რომლებიც თანხვედრაში მოვლენ თანამედროვე ტექნოლოგიებთან. ეს საშუალებებს მოგვცემს ვაწარმოოთ უხე და ეკოლოგიურად სუფთა პროდუქტი, რაც ამავე დროს ეკონომიკურად რენტაბელურია და უფრო დაგვახლოვებს ევროკავშირის მოთხოვნებთან საკვები პროდუქტების უვნებლობასთან დაკავშირებით. ასეთი მიდგომა გამართლებულია, მით უმეტეს, რომ უნიკალური ბიოგეოკლიმატური პირობები და გარემო, ხალხის უნიკალური მემკვიდრეობა, გეოპოლიტიკური მდებარეობა და სხვა ფაქტორების კომპლექსია, – ქმნის ქართული აგრარული მეურნეობის შედარებით უპირატესობას. ეს უპირატესობა, საქართველოს მთისა და მთისწინეთის ყველა რაიონს აქვს.

ილია ჭავჭავაძემ საქართველოში საფუძველი ჩაუყარა ლიბერალურ-დემოკრატიულ ეროვნულ მოძღვრებას, რომელიც მისი და შემდგომი თაობების სამოქმედო პროგრამის ქვაკუთხედად იქცა. არჩილ ჯვარციანი სიტყვებით: „ილია ჭავჭავაძის ეროვნულ-პოლიტიკურ მოძღვრებას არამც თუ თანავუერძნობით, პირიქით, ჩვენს ეროვნულ მოძღვრებადა ვსთვლით“. ამ თვალსაზრისის გამოვლინება: „სამიერკველს ნაციონალურის ძალისა შეადგენს ტერიტორია, მიწა-წყალი, მამული, სამშობლო... წაართვით ერს მისი მიწა-წყალი, მისი ტერიტორია, და იგი დაპყრობის არა მარტო ნიადაგს არ სძლებს, ისტორიულს სულსაც, რომელიც სამშობლოში ტრიალებს“ (ი. ა. გოგებაშვილი). „ენასთან და გვარტომობასთან ერთად მიწა ერთი უპირველესთაგანი ფაქტორი ეროვნულის ცხოვრებისა“ (არჩ. ჯვარციანი).

ილია ჭავჭავაძეს თავის დროზე მცდელობა არ დაუკლია საქართველოში მიწათმფლობელობისა და მიწათმოქმედების აღორძინებისათვის. რადგან სწამდა, რომ: „ქვეყნის ეკონომიური სიმტკიცე და ძლიერება გლეხკაცობის მიწათმფლობელობაზე დამოკიდებულია. რამოდენადც ვე მიწათმფლობელობა ფართოა, სხვახედ დამოუკიდებელი და თავისუფალი მიწათმოქმედებისათვის, იმოდენად ქონებითი ძალ-ღონე ქვეყნისა, თუ სახელმწიფოსი მტკიცეა, ძლიერი და მუდმივი“.

ერის მამა მიეკუთვნებოდა ფარულ აგრარული რეფორმის იმ მცირე რიცხოვან მხარდამჭერთა ჯგუფს, რომელთაც ამოდელი თანამართველობის დამკვიდრება და საგლეხო მიწათმფლობელობის გაფართოება, „ადგილის კაცის“ – მკვიდრი მიწათმოქმედის ფუნქციონირება და უფლებათა გაძლიერება. ერის მოძღვარი ბრძანებდა: „დღეს თუ ხვალე საჭიროება მოითხოვს, რომ გლეხი მიწის პატრონად შექმნას“. ამასთან ხელისუფალთ შეასწავლეთ: „მთელი განათლებული ევროპა, მთელნი დიდებულნი მესვეურნი კაცობრიობის წარმატებისა – იღვეიან, სისხლსა ღვრან, რომ მიწა, კუ მუქით, ბუნებისაგან მონიჭებული ეკუთვნის ყოველის ადამიანისა, შეძლებსა მტკიცე - თანასწორად მორიგებულ ჰქონდეს ყოველს მკვიდრს მცხოვრებას. რომელმა ერმაც ეს ვერ მოახერხა, ამ ყოველს გასულს ტყველს ყოველის საზოგადოების წამალი ვერ დასდგა, – მიწასთან გასწორდა, გაქარწყლდა და მტკვრად აიგავა“.

ილია ჯვარციანი ითხოვდა იმდროინ-

დელი ხელისუფლებისაგან: „ნუთუ ჩვენ არ შეგვიძლიან თამამად მოვიხსოვოდ უბრალო, ბუნებრივი რაიმე ქართველის მიწა ქართველისთვის იყოს, ნუთუ ჩვენ არ შეგვიძლია მოვითხოვოთ, რომ კანონები, რომელიც ახლა პეტერბურგში იწერება, აქვე ადგილობრივ იწერებოდეს, რადგან, რაც რუსისთვის სასარგებლოა, ის შეიძლება ქართველისთვის მაკენე იყოს“.

XXI საუკუნის საქართველოში, როდესაც დიდი ილია საყოველთაოდ აღიარებულია და მომავალ ყველა თანხმდება, რომ ილიამ მომავალი განსაზღვრითა, წარმოაჩინა ერის მომავლის განვითარების კონცეპტუალური ხედვა, რომელიც უსწრებს და შეესატყვისება თანამედროვე ცნებებს – „მომავლის ინსტიტუტი“, „მომავლის განვითარება“ (მ. ბილი), ერის წინაშე კვლავ გაჩნდა რეალური პერსპექტივა მის მიერ დასახული გზით სვლისა. მოგზისებნათ, ილიას მკვლევარმა ბარბას გვა პირიქით. მიწა-წყალი, ამ გზამ ტაძარადვე ვერ გამოვიყვანა.

დღეს, კი უღტვა ლიბერალიზმის (რომელსაც არაფერი აქვს საერთო ჭეშმარიტ ლიბერალიზმთან) სახელით ცდილობენ, სასოფლო-სამეურნეო დანიშნულების მიწა საქართველოს მოქალაქეობის არმქონე პირებს დაუკანონონ, რაც დაუშვებელია, რადგან ეწინააღმდეგება ჩვენს ეროვნულ ინტერესებს. ხალხის „სასიკეთოდ“ მიღებული ამგვარ გადაწყვეტილებებს ქვეყნისათვის გამოუსწორებელი ზიანის მოტანა შეუძლია.

არ აქვთ გაცნობიერებული, რომ საქმე ეხება არა განყენებულად მიწას, არამედ, სახელმწიფო ტერიტორიას, ერთსათვის სასიცოცხლოდ აუცილებელ სივრცეს, წარმოების უალტერნატივო საშუალებას, რომელიც არსებითად განსაზღვრავს ქვეყნის პოლიტიკურ-ეკონომიკური დამოუკიდებლობის ხარისხს და ფაქტობრივად წარმოადგენს მოცემულ სივრცეში ერის არსებობის უნიკალურ საფუძვლად.

ის ფაქტი, რომ ტერიტორიულ სუვერენიტეტს იცავს სახელმწიფო, სულ არ ნიშნავს იმას, რომ სახელმწიფო მიწის უზენაესი მესაკუთრე სახელმწიფო ტერიტორია (მიწა) ერის საკუთრებაა. ერი, როგორც აღნიშნული უფლების სამართალმემკვიდრე, არ გულისხმობს მხოლოდ დღევანდელ თაობას. ეროვნული სამართალმემკვიდრე სამართალსუბიექტად მიიჩნევა ასევე წარსულ და მომავალ თაობებსაც. სწორედ ამიტომ არცერთი თაობა (მით უფრო, გარკვეული ვადით მოსულ ხელისუფლებას) არ აქვს არანაირი უფლება, საძვალე მოუშალოს წინაპრებს და მამული გაუყიდოს შთამომავლობას.

საქართველოს სახელმწიფო ტერიტორია ქართველი ხალხის ორგანული სოციალურ-ეკონომიკური და ეთნო-კულტურული კანონზომიერი განვითარების შედეგია იმ მიწაზე, სადაც სახელმწიფოსთან ერთად შეიქმნა ქართული ეროვნება და ეროვნული ცნობიერება.

ილია ჭავჭავაძის პარადიგმა, ისტორიული ხედვით განმტკიცებული, მიწისადმი ქართველი კაცის განსაკუთრებული დამოკიდებულების თაობაზე, არა მარტო ქართველი ერისთვისაა აქტუალური, არამედ მთელი განვითარებული კაცობრიობისათვის.

ქართველ ერში ეროვნული ინსტი-



ტუტების შენარჩუნებისათვის ტერიტორიულ დამოკიდებლობასა და ტერიტორიულ სტაბილობას გადამწყვეტი მნიშვნელობა აქვს. აქ ერის სპეციფიკურ თავისებურებებთან ერთად არსებით როლს ერის ტრადიციული სამეურნეო ცხოვრების კულტურა ასრულებს. მასზე მსჯელობისას ილია ბრძანდა: „ვაჭრობა იმისთანა რამ არის, რომ ერთს ბინაზე არ აყენებს კაცს: საცა გამოჩინება და ხეირი, იქ არის იმის მამული, იმის მიწა-წყალი. ამიტომაც ერი, მარტო ვაჭრობაზედ მიქცეული, დარღვეულია, გაქსეული, გაფანტული. მარტო ვაჭრობაზედ დანობილნი სხვის კედელად უნდა იყოს, სხვა ერს შეეხიზნოს, სხვისით იცხოვროს. ამიტომაც საპოლიტიკო მოქმედებისათვის იგი ღონემოკლებულია, ერთად ყოფნისთვის ნიადავი არ აქვს და ხელცარიელია, თუნდაც ვიბეები ჰქონდეს გატენილი. ამისთანა ეკონომიკური ყოფა-ცხოვრებაც იმ ერზედ არის დამოკიდებული, რომელსაც შეჰკედლებია და, რომელსაც ხელი უპყრია მიწა და გუთანა“.

მე-19 საუკუნის მეორე ნახევრის საქართველოს სოფლის მეურნეობის დახასიათება არასრულყოფილი იქნებოდა ილია ჭავჭავაძის შეხედულებებისა და მოსაზრებების გათვალისწინებულად, რადგან პრაქტიკულად არ დარჩენილა სოფლის მეურნეობის განვითარების არც ერთი მნიშვნელოვანი საკითხი, რომელიც არ გამხდარიყო დიდი მოაზროვნის განსჯა-განხილვის საგანი, იქნებოდა ეს:

- თბილისის სათავადაზნაურო საადგილმამულო ბანკი;
- კავკასიის სოფლის მეურნეობის საზოგადოება;
- ვაზის დავალებათა წინააღმდეგ მებრძოლი კომისია;
- ბოსტნეულ-ბაღიერი პროდუქტების კავკასიის გამოფენა;
- კახეთის სოფლის მეურნეთა კავშირი;
- ღვინის ვაჭრობის პირველი ამხანავობა;
- წინამძღვრანთკარის სამეურნეო სკოლა;

- ხილნარობისა და მევენახეობის სასწავლებელი თუ მრავალი სხვა საჭირობო საკითხი.

სოციალურ-ეკონომიკური პრობლემატიკის შესწავლისა და ეკონომიკური განვითარების კანონზომიერებათა გაანალიზების შედეგად, ილიამ დაასაბუთა სოფლის მეურნეობის უპირატესი განვითარების როლი და აუცილებლობა ქვეყნის ეკონომიკური აღორძინების საქმეში. "სოფლის მეურნეობას, ადგილ-მამულის პატრონობის წარმოებას, დიდი მნიშვნელობა აქვს ხალხის სიმდიდრისათვის ყველგან და ჩვენში უფრო განსაკუთრებით, იმიტომ რომ ჩვენში სხვა თვალსაჩინო ეკონომიკური წარმოება არა არის რა, თვინიერ სოფლის მეურნეობის წარმოებასა. თავი და ბოლო ხალხის ცხოვრებისა, საზრდობისა, სიმდიდრისა მაგაზედ არის დამყარებული“.

ილია ჭავჭავაძემ სწორად გაიაზრა ეროვნული ზნეობრივი ღირებულებებისა და ერის ტრადიციული სამეურნეო მახასიათებლების ერთიანობა. „ჩვენებური გლეხი ბინადარი კაცია, საცა დაბადებულია, იქ მკვიდრად ფეხმოკიდებულია და ღრმად ფესვადგებული. იგი თავის მამა-პაპულ ბინაზედ დამოკიდებულია მარტო საეკონომიო ანგარიშით კი არა, არამედ სულითაც და გულითაც; ესე იგი ზნეობითაც შემსჭვალულია. მისი სოფელი სამკვიდროა, თვითონ „მკვიდრა“ თავის სოფლისა და სხვა თავმოსაწონებელი სახელი არ იცის“, - წერდა ილია. ერის მამის თვალსაზრისით ქართველი გლეხის ზნეობრივი

ფსიქოლოგიურ სახეს მიწათმოქმედების გაძლიერის ეროვნული ტრადიციები და თავისებურებები აყალიბებდა. სწორედ ამიტომ გაიხანდა სოფლის მეურნეობა ეროვნული ცხოვრების აღორძინების პროგრამის ეკონომიკურ საძირკვლად.

დიდ მწერალსა და საზოგადო მოღვაწეს კარგად ესმოდა, რომ საქართველოს ეკონომიკური ცხოვრების ძირითადი წარმმართველი დარგი თავისი პრობლემებით ყოველთვის უკავშირდებოდა ქართველი ერის სულიერი და მატერიალური ცხოვრების უმნიშვნელოვანეს სფეროებს. ამიტომ ეროვნული ტრადიციების შენარჩუნებისათვის (რაც ესოდენ მნიშვნელოვანია დღესაც) ბრძოლაში დიდ ფუნქციას აკისრებდა სოფლის მეურნეობას, დაუჩინებელი უსაბუთებდა იმდროინდელი ხელისუფლებას გაძლიერებას "იმ წარმოებისა, რომელსაც მიწათმოქმედება ჰქვია, ანუ ერთიანი სახელი - სოფლური მეურნეობა“.

ილია ჭავჭავაძემ განსაკუთრებულ მნიშვნელობას ანიჭებდა საქართველოს სოფლის მეურნეობის საუკუნოვანი ტრადიციების შენარჩუნებას, მეცნიერებისა და ტექნიკის მიღწევების გათვალისწინებით სახავდა მისი განვითარების გზებს და საშუალებებს, იცავდა მიწათმოქმედთა ინტერესებს, ყველაჯურის უცხოელი ვაისპეციალისტებისაგან იმ ხანად მრავლად რომ შემოდის და მკვიდრდებოდნენ საქართველოში: „ვეყო, ბატონებო, ჩვენის აწმყოსი და მომავლის ბედის სხვაზედ მივდებ, ჩვენის გაჭირვებისა, გულისტკივილის და წადილის პატრონი ჩვენვე უნდა ვიყვნეთ“. მიანდა, რომ „...ეკონომიკური გაძლიერებისათვის ჩვენს სოფელს ბუნებისაგან თითქმის არა აკლარა, ზომიერი ნელ-თბილი ჰავა, ნაყოფიერი და თითქმის ყველაფრის უხვად მოძეკი მიწა მომსწავებელი არიან იმოდენა სიმდიდრისა, რამოდენიც საჭიროა, რომ ერმა უმტკივნეულოდ თავი ირჩინოს და ყოველ სფეროში ღონივრად გაიწვივამოიწიოს წარმატებისა და კეთილმდგომარეობისათვის“.

ილია ჭავჭავაძემ უპირველესი ზრუნვისა და დაცვის ობიექტად მიწათმოქმედება აღიარა. „ერთი უდიდესი წყარო სიმდიდრისა, უფრო მტკიცე და საძილო ხენათესაა, მიწათმოქმედება ყოველგვარი, იმიტომ რომ ამ მრეწველობის ნამდვირი შეადგენს უპირველეს საჭიროებას ადამიანის ცხოვრებისას.“ თვლიდა, რომ მიწათმოქმედების "სამუდამოდ და მკვიდრად განკარგვისათვის" საჭირო იყო ხანგრძლივი პერიოდი. "ამიტომაც ყოველი წარმატება, ყოველი წინ წადებული ბიჯი მიწისა და გუთნის მიმართ ჩვენთვის დიდის ყურადღების ღირსი უნდა იყოს... ჩვენი ძალღონე, ჩვენი ცხოვრებისა და ვინაობის, ჩვენი მკვიდრი და უტყუარი შემსახველი, ჩვენი სიკეთე და სიმდიდრე - მიწა და გუთანა“.

ილიას სწამდა, რომ „ჩვენ ქართველები პურისა და ღვინის ქვეყანა ვართ“, თუ ერმა პურისა და ქერის ხენათესის გარდა ვაზის მოვლა მინც იცის კარგად თუ ავად, იცის ღვინის დაყენება, ჰქმნის ამ ერს სხვასთან შედარებით, თუ სხვა ყოველი გარემოება ერთნაირია, უფრო წინ წასულად ქონებითად და აქედან ზნეობითადაც“. ერის მოძღვარი ქართველ გლეხს შეასწავნა იმ მრავალსაუკუნოვან ფუნქციას, რაც ვაზის კულტურას ჰქონდა ქართველი კაცის სამეურნეო საქმიანობასა და ყოფაცხოვრებაში. ილიამ კარგად იცოდა, რომ მევენახეობა-მეღვინეობა იყო ეროვნულობის, ქართველობის დაცვისა და შენარჩუნების მძლავრი სტიმული. "ჩვენებური გლეხკაცს ვენახი და ხილნარი

მარტო გამოჩინების წყაროდ კი არ მიანია, არამედ იმ წმინდა აუზადაც, სადაც მის მამა-პაპს თავისი ოფლი მოუდენია და მიუბარებია საშვილიშვილოდ. ჩვენში რომ გლეხკაცმა თავი დაანებოს თავის ადგილს, ვერ უნდა გულიდამ აძლიოს თავისი თემი, თავისი ოჯახის წარსული, თავისი მამა-პაპა, რომელთა ნაშთი, ძველი თვითოფლი ვაზია, თვითოფლი ხეა, მამა-პაპის ხელით დარგული და ოფლით მორწყული, და რომელსაც იგი სამეფროს ეძახის. ყოველ ამის გულიდამ აძლევდა ძნელია“.

სასოფლო სამეურნეო წარმოების რაციონალური გაძლიერა ილია ჭავჭავაძეს ვერ წარმოედგინა ადგილობრივ მიწათმოქმედთა მიერ თანამედროვე ტექნოლოგიური მიღწევების ათვისების გარეშე („დროთა შესაფერისი ცოდნა, დროთა შესაფერი ხერხი, დროთა შესაფერი მხნეობა და გამრჯელობა“, - მიწათმოქმედის ცოდნის პროდუქტიულობაა, რაც ესოდენ მნიშვნელოვანია დღევანდელი ქართული სოფლისათვის). ილიას არა ერთხელ შეუსყიდია გერმანიიდან თუ საფრანგეთიდან უახლესი მიდიფიკაციის მანქანა-არაღები საკუთარ მამულში დასანერგად. თუმცა მან მათი გამოყენება კვალიფიციური მუშა-ხელის არარსებობის გამო ვერ მოახერხა. ასეთი უცხო ხელი იყო მოწყობილობა, რომელსაც კრუხის როლი უნდა შეესრულებინა, რასაკვირველია, ინკუბატორის ვეულისხმობით. იგი კარგა ხნის განმავლობაში აოცებდა ილიასთან სტუმრად მისულ საზოგადოებას თავისი შესაძლებლობებით, რომლის დემონსტრირებაც ვერ იქნა და ვერ მოხერხდა.

ილიას კარგად ესმოდა, რომ საქართველოს არ ჰყავდა მაღალკვალიფიციური, უმაღლესი განათლების მქონე აგრონომები, რომელთაც უნდა ეზრუნათ ქართული მიწათმოქმედების აღორძინებაზე; მხოლოდ უცხოელ სპეციალისტებზე დაყრდნობა, რაგინდ მაღალკვალიფიციურიც არ უნდა ყოფილიყვნენ ისინი, ვერ განაპირობებდა ქვეყნის სოფლის მეურნეობის აღდგენა-განვითარებას; ამიტომაც, დიდი საზოგადო მოღვაწის მიზანს იყო გლეხს შეევენო ცოდნისა და დაგროვილი გამოცდილების შექმნის გარდუვალი აუცილებლობა, ზიარებოდა მეცნიერების თანამედროვე მიღწევებს მიწათმოქმედებასა და მეცხოველეობაში, განმტკიცებდა რწმენა, რომ მხოლოდ იგა ჭეშმარიტი პატრონი და გამგებელი წილხვედრი მიწისა. ილია ბრძანდა: "განათლება, სწავლა, ცოდნა - აი ერთადერთი საშუალება, რომელსაც შეუძლიან წამალი დასდოს ჩვენს ცხოვრებას... მასწავლებელი, ექიმი, ტექნიკი, მიწის დამამუშავებელი მცოდნე, - ყველა, ვინც კი მეცნიერებით და ცოდნით შეიარაღებულია, ყველა საჭიროა ახლა, თუ ნამდვილად გული გვტკივა ხალხისათვის... ერთი უმთავრესი სახსარი ცოდნის შექმნისა - სამეურნეო სკოლაა. ამ-გვარის სკოლების გამართვა ჩვენში აუცილებელი საჭიროებაა“.

ამიტომაც ერის მოძღვარი უმაღლესი და უმაღლესი სპეციალური სასოფლო-სამეურნეო სკოლების შექმნას განსაკუთრებულ მნიშვნელობას ანიჭებდა. 1883 წელს, წინამძღვრანთკარის სამეურნეო სასწავლებლის გახსნისას წარმოთქმულ სიტყვაში აღნიშნავდა "აქედამ ჩვენი შვილები, თქვენი შვილები გამოიზარენ იმისთანა ცოდნას, რომელიც დღემდის გულში ჩაკვავებდეს, მიგვაგებინებს - სად რა სიმდიდრე სძევს და რა რიგის ხერხით შეიძლება ამ სიმდიდრეს ხელი მივაწვდინოთ, ამოვიღოთ და მოვიზმართო ქვეყნისა და ჩვენი თავის სა-

დღევანდელი“. საინტერესო მოსაზრება გამოთქვა ილია ჭავჭავაძემ თავის წერილში "კავკასიის სასოფლო მეურნეობის საზოგადოების" შესახებ, რომელიც 1850 წელს იყო დაფუძნებული. მოწინავე ევროპული ქვეყნების (საფრანგეთი, პოლანდია, ბელგია, გერმანია, ინგლისი) გამოცდილების მიმოხილვის შემდეგ ილია დაასკვნის, "მთავრობას იმისთანა წყობილება უნდა ჰქონდეს, რომ ერთის გზით თავისი ხალხის მეურნეობის ნამდვილს, უტყუარს და აუცილებელ საჭიროებას დღემუდამ ჰგონობდეს, და მორეს გზით - მზად იყოს ფულით, ცოდნით, რჩევით დაუყოვნებლივ შემწეობა მთავრობის იქ მანაც, საცა კერძო პირთა შეძლება ვერ გაწევდება". დიდი მწერლის სიტყვებით "კავკასიის სასოფლო მეურნეობის საზოგადოებას" წარმატებისათვის რომ მიეღწია, იგი უნდა ყოფილიყო ჭეშმარიტი წარმომადგენელი "ადგილობრივთა მიწათმოქმედთა და სასოფლო მეურნეობის მოწარმეთა", - უნდა ყოფილიყო "შუამდგომელი მთავრობის წინაშე", რათა მისი "შუამდგომეობა მზრუნველობა და შემწეობა იქით მიემართა, საითაც საჭირო იყო. თუ ეს არ მოხდებოდა, "საზოგადოება ისევ ისე მკვდარი" იქნებოდა, "როგორც აქომამდღე იყო“.

დღესაც, შესაბამისი სამთავრობო სტრუქტურა ვერ უზრუნველყოფს სოფლის მეურნეობაში შექმნილი კრიზისული მდგომარეობის დაძლევის, რადგან არა აქვს კავშირი აგრარულ მეცნიერებასთან და აგრომეწარმეებთან.

ერის განმანათლებელი ცდილობდა ევროპული გამოცდილების მაგალითზე ჩვენშიც დანერგილიყო ამხანაგობათა (კოოპერატივების) ჩამოყალიბების ტენდენცია. ილია მიესალმა თელავის თავადაზნაურთა მიერ შექმნილი "კახეთის სოფლის მეურნეთა კავშირის" შექმნას, მოიწონა მისი წესდების პროექტი და გამოთქვა იმედი, რომ "კავშირი" ბევრ სასიკეთო საქმეს გააკეთებდა. "ეს იმისთანა საქმეა, რომელიც საუკუნოდ სასოფლად გახდის იმის სახელს, ვინც ამ საქმეს მესვეურობას და მეთაურობას გაუწევს. ესეც უნდა იცოდეს თავადაზნაურობამ, რომ აქ მტარჯილენის გაწირვა და გაყვამ დიდის სიკეთის მომალეობისათვის ყველასათვის ერთად და საითთად ცალკე, და ყოველი დაზოგვა და არგაცემა - დაკარგვა“.

ილიამ იცოდა, რომ სოფლის მეურნეობის აღორძინებას ფინანსური რესურსები ესაჭიროებოდა. ამისთან, უნდა გადაჭრილიყო ერისათვის უმნიშვნელოვანესი - „მიწის ქართველთა ხელში დარჩომის“ ამოცანა. მკვიდრი მიწათმოქმედი უნდა დამკვიდრებულიყო იმ მიწაზე, რომელსაც იგი ამუშავებდა და რომელიც - საქართველოს ტერიტორიას მოიცავდა. სწამდა, რომ ეს მიწა ქართველთა ერთადერთი საცხოვრისა და ამ მიწაზე მთავარი შემოქმედი და პროდუქციის შემქმნელი ქართველი კაცი უნდა იყოს. ილიას სიტყვებით: „მიწათმოქმედი მუშა ისე არა ჰქონებას არ ეტანება, როგორც უძრავს, ესე იგი მიწასა, ადგილ-მამულსა. ამგვარობაში ჩვენი გლეხია ღირსშესანიშნავი“. გლეხკაცობას მიწის შექმნაში დახმარება ესაჭიროებოდა. ამ მიზნით სპეციალური სამიწათმოქმედი ბანკის შექმნა იყო საჭირო. „ილია ჭავჭავაძის ზრუნვა იმაში იყო, რომ ის მიწა, რომელსაც ჰქარავს თავადაზნაურობა, გლეხკაცობის ხელში დარჩენილიყო და ჩვენს მწერალს ძლიერ აფიქრებდა ის, თუ რა გზით მოხერხდებოდა და მოეწყობოდა ეს საქმე“ (ა. ჯორჯაძე).

დიმიტრი ყიფიანის იდეასა და წამოწყებას სათავადაზნაურო საადგილმამულო ბანკის შექმნის თაობაზე,

ილია ჭავჭავაძემ ფრთები ეხვეწა წმინდასა. ბანკის დაფუძნებას... თავისი გამოსვლა შემდეგი სიტყვებით დაასრულა: „ქართველი ერი სამარადისოდ მაღლიერი იქნება ამ საქმის წამომწყებისა და მესაძირკველის უფალ დიმიტრი ყიფიანისა“.

ერთი წლის შემდეგ ილიას ხელშეწყობით საქმიანობა დაიწყო ქუთაისის საადგილმამულო ბანკმაც.

ილია ჭავჭავაძემ სრული 30 წელი დაჰყო ბანკის მმართველის თანამდებობაზე და დიდი ენერგია შეაღწია ქართული საბანკო სისტემის განვითარების საქმეს, რომელიც დიდი ილიას მეცადინეობით გადაიქცა:

- ქართველთა შორის წერა-კითხვის გამავრცელებელი საზოგადოების;
- ქართული თეატრის;
- ქართული გიმნაზიის;
- ნიჭიერი ახალგაზრდობის სწავლა-განათლებისათვის ზრუნვისა და მიუღი რიგი სხვა ქართულ კულტურულ-საგანმანათლებლო დაწესებულებათა დამფუძნებლად და დამფინანსებლად.

ბანკი იყო პირველი ეროვნული ორგანიზაცია, რომელიც ქართველთა აქტიურობით და მონდობებით შეიქმნა. დიდმა მწერალმა 12 წერილი მიუძღვნა საბანკო-საკრედიტო და საფინანსო საკითხს. სტატიებში: "ტფილისის ქართული საადგილმამულო ბანკი" (1886) და "მინაური მიმოხილვა" (1883) ილიამ განმარტა საადგილმამულო კრედიტის მნიშვნელობა "მიწის და მიწათმოქმედების განკარგებისა და გაძლიერებისათვის". "დანიშნულება საადგილმამულო კრედიტისა განკარგება მამულ-ღვლეულისა, გაძლიერება მიწათმოქმედთა ღონისა და მომცემლობისა". "ჩვენი ქვეყანა მიწათმოქმედი ქვეყანა და ერთადერთი წარმოება, რომელსაც იგი ამოქმედებს, სასოფლო მეურნეობაა. ამიტომ საადგილმამულო კრედიტს, როგორც კრედიტს, საგნად მარტო ის უნდა ჰქონდეს, რომ გააძლიეროს, სოფლის მეურნეობის წარმოება და რადგან ეს წარმოება განუყოფლად შეერთებულია მიწასთან და მიწათმოქმედებასთან, ამიტომაც საადგილმამულო კრედიტი ირჩევა ყოველ სხვა კრედიტისაგან იმ განსაკუთრებული თვისებებით, რომლებიც წარმოსდგებიან თითონ მიწათმოქმედებსა და მიწის ეკონომიური ბუნებისაგან“.

„საადგილმამულო ბანკის არსის გამოსახატავად ნ. ნიკოლაძე მეტად ტყვედ ცნებას ხმარობს - განახლების ბანკი. თუ ადრე იგი თავადაზნაურობის კეთილდღეობის შესანარჩუნებლად იყო ჩაფიქრებული, თერგდალეულთა ხელში ეროვნული ცხოვრების განახლების იარაღად გადაიქცა“ (ა. ბაქრაძე).

დღესაც არ დაუკარგავს აქტუალობა დიდი საზოგადო მოღვაწის პუბლიკაციებს ქვეყანაში პურეულისა და ბამბის მოვლა-მოყვანის, ტყის, ტექნიკური კულტურების გაშენების, სასოფლო-სამეურნეო ტექნიკის გამოყენების, მელიორაციის და სხვა პრობლემური საკითხების შესახებ. სტატიაში „ჩვენი გლეხობა და ტყეებით სარგებლობის საქმე“, ილია ბრძანდა: „ჩვენებურის გლეხისათვის ტყე ისე საჭიროა, როგორც არსებითი პური. უტყველ ჩვენებურს გლეხკაცი ვერ დადგება ისე, როგორც უპური“. საამჟამაზე გამოიტანა სატყეო ხელისუფლების ძალმომრეობა და უკანონო დაუსჯელო საქმიანობა, ასევე ტყით სარგებლობის რუსული წესის ქართული სინამდვილისადმი შეუთავსებლობის საკითხი. პურეულის საკითხთან დაკავშირებით, უღერესად ყურად-

საღებია ილია ჭავჭავაძის წერილი "პურეულით ვაჭრობის საქმე ჩვენში", სადაც ილია დაასკვნის: "ჩვენ მართო, იმას უნდა ვეცადოთ, - პური იმდენი მოვიყვანოთ, რომ სასიყდელი არ გაგვიხდეს, ჩვენ და ჩვენს შინაურ ბაზარს ვყოს".

დარგის პრობლემებზე მსჯელობისას ილია ჭავჭავაძემ გამოყოფდა საქართველოში მრავალდარგოვანი, ფართოდ სპეციალიზებული სოფლის მეურნეობის განვითარების აუცილებლობას. ილიას აზრით, დარგობრივ სპეციალიზაციას უნდა ებასუსხა ხაზინაო და საგარეო ბაზრის მოთხოვნილებებისათვის. ამ ეკონომიურ გზაზე ჩვენი საქართველო რომ დადგეს, ჩვენმა მიწათმოქმედებამ რომ ეს ახალი გზა და მიმართულება ირჩიოს, რუსეთისათვის ის ამზადლოს, რაც რუსეთს არ აქვს, და იქიდან ის ჰზიდოს, რაც რუსეთს ვერც-კი გაუსაღებია - სახელმწიფო ინტერესის თვალთვალ-კი მეტად სახიეროა რუსეთისთვისაც".

თუ იმდროინდელი გადაზიდვების საშუალებებს გავიხსენებთ, რომელიც გლეხკაცის მფლობელობაში იყო (იგულისხმება ურემი), ამასთანავე რუსეთ-საქართველოს შორის არსებულ მანძილსა და თითქმის დანგრეულ გზას, რომელიც ზამთარში იკეტებოდა, ცხადი გასდება, რომ ჭირინაზულზე ზრუნვა სახელმწიფოს საკუთარ თავზე უნდა აეღო. ანდა სულაც ის შუამავალი უნდა მოენახა, რომელიც ორ ქვეყანას შორის სავაჭრო ხელშეკრულებასაც გააფორმებდა და წარმატებითაც დაავიკრივებდა ამ საქმეს. მაგრამ ვაჭართა ფენა, რომლისთვისაც რისკი ჩვეული საქმეა, საეჭვოდ მიიჩნედა ეს-ოდენ შორ მანძილზე მალფუჭებადი პროდუქტების ტრანსპორტირებას. რაც შეეხება ზორბალს, ქვეყანა საკმარის რაოდენობით შიდა მოხმარებისთვისაც კი ვერ აკმაყოფილებდა ადგილობრივ ბაზარს. მაგრამ ილიას მოსაზრება რუსეთთან პარტნიორობის შესახებ ყურადსაღებია თუნდაც იმიტომ, რომ იგი კარგად იცნობდა რუსეთის ბაზარს, ქვეყნის მასშტაბსა და შესაძლებლობებს და დარწმუნებული იყო რუსეთის ბაზარზე ქართული პროდუქტის შეღწევა საქართველოს ეკონომიკასა და პრესტიჟს წაადგებოდა.

დროთა განმავლობაში, რკინიგზის განვითარებასა და ისტორიული აუცილებლობებით გამოწვეული სავაჭრო ურთიერთობები მართლაც შედგა, რამაც თავის მხრივ ქვეყნის ეკონომიკის მკვეთრი ადამილობა გამოიწვია, ხალხის მატერიალური მდგომარეობაც გაუმჯობესდა, მაგრამ ერთი საუკუნის გასვლის შემდეგ, როდესაც რუსეთ-საქართველოს შორის არსებული სავაჭრო კავშირები სრულიად მოიშალა და რუსეთის ბაზრიდან ქართული ხილი, ციტრუსები, ბოსტნეული, ღვინო და მინერალური წყლები გამოაძევეს, საქართველოს ეკონომიკას უდიდესი ზიანი მიაღდა. ქვეყანა ახალი სავაჭრო პარტნიორის ძიებაშია, ფერხვად მომართული გლეხი კი მოწვეული მოსავლის პირისპირ მართო დარჩა.

სოფლის მეურნეობის დარგების სპეციფიკურ თავისებურებათა ცოდნა საშუალებას აძლევდა დიდ მწერალს ნათლად დაესაბუთებინა მევენახეობისა და მეღვინეობის, მეხილეობის, მებოსტნეობა-მებახჩეობის, მეპარეუმეობის, მეფუტკრეობის, ჩაის, სუბტროპიკული და სხვა ძვირფასი კულტურების განვითარების აუცილებლობა საქართველოს

ეკონომიკის ადამილობისათვის. ილიამ იცოდა, რომ თითოეული ეს დარგი წარმოადგენს არა მხოლოდ ქვეყნისა და გლეხიკაცის ეკონომიკურად გაძლიერების წყაროს, არამედ ქართველი ერის სამეურნეო ცხოვრების წესისა და კულტურის ორგანულად განუყოფელ ნაწილსაც, ბუნებრივად მისადაგებულს ქვეყნის ისტორიულ მხარეებთან. ამ ფონზე რაოდენ სამწუხაროა, რომ დღეს, არც თუ იშვიათად, საუბარი გვიწევს არა თუ ტრადიციული დარგების შემდგომ განვითარებასა და რაციონალურ შეთანაწყობაზე, არამედ რიგი მათგანის (მებახჩეუმეობა, მეფუტკრეობა, მეცხვარეობა და სხვ.) შენარჩუნებასა და გადარჩენაზე.

საქართველოში ვაზისა და ღვინის კულტი იდითანვე იყო დამკვიდრებული (7-9 ათასი წლის წინათ). პუტოკოსკი, რ.ვინპოლი, ანგურული ეკაგაროვი და სხვ.). არქანჯელო ლამბერტი წერს: „ვის იცის, იქნება ძველებმა იმიტომ უწოდეს ქართველებს გიორგანი, რომ პირველად ნოემ ამ ქვეყანაში ავარჯიშა ეს ხელობა და იქნება ამ დაბადებამ აქ ქვეყნის მკვიდრო ამისათვის უწოდა პირველი მიწის მუშაკნი. „და იწყონ ნოემ კაცმან საქმედ ქვეყნისა და დაასხა ვენახნი“. აქ ბერძნულ თარგმანში წერია: „ნოე ანდროპოს გეორგეს“. იქაურებს დღემდის მართო სახელი კი არა, ჩვეულებრივ თავის პირვანდელი წინაპრებისა შერჩენიათ. მართლაც, მიწის მუშაობას როგორც საქართველოში, ისე კოლხიდაში ისე ეტანებიან, რომ ყველას კეთილშობილურ საქმედ მიანია თავის ყანაში მუშაობა. სხვა რომ არაფერი იყოს, ნიესაგან მათი ჩამომავლობა, მათი ჩვეულება ამტკიცებს, ყოველგან ვენახებს ამწებენ და ცდილობენ ბევრი ღვინო მოიყვანონ, რომელიც ძლიერ უყვართ“.

მართალია, ქრისტიანობამ ცეცხლს მისცა ვაზისა და ღვინის წარმართულ ღვთაებათა კულტები, მაგრამ თავად ვაზი ახალი რელიგიის სიმბოლოდ აქცია. წმინდა ნინოს ვაზის ჯვრით ხელში შემოსვლა საქართველოში დასტური იყო იმისა, რომ მან იცოდა რაოდენ მაღალგანვითარებული (იგულისხმება მევენახეობა) ქვეყანაში შედიოდა განმანათლებელი. რაც შეეხება ქართულ საგალობელს „შენ ხარ ვენახი, ახლად აღყვავებული, მორჩი, კეთილი, ედგმში დანერგული...“ (მეფე დემეტრე პირველი), მან საუკუნეებს გაუძლო და ურთულესი პოლიფონური სვლების მიუხედავად, ერის მუსიკალური საგანძურის მშვენებას წარმოადგენს. ქრისტე გემოდვრავს: „მე ვარ ვაზი ჭეშმარიტი, მამაჩემი კი მიწის მუშაკია“, „მე ვაზი ვარ თქვენ კი ღვინო“ (იოან. 15.1.5.6). ვაზი ქართველ კაცს „სიცოცხლის ხე“ მიანდა. აგუნა ნაყოფიერებისა და სიუხვის ქართული ხვთაებაა. ყურძნის წვენს ქართველები მიიჩნევენ წმინდა სასმელად. თ. ბაგრატიონი გადმოგვცემს: „შესწივდივს ღვინოსა ახალსაცა და ძველსა, აღუწებდეს სანთელთა დიდ-დიდთა შთამოსხმულთა ცვილთაგან“.

ქართველი კაცი ღვინის დაყენებას დიდი პასუხისმგებლობით ეკიდებოდა, ყურძნის მტევანს ალალი კაცის მარჯვენა უნდა შეხებოდა. ღვინო მხოლოდ ყურძნის წვენის დაღვლებით მიიღებოდა და ამ წვის დაუცველობა წარმოდგენილი იყო. ქართველი მევენახის სინდისი ზედაშუა, რომლითაც ინათლებოდა მათი შვილები, შვილიშვილ-

ბი, შვილთაშვილები და თაობიდან თაობას გადაეცემოდა ღვინის დაყენების ქართული წესი: კახური (ჭაჭაზე სრული დაღვლებით - ექსტრაქტული ღვინოები), იმერული (ჭაჭაზე დაღვლებითის გარეშე - არაექსტრაქტული ღვინოები), რაჭული (ჭაჭაზე ნახევრად დაღვლებით).

„ჩვენებური ღვინო მართალი ღვინოა,“ - ბრძანებდა ილია. „ღვინის კეთებას ჩვენში მრავალი ათასის წლების ისტორია აქვს და, მასამაღამე არის რა მიზეზი, რომლის ძალითაც ჩვენი ერი თვისებურ ღვინის კეთებას პრჩეობს და ევროპულს უფრთხის ერიდება დღესაც... ჩვენებური ღვინის კეთება, მართო იმაზე მიქცეული, რომ ყურძნის წვენს არა რა შეერიოს და ღვინოს თავისი ბუნებური შეურველი თვისება ჰქონდეს.“ ქართული ღვინის უმთავრესი ღირსება „ბუნებრიობაა“, მხოლოდ „ნატურალობაა“, ამიტომ განსაკუთრებული სერიოზულობით იბრძოდა დიდი მწერალი ღვინის ფალსიფიკაციის წინააღმდეგ. მევენახეობა-მეღვინეობის ეროვნული ტრადიციების დაცვისათვის ბრძოლა უშუალოდ უკავშირდებოდა ფალსიფიკირებული ღვინოების მკვლელობის გამოვლენასა და ამგვარი ღვინოების დაყენების უარყოფის კამპანიას. ღვინის ფალსიფიკირების ხერხები და მეთოდები ევროპიდან რუსეთის გზით ჩვენში შემოსულ ეწ. „სიანლითა“ ნაკადს მოსდევდა და ზიანის მეტი არაფერი მოჰქონდა. აქ ილიას მხედველობაში ჰყავდა არა ჭეშმარიტი ევროპული მეღვინეობა, არამედ ისინი, ვინც „გამორჩობისათვის“ ყოველგვარ ღონეს ხმარობდნენ და „ბუნებურ“ ღვინოს ათასგვარის „ოსტატობით“ ამერგებდნენ. „რაც ბუნებური ღვინისათვის საჭიროა, ჩვენც იმოდენად ვიცით, რამოდენადაც ევროპელთა“.

ილია ჭავჭავაძე ქართველ მეღვინეთა გასაგონად აცხადებდა: „თუ მსურთ, რომ რუსეთის ბაზარში ჩვენმა ღვინომ ადგილი დაიჭიროს და ევროპულს ყალბს ღვინოებს აჯობოს და გზა დააცლევინოს, ეს მართო იმით შეიძლება მოხდეს, რომ გასამკლავებლათ ყალბ ღვინოს ჩვენი მართალი ღვინო პირში წაუყუყუნოთ. აქ ჩვენი გამარჯვება უეჭველია.“ ამაზე ლოგიკურად და მიზანდასახულად გზის ჩვენება, ალბათ, ძნელი წარმოსადგენია.

საინტერესო და დღემდე აქტუალურია ილია ჭავჭავაძის თვალთახედვა მთის პრობლემების მოგვარებაზე. მას ღრმად სწამდა, რომ საქართველოს მთიანეთში მეცხოველეობის განვითარება ქვეყნის ერთ-ერთი მთავარი სასიცოცხლო არტერიის - მთიანეთის აღორძინების და თავდაცვის უპირველესი პირობა იქნებოდა.

საქართველოს ცალკეულ მხარეთა სასოფლო-სამეურნეო სპეციალიზაციის ამოცანები და მათი მჭიდრო ეკონომიკური ურთიერთობების აუცილებლობა დღის წესრიგში აყენებდა სამომავლო გზების გაყვანისა და მოწესრიგების საკითხს. უკვე აშკარა იყო, რომ ქვეყნისათვის უგზობა დიდ სირთულეებს ქნოდა ეკონომიკური ცხოვრების მოწესრიგების საქმეში, სერიოზულად უშლიდა ხელს ერის კეთილდღეობის ამაღლებას. „მგონი, არც ერთ ქვეყანას ისე არ ეჭირვება კარგი გზები, როგორც საქართველოს.“ აზნობნულის გამო ერის მამის ზრუნვის ერთ-ერთ ძირითად საგნად საქართველოში და განსაკუთრებით კახეთში სარკინიგზო მიმოსვლის განვითარება გახდა. თუ რაოდენ მნიშ-

ვნელოვანი ნორმალური სატრანსპორტო მიმოსვლა ქვეყნისა თუ მისი ცალკეული მხარეების განვითარებისათვის, ნათლად ჩანს ილია ჭავჭავაძის სიტყვებიდან: „ორმოცის თუ ორმოცდაათი წლის წინათ ქიზიყის პურს ეჭირა მთელი ბაზარი ტფილისისა. ამას გარდა, აქედამ მოდიოდა არაყი, სიმინდი, ფეტვი, ბრინჯი, ბამბა, მშენიერი სახელგანთქმული კახური აბრეშუმი, მშენიერი სურნელოვანი თამბაქო, სამღებრო და სამკურნალო (საფთიაქო) ყვავილი და ბალახი, აუარებელი ხილი, აუარებელი მატყლი, საკლავი საქონელი და მებრვე სხვანი“. ეს ყოველივე წარსულში იყო, რადგან სწორედ უგზობის გამო კახეთი იმ დროს ეკონომიკურად დაუძლეურებულ მხარედ გამოიყურებოდა. ამ პრობლემის მოგვარებას მიეძღვნა დიდი მწერლის არაერთი წერილი და მიმართვა ტფილისის გუბერნიის თავად-ახანაურთა მარშალსადმ, რუსეთის იმპერიის გზათა და სახელმწიფო ქონებათა მინისტრებისადმი. ამასთან დაკავშირებით ილია ბრძანებდა: „კარგის გზების უქონლობა შესაძნევე ნაკულევანება ხალხის ცხოვრებაში, გზების უქონლობა ხელს უშლის ხალხის ეკონომიკურ კეთილდღეობას, უკან აყენებს, აფერხებს მის ცხოვრების წინ მსვლელობას. გზები უადვილებს ხალხს ერთი-ერთმანეთში მისვლა-მოსვლას, ადებ-მიცემას, ნაწარმოების გასაღებას. ეს მარტივი და ყველასათვის ცხადი ჭეშმარიტებაა. ეს ჭეშმარიტება აღიარებულია“ (თითქმის დღევანდელი მის შესახება ნათქვამი).

დასასრულ, ისევ დიდ მოძღვარს მოუხმობთ: „დღევანდელ ცხოვრებაში სუფრის თავში ის ერი დაჯდება, ვინც ირჯება, ვინც მუდამ შრომობს, ვინც ცდილობს ეკონომიურად წელში გაიართოს. ყველასაგან გათელილი, ყველასაგან დაბრწყველული, ყველაფერში ჩამორჩენილი, ყველასაგან ყბადაღებული ისაა, ვისაც თავის მარჯვენის იმედი არა აქვს, ვინც თავისი ძალღონით არ ჰკლამის ლელოს გატანას ცხოვრების მოედანზე“.

„განწირვა მამინ არის დიდსულოვნების საქმე, როცა გამწირველი თვითონ დიდს რასმე ჰკარგავს“, - ბრძანებდა ილია. „ერის მოძმემ ჭმუნვასა და სიხარულში“ სიცოცხლე შესწირა, სიცოცხლე ქართველი ერის განმანათლებლისა და სათაყვანებელი პიროვნებისა და დაუტოვა ერს გულმაგარი სიტყვა: „მსნე იყავ და გაძლიერდი“.

„ჩვენ უნდა ვსდითო ახლა სხვა ვარსკვლავს“, - ილიას მაგალითით ცხოვრებას ნიშნავს მხოლოდ. „ჯერჯერობით ერთი დღეც არ გვიცხოვრია ილიას მაგალითით. კი ვამბობთ, ხმამაღლა ვიქაღნით, ვიშუქრებით კიდევ, მაგრამ მანც ძველებურად ვაგრძელებთ ცხოვრებას, რაც პირველი რიგში იმ „სხვა ვარსკვლავის“ დანახვას გვიშლის. „სხვა ვარსკვლავი“ თავად ილიაა, რომელმაც ერთხელ და სამუდამოდ უნდა გამოგვიყვანოს მონობის უკუწეიდან. აი, როცა იქიდან გამოვალთ, მამინ უფლებამოსილიც ვიქნებით და, ალბათ, უფრო გამართლებულიც იქნება ჩვენგან ახალი სულიერი ნიშანსვლების ძიება. იქამდე კი, ამის მცდელობაც, სხვა რომ არაფერი ვთქ-

ვათ, ძალიან ნაადრევია...“ (ო. ჭილაძე). მანამდე კი ვხას, დროთა სწრაფი ვამარჯვებული, ილიას „მარჯვენით მოსილი სახე გაგვიანათებს“.

ყველა დიდი მოაზროვნის წინასწარმეტყველება ფასდაუდებელია ქვეყნისათვის, როგორც პერსპექტიული ხედვა მომავლის რეალური სურათისა, ასევე, ილია ჭავჭავაძის მიერ დასახული გზა ეროვნული ცხოვრების აღორძინების პროგრამა „უკეთესი ქვეყნის“ შენებისა, მხოლოდ ერის ერთიანობითა და თანხმობითაა შესაძლებელი, როგორც გიორგი მთაწმინდელი ბრძანებდა: „ერთნებაობითა და თანაგვრებით“!

ეს XXI საუკუნის საქართველომ უნდა შეძლოს.

ქართული სახელმწიფოს აღმშენებლობის ილიასეულ პროგრამას გეთავაზობს სრულიად საქართველოს კათალიკოს-პატრიარქი, უწმიდესი და უნეტარესი ილია მეორე: „საქართველო მხოლოდ მაშინ გადარჩება და დაიმკვიდრებს ღირსეულ ადგილს მსოფლიოში, თუ ის თავის ტრადიციებზე დაყრდნობით შექმნის თანამედროვე ტექნოლოგიებსა და მიღწევებზე დაფუძნებულ ქართულ სახელმწიფოს... საერთაშორისო ბაზარს უნდა შეეთავაზოთ ეკოლოგიურად სუფთა სოფლის მეურნეობის პროდუქცია, რომლის საწარმოო ბაზა საქართველოს მთელი მთა და მთისწინეთია. ეს დიდ მოგებას მოუტანს ხალხს და აღორძინებს ქართულ სოფელს“.

ილია ჭავჭავაძეს ღრმად სწამდა საქართველოს მრავალდარგოვანი სოფლის მეურნეობის პროდუქტიულობისა და კონკურენტუნარიანობის, ქართველი გლეხკაცის უნარ-ჩვევების ტრანსფორმაცია ახალ ვითარებაში, რომელსაც საფუძველი უნდა ჩაეყარა ერთიანი საქართველოს ეკონომიკური ზრდისა და განვითარებისათვის.

ერის მამის ხედვა, სოფლის მეურნეობის ადგილისა და როლის შესახებ, დღევანდელ საქართველოში უმაღლესი ეროვნული ინტერესების სფეროს უნდა მიეკუთნოს.

„მრავალნი არიან ჩინებულ და მცირედნი რჩეულ.“ (მათ. 20.16). მხოლოდ ამ სიტყვების წარმოთქმა იცოდა ილიამ, როდესაც დიდად განაწყენებოდა მოსაუბრეებზე და უკომენტაროდ ტოვებდა შეკრების ადგილს.

დას, ცოლად მან თავისი ფასი, ცოლად, რომ მრავალი ეწვევა ამ წუთისოფელს, მაგრამ მხოლოდ რჩეულთ ხელეწიფებათ ერის სამსახურში ჩადვამა, დროის ფხვდაფხვ მყოლა, რაციონალურად საქმეთა წარმართვა.

აკი ამიტომაც ბრძანა კიდევ ერთმა გამოჩენილმა ქართველმა გრიგოლ რობაქიძემ, რომელსაც გერმანიაში ცხოვრებამ კიდევ უფრო გაუმძაფრა ქართული გენი: „ილია - კარდუს დიდი მოურავია, რისთვისაც მინიჭებული აქვს კოსმიური მედალიონი - „მარად მყოფი“.

პაატა კოლვაშვილი,
პროფესორი, ეკონომიკური მეცნიერებათა დოქტორი, საქართველოს სოფლის მეურნეობის მეცნიერებათა აკადემიის წევრი-კორესპონდენტი

გაზეთ „საქართველოს“ ახალი და ძველი ნომრების შეძენა შეიძლება რედაქციაში

სარედაქციო კოლეგია	რედაქციის ტელეფონები: ტელ: 36-16-32 22-28-82, 8-93-64-44-07	შპს გაზეთი „საქართველო“ რეგისტრირებულია თბილისის კრწანისის რაიონის სასამართლოს მიერ №06/4-444 გაზეთის 06დექსი 66447	გაზეთი ხელმძღვანელობს თავისუფალი პრესის პრინციპით. გამოქვეყნებულ მასალებზე პასუხს აგებთ თავი.
---------------------------	--	---	---